



প্রমোদ-রঞ্জন ।

(রঙ্গনাট্য)

শ্রীক্ষীরোদপ্রসাদ বিদ্যাবিনোদ এম্, এ
প্রণীত ।

[দ্বিতীয় সংস্করণ ।]

কলিকাতা ।

২০১ কর্ণওয়ালিস্ স্ট্রীট বেঙ্গল লাইব্রেরী হইতে
শ্রীগুরুদাস চট্টোপাধ্যায় কর্তৃক প্রকাশিত ।

২ নং গোয়াবাগান স্ট্রীট, ভিক্টোরিয়া প্রেসে

শ্রীকৃষ্ণবিহারী দাস দ্বারা মুদ্রিত ।

১৩০৯ সাল ।

মূল্য ৥০ আট আনা ।

পাত্রপাত্রীগণ ।

পুরুষ ।

প্রমোদ	অবন্তীপুরের রাজকুমার ।
রঞ্জন	প্রমোদের সখা ।
চঞ্চল	আশ্রম-বালক ।

স্ত্রী ।

জয়ন্তী	হিমালয়ের অধিষ্ঠাত্রী দেবী ।
শান্তি	ঐ কন্যা ।
শুভ্র	শান্তির প্রধান সখী ।
চঞ্চলা	আশ্রম-বালিকা ।

পথিকগণ, বন্য-বালকগণ, অদৃষ্ট-বালিকাগণ,
গিরিবালিকাগণ ও প্রতিনিগণ ।



প্রস্তাবনা । ১

অদৃষ্টবালিকাগণ ।

(গীত)

(আমরা) কোথা থেকে আসি কোথা যাই ।

ভাব দেখিছে ভাবুক সুজন বুঝি প্যার কি ভাই ?

ভেবে ভেবে যেজন হয় সারা,

ভারি চোখে ফুটি দিনে তারা,

যেজন ভাবেনা বোঝেনা মেনেনা শোনেনা

তার গাছে গাছে সোণা ফলাই ॥

কাঁটা হয়ে থাকি কেতকী ফুলে,

ফণা তুলে রই তটিনী-কূলে,

চালি সাগরের তলে তপন কিরণ,

আঁধার ঘরে চাঁদ ভাসাই ॥

(আমরা) হাসির ভিতরে শোকের গান,

মলিলে অনিলে শিলার আগ,

শুকায়ে সাগর বসাই নগর,

শিশিরের নীড়ে গিরি গসাই ॥



প্রমোদ-রঞ্জন ।

প্রথম অঙ্ক ।

প্রথম দৃশ্য ।

বৃক্ষতল ।

প্রমোদ ও রঞ্জন নিদ্রিত ।

(চকল ও চকলার প্রবেশ ।)

(গীত)

- চকল ।— এক দুই তিন চার, এক দুই তিন চার,
 প্রেমতে প'ড়েছ বাঁধা জোর কেন আর ।
 এস সুড় সুড়, এস শুড় শুড়,
 এস খপ ক'রে, ধর লপ ক'রে, ক'রেছি অমিরমাখা চার ।
- চকলা ।— পাঁচ ছয় সাত আট, পাঁচ ছয় সাত আট,
 ছেড়েদে ছেড়েদে মালসাট,
 এ চারে নড়েনা কাতা, এ টানে দোলেনা লতা,
 এ বলে খোলেনা কতু হৃদয়-কবাট ।
- চকল ।— সাবধান—চুপ কর—জোর গেছে ভার ।
- চকলা ।— বাহকির টাল হারে, ভুই কোন্ হার ।

(প্রস্থান ।)

প্রমোদ । ঠিক হয়েছে । সখা এইবারে অব্যাহত নিদ্রার অচেতন । একে পরিত্যাগ ক'রে যাবার এই হ'চ্ছে উপযুক্ত সময় । সংসারের সমস্ত ত্যাগ ক'রে বনে চ'লেছি । তখন আবার বন্ধ কেন ? সংবৎসর আমার সঙ্গে সঙ্গে ঘুরছে । এত চেষ্টা ক'রেছি, এত সাধ্যসাধনা ক'রেছি, তবু সঙ্গ ছাড়াতে পারিনি । আর নয় । দেয়া ক'রলে, হয়ত জেগে উঠবে । পালাই । রঞ্জন ! ভাই আমার ! ক্ষমা কর । এ বিপদ-সঙ্কুল দেশে, এ জনহীন পার্শ্বতা প্রাপ্তরে আমি তোমাকে সঙ্গে রাখতে পারলুম না ।

(প্রস্থান ।)

রঞ্জন । (উঠিয়া) কি হ'ল ! প্রমোদ কোথা গেল ! এ কি ? এই যে আমার পাশে ছিল । আমায় ফেলে পালান নাকি ? সন্দেহ ! এতকাল সঙ্গে সঙ্গে রেখে, শেষকালটায় তাকে হারা-লুম ! পালান ! আমায় ফেলে চ'লে গেল ! প্রমোদ প্রমোদ ! এ কি হ'ল ? সখা ! সখা !

(প্রস্থান ।)

চঞ্চল । তুই ঠাউরেছিস কি ?

চঞ্চলা । তুই ঠাউরেছিস কি ?

চঞ্চল । তারা ফিরে এল ব'লে ।

চঞ্চলা । দূর পাগল ! আর তারা ফিরেছে । এ ঘোর বনে দুই বন্ধুকে ছাড়াছাড়ি ক'রে দিলুম, আর কি তারা ফেরে ।

চঞ্চল । দূর পাগলি ! এই দেখ, তাদের ফিরিয়ে আনি ।

চঞ্চলা । সাবধান হয়ে কথা বলিস, তোর ক্ষমতা নয় ।

চঞ্চল । সাবধান হয়ে বলিস, আমার ক্ষমতা ।

চঞ্চলা । হা হা হা—

চঞ্চল । হা হা হা—তবে বলি শোন, পুরুষ টানতে রূপ—

চঞ্চল । আর মানুষ টানতে মারা—তা জানিস ? যদি কেউ ওদের টেনে আনতে পারে ত সে আমি ।—হাঁ মা ! কার ক্ষমতা ?

(জয়ন্তীর প্রবেশ ।)

জয়ন্তী । তোমরা ছুঁজনে ছুঁপথে যাও—ছুঁজনের মোহাড়া আগলে থাক । চঞ্চল, তুমি যাও রঞ্জনের দিকে । আর চঞ্চল, তুমি যাও প্রমোদের দিকে । সাবধান ! এ দুটী যেন কিছুতেই হস্ত-চ্যুত না হয় । তবে পরীক্ষা ক'রে আন । দেখো, আমার আদরের শাস্তি ও মুক্তি যেন অমানুষের হাতে না পড়ে ।

চঞ্চল । তাইত বলি, আমি না থাকলে কি টান আসে ।

(অস্থান ।)

চঞ্চল । আর আমি না থাকলে কি কাছে যেঁসে ।—হাঁ মা ! ওঁ দুটী কে মা ?

জয়ন্তী । প্রমোদকুমার অবস্তীদেশের রাজপুত্র । আর রঞ্জন তার আশৈশব সহচর । মানুষের উপর অভিমানে প্রমোদ সংসার ত্যাগ ক'রে যেন এসেছে ।

চঞ্চল । মানুষের ওপর এমন অভিমান হ'ল কেন ?

জয়ন্তী । আজীবন মানুষের উপকার ক'রে, তার অকৃতজ্ঞ-তার দারুণ বিরক্ত হয়ে, মানুষের আর কখন কিছু ক'রব না, এমন কি মানুষের মুখ দেখব না ব'লে বাছাধন এই হিমালয়ে এসে উপস্থিত হয়েছেন । কিন্তু মূর্খ বোঝে না যে, মানুষের ওপর রাগ করা আর ভগবানের ওপর রাগ করা একই কথা । সুতরাং তাকে শিক্ষা দিতে হবে । আর যে মূর্খ সহচর এমন নরদেবী বজ্রের সঙ্গ-প্রলোভনে এমন বিজ্ঞ দেশে আসতে পারে, মানুষের সঙ্গ ত্যাগ

ক'রতে পারে, তাকেও শিক্ষা দিতে হবে।—চঞ্চলকে এক টা ঘাসের বোঝা জোগাড় ক'রতে বল।

চঞ্চলা । ঘাসের বোঝা কেন মা ?

জয়ন্তী । আমি এক কদাকারা বৃদ্ধার মূর্তি ধ'রে সেই ঘাসের বোঝা নিয়ে পথের ধারে ব'সে থাকব। তাই দিয়ে মানুষ্যত্বের পরীক্ষা ক'রব। চিনির বলদ অনেকে হ'তে যায়, ঘাসের বলদ কজন হয় ? পরের বোঝা বইতে যে ঘাসে ও চিনিতে পার্থক্য না করে, সেই ত মানুষ। যে আমার ঘাসের বোঝা মাথায় ক'রবে, আমি তাকে শাস্তি দান করবো।

(প্রস্থান।)

দ্বিতীয় দৃশ্য ।

পার্কিত্য পথ ।

(রঞ্জনের প্রবেশ।)

রঞ্জন । না, আর কেন ? সে যখন কিছুতেই আমার হ'লনা, তখন তার জন্ত আর অনাহারে ঘুরে ঘুরে দেহপাত কেন ? না, আর না—আর তারে খুঁজছি না। এই পর্য্যন্তই তার অনুসন্ধানের শেষ—এমন নরাধম ! তোর জন্ত আত্মীয় স্বজন জন্মভূমি সমস্ত ত্যাগ করলেম, বনে বনে ঘুরলেম, তুই সেই আমাকে পরিত্যাগ ক'রে পালিয়ে গেলি ?—না, আর তার চিন্তাও নয়। তারে খোঁজবার দরকার কি ? সে যখন আমায় ফেলে চ'লে গেল, তখন কি আমার কি হবে একবারও ভেবেছিল ? নিদ্রিত, অসহায়, অনাহারে, ভীষণ বনে, গাছের তলায় আমার কি বিপদই না ঘটতে

পারত ? গেল ? চ'লে গেল ? সত্যসত্যই চ'লে গেল ? গেল গেল
ঘয়ে গেল, ক্ষতি কি ? ঘরের ছেলে ঘরে যাই—পায়ের উপর পা
দিয়ে ব'সে থাই । সে আমার ভাবনা ছাড়লে, আমি তার ভাবনা
ছাড়তে পারব না ? কেন পারব না ? এই পারলুম, এই
ছাড়লুম ।

(প্রস্থান ।)

(চকলসহ গিরিবালাকাগণের প্রবেশ ।)

চকল । (স্বগত) ছাড়লে বই কি, আর ছাড়তে হয় না । চক-
লের হাতে প'ড়েছ ধন, ঘরে যাবার দফা বুকা । ওরে ছুঁড়ীগুলো ।
ক'রচিস কি ! তোদের রানবহুঁ যে মিলিয়ে গেল ।

(গীত)

আয় আয় রানবহু ভাই চর্ম কোথা চ'লে ।

আয় ঝরে ঝরে থরে থরে থরে,

দেব চারি ধারে রঙিন রঙিন ফুলে ॥

গায়ে তোর হাত দেব না, যেচে লব ক্রপের কথা,

ছড়িয়ে দেব দুর্বাদলে, ভাসিয়ে দেব জালে ।

খাণ্ডিয়ে দেব তরঙ্গ ছায়, ভিজিয়ে দেব লতিকায়,

ঝরিয়ে দেব ঝর ঝর ঝর, গিরির পদতলে ॥

(রঞ্জনের পুনঃ প্রবেশ)

রঞ্জন । ওগো তোমরা কে গা ?

বালাকাগণ । ওরে বাবারে, এ কেয়ে ! (পলায়ন)

রঞ্জন । ভয় নাই, ভয় নাই—একটা কথা জিজ্ঞাসা ক'রব,
তোমরা এখানে একটী মানুষ দেখেছ ? ভয় নাই, ব'লে যাওনা—
ভয় এই কথাটী ব'লে যাও । আরে মর শোনা—ওরে আমি

পথিক, ক্ষুধার্ত তৃষ্ণার্ত পথিক । দূর বেটীরে !—যা চ'লে করলুম
কি ! এতটা পথ গিয়ে আবার আমি ফিরে এলুম । কার জন্তে
এলুম ? যার জন্তে, সে যে নিষ্ঠুর, মিত্রদ্রোহী ! এই আমি যাতে
না ফিরতে হয়, তার উপায় ক'রলুম । এই পা চালালুম, এই ছুটলুম ।
(দ্রুত প্রস্থানোত্তত ।)

(জয়ন্তীর প্রবেশ) ।

জয়ন্তী । দে রামা, মাগুষ দে ।

রঞ্জন । ওরে বাবা, একি ! না না, এ যে একটা থপথপে বুড়ী !

জয়ন্তী । তুমি কি বাবা ক্ষুধার্ত ব'লে চীৎকার ক'রছিলে ?

রঞ্জন । ক'রছিলুম, এখন থেমে গেছি ।

জয়ন্তী । কেন ?

রঞ্জন । সে অনেক কথা । সে কথা শুনতে তোঁর পেরমাইয়ে,
কুলুে হয় ।

জয়ন্তী । ভাল, নাইবা শুনলুম ; দে রামা, মাগুষ দে ।

রঞ্জন । এ কি কথা বুড়ী ? এ কথা কেন বলছিস ?

জয়ন্তী । সে অনেক কথা । সে কথা শুনতে বার-দুইচার
তোমাকে আবার না ফিরতে হয় ।

রঞ্জন । ভাল, নাইবা শুনলুম ।

জয়ন্তী । দে রামা, মাগুষ দে ।

রঞ্জন । না বাবা, এতো বড় ভোগালে ! বেশ, আমি বলছি ।
আমার সখা অবন্তীদেশের যুবরাজ, মাগুষের উপর বিরক্ত হয়ে গৃহ-
ত্যাগ ক'রে বনে এসেছে ।

। কেন ?

রঞ্জন । আজীবন সে ব্যক্তি পরোপকার-ব্রতে ব্রতী । মানুষের সে কায়মনোবাক্যে সেবা ক'রেছে । দেহপাত ক'রেও সে মানুষের উপকার ক'রেছে । এমন কি, মানুষের জন্ত সে সর্বস্বান্ত হয়েছে । কিন্তু মানুষ এমন অকৃতজ্ঞ, পদে পদে তার অনিষ্ট ক'রে তার কৃত উপকারের পুরস্কার দিয়েছে । তাই মানুষের ওপর ঘৃণার লোকালয় ত্যাগ ক'রে সে আজ সন্ন্যাসী । পাছে মানুষের মুখ দেখতে হয়, তাই নানা বিজ্ঞান প্রদেশ ভ্রমণ ক'রে সে এখন হিমালয়-প্রান্তে উপস্থিত হয়েছে । আমি বরাবর তার সঙ্গে সঙ্গে এসেছি । কাল রাত্রে ছজনে একটা গাছের তলায় ঝুঁয়েছিলুম । আমি ঘুমিয়ে পড়েছি, এমন সময় সখা আমাকে ফেলে পালিয়েছে ।

• জয়ন্তী । বেশ ত, তুমিও পালাও, দেশে ফিরে যাও । সে পাগল, তার সঙ্গে তুমিও কি পাগল হবে ? প্রাণে যার বৈরাগ্য নাই, তার গৃহত্যাগ ক'রে সন্ন্যাসীর বেশে দেশে দেশে ঘুরে বেড়ানয় লাভ কি ? যাও—দেশে ফিরে যাও । এই তোমার নবীন বয়স, গৃহধর্ম করগে ; লোকের, দেশের, নিজের, অনেক উপকার ক'রতে পারবে ।

রঞ্জন । থাম্ থাম্, উপদেশ রাখ্ । এখন তুই ঘুরাছিস কেন বল্ ।

• জয়ন্তী । আমি একটা মানুষ খুঁজছি ।

রঞ্জন । তোর স্মৃণ্ডে দাঁড়িয়ে রয়েছে এটা কে, কি ঠাওরোছিস ?

জয়ন্তী । মানুষ ?

রঞ্জন । বিবেচনাটা কি হয় ?

জয়ন্তী । তাহ'লে আমার সঙ্গে এস ।

রঞ্জন । কেন ?

জয়ন্তী । ঐ গাছের তলায় একটা ঘাসের বোঝা রয়েছে দেখছ ? সেটাকে মাথায় ক'রে আমার বাড়ী দিয়ে আসবে ।

রঞ্জন । ও বাবা ! তা কেমন ক'রে পারব । তোর বাড়ী এখান থেকে কত দূর ?

জয়ন্তী । একটু দূর বই কি ?

রঞ্জন । ফাঁকা পথ, না জঙ্ঘলে ?

জয়ন্তী । মাঝামাঝি ।

রঞ্জন । এবড়োখেবড়ো, না সোজা ?

জয়ন্তী । সেটা লোক বুঝে ।

রঞ্জন । দেখ্ তোর বোঝা আমি বইতে পারতাম ; কিঞ্চিৎ অনাহারে আর গুরে গুরে আমি এত দুর্বল যে, অত বড় বোঝাটা নিয়ে পাহাড়ের পথে চ'লতে সাহস হচ্ছেনা । তার উপর দুর্ঝাল, সেই হতভাগা সখাটার জন্ত আমার নেনে সুখ নাই ।

জয়ন্তী । ক্ষুধার্ত ? তাহ'লে আমার ঘরে চলনা কেন ?

রঞ্জন । আচ্ছা রোস, তোর বোঝাটা একবার নেড়েচেড়ে দেখি ।

জয়ন্তী । বেশ চল ।

(উভয়ের গ্রহণ ।)



দ্বিতীয় অঙ্ক ।

প্রস্তাবণ ।

প্রমোদ-কানন ।

প্রমোদ । যাক্, এতদিনের পর রঞ্জনের হাত এড়িয়েছি । আর আমাকে সে খুঁজে পাচ্ছে না । একি অত্যাচার বাবা ! ভালবাসার একি 'অত্যাচার !' জোর 'ক'রে জ্বালাতন ! আমি তোর কষ্ট দেখতে পারিনা, আমাকে দেখতেই হবে ? তোরে পথশ্রমে কাতর দেখলে আমার মন কেমন করে, এ মন কেমন ক'রতেই হবে ! অনাহারে শুষ্কমুখ দেখলে আমার চোখ ফেটে 'জল' আসে, এ জল আসতেই হবে ! একি অত্যাচার বাবা ! ভালবাসার একি অত্যাচার ! কষ্ট দিতেই যদি ভালবাসার নৃষ্টি, তবে ভালবাসা ! তুই দূর হ । আমি কাউকেও ভালবাসতে চাইনা । রঞ্জনও ত মানুষ । মানুষের সঙ্গ ক'রবনা যখন প্রতিজ্ঞা ক'রেছি, তখন কি শুধু তার জ্ঞাত প্রতিজ্ঞা ভঙ্গ ক'রব ? যাক্, এই স্বরণা থেকে জল ধ'রে খাই । আঃ প্রাণ ঠাণ্ডা হ'ল, কি তৃপ্তি ! এই তৃপ্তি ! মানুষের অম্লজল ত্যাগ ক'রেই কি এই তৃপ্তি ! তবে কি মানুষের সঙ্গ হ'তে চিরবিচ্ছিন্ন হ'তেই জন্মগ্রহণ ক'রেছিলেম ? এই হিমালয়শৃঙ্গে, এই পার্ব্বতী প্রকৃতির কোলে চিরজীবনের জ্ঞাত বিশ্রাম পাব'লেই কি পরোপকার ক'রতে শিখেছিলেম ? আমার কি মানুষের মধ্যে স্থান নাই ? মানুষ ! মানুষ ! কই মানুষ ? বিদ্বান্ আছে, মূর্খ আছে, রাজা আছে, প্রজা আছে, গুরু আছে, শিষ্য আছে,

মানুষ কই ? সাধু আছে, চোর আছে, মিত্র আছে, শত্রু আছে, দাতা আছে, গ্রহীতা আছে, মানুষ কই ? কত দেশহিতৈষী দেখলেম, কত সৰ্ব্বভাগী দেখলেম,—মানুষ দেখলেম না । বড় বড় নাম শুনেলেম, ছুটে গেলেম,—মানুষ দেখলেম না । আপনার জন দেখতে সতৃষ্ণ নয়নে চেয়ে রইলেম, দাদা দেখলেম, মামা দেখলেম, মানুষ দেখলেম না । দর্পণে নিজের মুখ দেখলেম, বানর দেখলেম, মানুষ দেখলেম না । সব শালা চোর—সব শালা ভাবের ঘরে চুরি ক'রে ব'সে আছে, মানুষ নেই । কি বলি গিরিনির্ঝরিণি, মানুষ নেই ? মানুষ নেই ? না নেই । নির্ঝরিণী বলছে, প্রতি শৈলরন্ধ্রে একবাক্যে বলছে, নেই । তবে আর কেন মূর্থ ! সংসারের জন্ত ইতস্ততঃ কর ? চল, তোমায় এই যোগিরাজ ভূতেশ্বরের স্বপ্ন, সকল মূর্খের চুড়ামণি হিমালয়ের রন্ধ্রে পাথর চাপা দিয়ে রেখে যাই । নারায়ণ ! আমায় রক্ষা কর । আমার রাজ্যধন, আত্মীয়-স্বজন সব গেছে, কিছু নাই । দয়াময় ! স্বজনশূন্য, আশ্রয়শূন্য, জীবনে মমতামূল্য, আমায় আশ্রয় দাও, শান্তি দাও । তুমি ফেরাও ফিরব, তুমি আবার মানুষকে ভালবাসতে দাও ভালবাসব । নচেৎ এই পর্য্যন্ত ।

জানামি ধর্ম্মং ন চ মে প্রবৃত্তিঃ, জানাম্যধর্ম্মং ন চ মে নিবৃত্তিঃ ।
ত্বয়া স্বর্ষীকেশ ! হৃদি স্থিতেন, যথা নিযুক্তোহস্মি তথা করোমি ॥

(নেপথ্যে গীত)

যখন মন নিছি তুলে ।

তখন আর কে ধরে আঁধার ঠাণ্ডে,

উধাও বাই চ'লে ॥

(চঞ্চলা ও বালিকাপুত্রের গীত শ্রবণে গাহিতে গাহিতে প্রবেশ)

ভাবছি মনে বনে বনে ফিরব উদাসে,—

ভুলেছি আপন বলা, ঘুচেছে সকল জ্বালা,

ফিরবনা দেশে ।

চাইবনা আর কারো পানে, কথা তুলবনা কাণে,

পরের প্রাণে প্রাণ চেলেদে ডাসবনা জলে ॥

প্রমোদ । আরে ম'ল ! এ আবার কি আপদ জুটল !
কে তোরা ?

চঞ্চলা । আমরা । তুমি কে ?

প্রমোদ । আমি ।

চঞ্চলা । তুমি কি গা ?

প্রমোদ । আ মর ত্রাকা ছুঁড়ী ! মানুষ কি কখন দেখনি
না কি ?

চঞ্চলা । ও বাবা ! মানুষ !—মানুষ কি ?

১ম বা । মানুষ !—হাঁগা মানুষ কিগা !

প্রমোদ । আরে ম'ল !—এরা বলে কি ?

চঞ্চলা । মানুষ কি একরকম জন্তু ?

প্রমোদ । বা ! বা ! এও এক রহস্য মন্দ নয় ! এরা মানুষ কি
তা জানেনা । মানুষ এক রকম জন্তু বটে,—কিন্তু বড় ভীষণ জন্তু ।
বাঘ সিঙ্গি দেখেছিস ?

চঞ্চলা । কত—

সকলে । কত পুষেছি ।

প্রমোদ । এ জন্তু বাঘ সিঙ্গির চেয়েও ভয়ানক । বাঘ
সিঙ্গি পেটের জ্বালায়, আত্মরক্ষার জন্তে প্রাণিহিংসা করে—

এ সর্ব্বশেষে জন্তু শুধু আমোদের জন্তই হাজার হাজার জীবজন্তুর
প্রাণ নেয় ।

চঞ্চলা । ও বাবা ! বল কিগো !

২য় বা । পোষ মানেনা ?

প্রমোদ । কিছুতেই নয় । আদরের সমস্ত স্নেহ দিয়ে রজ্জু
প্রস্তুত ক'রলেও বাঁধা থাকে না, হৃদয়ের সমস্ত শোণিত দিয়ে তপণ
ক'রলেও আপনার হয়না ।

চঞ্চলা । ও বাবা !

১ম বা । তাহ'লে তারা আপনা-আপনির ভিতর থাকে
কেমন ক'রে ?

প্রমোদ । সেইটেই সমস্তার কথা ।

চঞ্চলা । ও বাবা ! এমন জন্তুও থাকে ।

প্রমোদ । আর থাকে, রয়েছে ত ! যে বেটা এই জন্তু গ'ড়ি
ছিল, মাঝে মাঝে মায়া'র খাতিরে দেখতে আসে । ছটার দিন
থাকে—আর ভাব গতিক দেখে পালিয়ে যায় । কতবার এল,
কত বার গেল—তবু এ বেটার জাতের কিছু হ'লনা । মারামারি
কাটাকাটি সর্ব্বনাশ অত্যাচার যতই বাড়ছে, ততই বেটার জাত
বলে—আমরা উঁচু হচ্ছি ।

চঞ্চলা । ভাল বুঝতে পারছিনা ।

প্রমোদ । না পারিস, দূর হ' ।

চঞ্চলা । হাঁগা, আমাকে ঐ মাকের ঝরণা থেকে একটু জল
ধ'রে দেবে ?

১ম বা । হাঁ হাঁ ঠিক কথা, দেবে গা ?

২য় বা । আমাকে দেবে ?

সকলে । আমাদের দেবে—আমাকে দেবে ?

প্রমোদ । বল কি, বুড়ো বুড়ো মেয়ে পাহাড়ে উঠতে পেরেছ, আর জল ধ'রতে পার না ।

চঞ্চলা । নাগো ! ওখানটা যেতে ভয় করে ।

প্রমোদ । কি আলা ! এষে বিবম ফাঁকরে ফেলো ! দেখ্ আজ আমি প্রতিজ্ঞা ক'রেছি, কারও কিছু উপকার ক'রব না । আজকে যে যেমন পারিস খেয়ে যা, কাল তোদের ঐ জল ধ'রে দেব ।

চঞ্চল । দেবে ? কাল দেবে ?

সকলে । আমাদের দেবে.?

প্রমোদ । কাল সবাইকেই দেব । আজ প্রতিজ্ঞা ক'রেছি, প্রতিজ্ঞা ভঙ্গ ক'রবনা ।

চঞ্চলা । উপকারই ক'রবে না প্রতিজ্ঞা ক'রেছ, একটু জল দিতে দোষ কি ? তাতে কি আর প্রতিজ্ঞা ভঙ্গ হবে ।

প্রমোদ । আজ দেব না ব'ল্লম ; যা না, কাল আসিস । প্রতিজ্ঞা কারে বলে বৃক্ষিস কি ?

চঞ্চলা । আর বুঝে কাজ নেই । চল ভাই, চ'লে যাই ।

(বালিকাগণ প্রস্থানোদ্যত)

প্রমোদ । দূর ছাই হ'লনা, কাল যদি ম'রেই যাই । কে আর আমার প্রতিজ্ঞা শুনতে গেছে ? আর শুনলেই বা, তাতেই বা কি ? ডাকি—না থাক্—না, ডাকতেই হ'ল । ভাববার সময় কই—চ'লে যায় যে ! বলি ওরে মেয়ে গুলো !

চঞ্চলা । কি ?

প্রমোদ । আর খাবি আর, কিন্তু জল খেয়ে শুড় শুড় ক'রে
খ

চ'লে যেতে হবে । আর যদি দোসরা ফরমাস কর, তাহ'লে তোমা-
দেরই একদিন, কি আমারই একদিন ।

চঞ্চলা । ভয় দেখাচ্ছ কেন ? নাই বা খেলুম ।

প্রমোদ । থাকি না কি ? খেতেই হবে, বলি কেন ? না
থেলে ছেড়ে দেবে কে ? (চঞ্চলার হস্ত ধারণ)

চঞ্চলা । তাহ'লে আমি কঁাদব ।

প্রমোদ । কঁাদরি কি ? (হস্ত ছাড়িয়া) ও বাবা কঁাদবি কি ?
মাপ চাচ্ছি ভাই, ষাট মানছি ভাই, খা ভাই । কাল যদি ভাই
ম'রে যাই !

চঞ্চলা । বলছে বখন, আজ খা ভাই । কাল যদি আমরা
আসতে না পারি ভাই !

প্রমোদ । হাঁ ভাই, খা ভাই । আমার ষাট হয়েছে, এই আনি
নাক কাণ ম'লছি ।

১ম বা । তবে জ্ঞান । (প্রমোদকুমারের জল আনিয়া প্রদান)
সকলে । তোমার জয় জয়কার হ'ক—শান্তিলাভ হ'ক ।

(প্রস্থান)

প্রমোদ । প্রতিজ্ঞা করাটা বড় অস্থায় হয়েছে । শিশু বালিকা
ওরা—সংসারের কিছুই জানে না । মানুষের উপর রাগ ক'রে
ওদের জল-দানে বিমুখ হ'চ্ছিলেম । এবার থেকে আর প্রতিজ্ঞা
ক'রব না । তবে মনে মনে সঙ্কল্প রইল, আর কারও কিছু ক'রব
না । তা যা হ'ক, এরা ত জলদান উপকারের মধ্যোই গণ্য ক'রলে
না । দান ধ্যান মানুষের একটা সহজাত গুণ, কই আমার ত তা
মনে হয় না । আমার মন কলুষিত । আমি দানকে উপকার ব'লে
মনে করি । তাই কি এত ছুংখ ? এই সব মনঃপীড়া তবে কি

আর কারও দোষে নয়, আমার নিজের দোষে ? ঐ আবার একটা বুড়ী আসছে । ভাবে বোধ হয়, কোন না কোন সাহায্য প্রত্যাশা । না বাবা বুড়ী—তোমার বেলায় সেটী হ'চ্ছে না । তুমি সংসারের সব জান । অনেক ছল চাতুরী দেখেছ, অনেক ছল চাতুরী ক'রে তবে শাকা ঝিকুটটী হয়েছে । তোমার কাছে বোকা হ'চ্ছিলো, তোমার কিছু ক'রছি না । বাবা পাথর ! আমায় একটু আড়াল কর ত ; বেটী হন হন ক'রে আসছে, পালানটী বড় স্ত্রবিধে হ'চ্ছেনা । (গুপ্তভাবে অবস্থান)

(জয়ন্তীর প্রবেশ)

জয়ন্তী । পালাবে কোথায় ধন !—এই দেখনা, তোমায় ঠেলে বার করি ।—দে রামা একটা মানুষ দে, দে রামা একটা মানুষ দে ।

(প্রস্থান)

প্রমোদ । একি বাবা ! এষে সমস্তার নতুন ফেঁকড়া । এ মাগী ! বলি ওরে মাগী ! ওগো বাছা ! ওগো ভাল মানুষের মেয়ে ! আমার বেটী হন হন ক'রে গোঁভরে চল্লো যে । মানুষ দে !—রামা মানুষ দে !—মানুষও আবার কেউ কখন চায় ! না বাবা, এর মানে না বুঝতে পারলে ত ঝরগার জল হজম হ'চ্ছে না ।—যেতে হ'চ্ছে । ওরে বুড়ী ! শোন্না, শোন্না ।

(প্রস্থান)

চতুর্থ দৃশ্য ।

উদ্যান ।

তৃণাসনে নিদ্রিতা মুক্তি, চঞ্চলের প্রবেশ ।

চঞ্চল । এই মুক্তি, মুক্তি !—ওরে মুক্তি !

মুক্তি । উঃ—

চঞ্চল । ওঠ—ওঠ—

মুক্তি । হুঁ—

চঞ্চল । ওঠ—ওঠ—ভারি বিপদ !

মুক্তি । (উঠিয়া) সেকি !

চঞ্চল । চোথ মোছ, চোথ মোছ, দাঁড়া, দাঁড়া, মায়ের আজ
বড়ই বিপদ ।

মুক্তি । সেকি—মায়ের বিপদ !

চঞ্চল । মহা বিপদ !

মুক্তি । বলিস কি ?

চঞ্চল । দারুণ ! আজ তোকে বে ক'রতে হবে ।

মুক্তি । বে ক'রতে হবে ?

চঞ্চল । আর দেরি করিসনি ! নে মুখে চোখে জল দে ।

ওঠ—ওঠ ।

মুক্তি । আমার গা মাটি মাটি ক'রছে । (পুনঃ শয়ন)

চঞ্চল । আরে ম'ল । আবার গুলি যে !

মুক্তি । বে ক'রতে হবে কি ?

চঞ্চল । আরে গেল, তামাসা ক'ছি নাকি!

মুক্তি । বে ক'রতে হবে !

চঞ্চল । এখনি—নে ওঠ ।

মুক্তি । এখন আমার সময় নেই । (পুনঃ শয়ন)

চঞ্চল । কথাটা গ্রাহ হ'চ্ছে না বুঝি ! তাহ'লে টেনে তুলব দলছি ।

মুক্তি । (উঠিয়া) কি আপদ ! আমি ঘুমুছি—তুই আমাকে জ্বালাতন ক'রতে এলি কেন বল দেখি । আমি বে ক'রব না—

(জয়ন্তী প্রবেশ)

দেখ দেখি মা—আমি ঘুমুছি—ও কোথা থেকে আমাকে জ্বালাতন ক'রতে এল । সকাল বেলা—মুখ ধুইনি—চোখ মুছিনি—

শুম ভাঙেনি—বলে “ওঠ—বে কর” ।

জয়ন্তী । হাঁ মা ! বে ক'রতে হবে । চঞ্চল যেখানে যেতে বলবে, সেইখানে যা—যা ক'রতে বলবে, তাই কর—

(প্রস্থান)

মুক্তি । তাহ'লে ওঠ—কোথায় যেতে হবে শীগগির চল—আমার আর দেরি সময়না ।

চঞ্চল । কোথাও যেতে হবেনা—এইখানেই থাক—সুদর-সিংহাসন পেতে রাখ । যে পথিককে এখানে আসতে দেখবি—সে বড় পথশ্রমে ক্লান্ত—

মুক্তি । বেশ—ঠাণ্ডা মূর্তিতে আসে, হাতে ধ'রে সিংহাসনে বসাব—আর তেওঁই মেণ্ডাই করে ত সিংহাসন চাপা দেব ।

চঞ্চল । তা যা খুসী ক'রিস্—কিন্তু বে ক'রতেই হবে ।

মুক্তি । এ ত কম বিপদ নয় ! কোথাকার কে, কখন দেখলুম না, লোক কেমন বুঝলুম না, তাকে একেবারে বে ক'রতে হবে !

(গীত)

ছিলামি আপন নিয়ে ।

গগনপানে চেয়ে চেয়ে ভুল-শয়নে শুয়ে ॥

তারকার সঙ্গে নিশে, সঙ্গে গেছি উধাও ভেসে,

শূন্ত প্রাণে শূন্ত পরাণ দিয়ে ।

নীল গগনে সোপার হাসি, তেবেছি ধ'রব শশী,

সকাল হ'ল ঘুম ভাঙিল, শুনি ওঠ ছুঁড়ী তোমার বিয়ে ॥

আর ভেবে কি হবে, মায়ের আদেশ । কইগো, পথিক ঠাকুর ! কোথায় তুমি ? ঐ কি পথিক ? পথিক ! সুন্দর পথিক ! এ সুন্দর কি পথিক হয় ? সঙ্কস্ত সংসারে সে যে গৃহবাসী । এ সুন্দরের দাসীর অভাব কি ? (অন্তরালে গমন)

(রঞ্জনের প্রবেশ)

রঞ্জন । কই কে কথা কইলে !—কিসের শব্দ হ'ল !—কে নিশ্বাস ফেললে ? সখা তুমি ? না, এখানে সখা কোথায় ? এ যে আমার অন্তরের কথার প্রতিধ্বনি । এ যে আমার দীর্ঘনিশ্বাসে প্রকৃতির প্রতিনিশ্বাস । আমার হৃৎখে প্রকৃতির প্রাণ কেন্দ্রে উঠল, আর সে হৃতভাগার প্রাণে একটুও আঘাত লাগল না ! দূর ছাই আর তার নামও মনে আনব না ।—বলছি ত, পারছি কই ! তার জন্ত ক্রমে ক্রমে যে আমার প্রাণ ভেঙে এল—হাত পা অবশ হ'তে চ'লো । তাই প্রমোদ ! দেখা দে, আমার রক্ষা কর । একদণ্ড তোমার অদর্শনে যদি এই পরিণাম, এই হৃতভাগ্য জীবনে এখনও যে আমার বহুদণ্ড অতিক্রম ক'রতে হবে । শেষে কি পাগল

ব। তাই প্রমোদ ! দয়া ক'রে দেখা দে । না, আর কোথায়
তার সন্ধান পাব ? তবে আর কেন—আর এ অসার জীবনে ফল
কি ? নারায়ণ ! এ ভবযন্ত্রণা থেকে আমায় মুক্তি দাও ।

(মুক্তির প্রবেশ)

মুক্তি । প্রভু আমায় কি ডাকছিলেন ? (প্রণাম করণ)

রঞ্জন । একি ! একি সুন্দর মূর্তি !

মুক্তি । প্রভু দাসীকে কি স্মরণ ক'রেছিলেন ?

রঞ্জন । প্রমোদ ! প্রমোদ ! সখা !—এইবারেই বুঝ তোমার
অনুসন্ধানের শেষ ! (উপবেশন)

মুক্তি । প্রভু দাসীকে এতদিন ফেলে কোথায় ছিলেম ?

রঞ্জন । আজ্ঞে যাতৃগণ্ডে—আপনার বিরহে কাতর হয়ে এত-
কাল সেই স্থানেই আশ্রয় নিয়েছিলেন ।

মুক্তি । আপনাকে কত খুঁজেছি—কত ডেকেছি ।

রঞ্জন । আজ্ঞে শুন্ব কোথা থেকে—সেখানে চোককান
দুজে পড়েছিলুম । তার পর প্রমোদিনি ! তুমি কে ? প্রমোদকে
খুঁজতে কোথা থেকে প্রমোদিনী বেরিয়ে পড়লে !

মুক্তি । আমি আপনার দাসী ।

রঞ্জন । তা ত বুঝেছি, কিন্তু নিবাস ?

মুক্তি । আপনার চরণতল ।

রঞ্জন । সাক্ষী ?

মুক্তি । সাক্ষী—নিজের মন ।

রঞ্জন । আমি আমার মনকে বিশ্বাস করি না । আমার
মন বলছে তোমার সখা অতি ভদ্র ; কিন্তু আমি দেখছি, সে অতি
নবোধম ।

মুক্তি । তাহ'লে মনটা আশায় দিয়ে দিন, আমি তারে ঠিক ক'রে নেব ।

• রঞ্জন । তাহ'লে আমার সখাকে আর খুঁজতে দিচ্ছনা ?

মুক্তি । আর কিছুক্ষণ খুঁজলে আপনার জীবন থাকবে না । আপনি ক্ষুদার্ত্ত ভূক্ষার্ত্ত ; সখা থাকে, দেখে বল সখার ক'রে অনুসন্ধান করুন ।

রঞ্জন । অনুসন্ধান !—তোমার দেখেই ত হাত পা অসাড় । তার পর দেখতে দেখতে যখন হাত পা শুটিয়ে পেটের ভেতর ঢুকবে, তখন ?

মুক্তি । তখন আপনাকে পাহাড়ের উপর থেকে গড়িয়ে দেব । মন প্রাণ সব সখার উদ্দেশে ছেড়ে দেবেন ।

রঞ্জন । আরে আরে মধুভাবিনী শুভাকাঙ্ক্ষিনী দাসীকপিনী মনোমোহিনী মাগী ! এতকাল কোন্ চুলোয় ছিলি ? একটু আপোঁ আস্তে পারলে যে সখাকে শুদ্ধ গ্রাস ক'রতে পারতিস্ ।

মুক্তি । আরে আরে মধুভাবী সদা-উদাসী চিরপ্রবাসা মিন্সে ! আমি কি দ্বিচারিণী ?—নাও, আর সময় নষ্ট ক'রোনা চল ।

রঞ্জন । তাহ'লে সত্য সত্যই এইখান থেকেই আমার লীলা সাঙ্গ হ'ল ?

মুক্তি । হ'ল বইকি ! নাও, আর দেরি ক'রোনা চল ।

রঞ্জন । এখন নয়, এখন নয় । আগে ঘাড়ের বোকাটা ফেলে আসি । এক বুড়ীর বোকা আমি মাথায় ক'রেছি ।—ঐ ! আমার মাথার বোকা কোথা গেল !

মুক্তি । যখন বোকা ছিলুম, তখন অন্নান বদনে মাথায় ক'রে-

ছিলে, আর সেই মূর্তি প'রলুম, অমনি ফেলে দিচ্ছি । হি হি ! তুমি কি রকম মানুষ ?

রঞ্জন । সত্যি সত্যি, মাথার বোঝা কি হ'ল ! অল্প মনে কি ফেলে দিলুম ! বোঝা কি হ'ল ! ওরে পাখণ্ড নরাধম সখা ! তোরা জন্তু আমার মনুষ্যত্ব কি লোপ পেলে । পরের বোঝা মাথার নিলুম । তোরা জন্তু ভাবতে ভাবতে অন্তঃমনকে ফেলে দিলুম ।

মুক্তি । ভাবতে লাগলে কেন—আগ্রহত্যা ক'রতে ব'সলে কেন ? অনাগারে তোনার মাথা খারাপ হ'য়েছে ।

রঞ্জন । আরে মর, আমি যে একটা বোঝা মাথার ক'রেছিলাম ।

মুক্তি । আরে গেল, আমি যে তাই থেকে গজিয়ে উঠলাম ।

রঞ্জন । আচ্ছা চল—একটু জল খেয়ে আসি । তার পর—আরে মর, কাছটা যে অন্ডায় হ'চ্ছে ।

মুক্তি । আরে গেল—তুমি যে সরষে ফুল দেখছ ।

রঞ্জন । না, আমার সর্ব্বনাশ ক'রলে ।

মুক্তি । তবে থাক—আমি আর দাঁড়াতে পারি না । ওঠ ত শগুণির ওঠ ।

রঞ্জন । এ যে ভারী অন্ডায় কথা । দেখে ভাই, তুমি দাসী হ'য়ে আপনাকে পেশ ক'রলে, আর দুটো চারটে কথা ক'রেই মনিব হ'য়ে হুকুম চালাতে সুরু ক'রলে ?

মুক্তি । তবে কি ক'রতে বল ?

রঞ্জন । প্রথম দর্শনে এতটা করা দেখতে শুন্তে খারাপ, বুঝলে ?

মুক্তি । প্রথম দর্শনে এতটা যদি না হয়, তাহ'লে আর কখন হ'ল না, বুঝলে ?

রঞ্জন । এত দৌর কিসে ! তোমার কাছে আমার সখা আছে ?

মুক্তি । সখা ধরবার ফাঁদ আছে ।—নাও চল—তোমার লজ্জা ক'রছে বুঝতে পারছি ।

রঞ্জন । ভারী লজ্জা ক'রছে । ও ভাই নাম-জানিনা ! আমি যে লজ্জায় কথা কইতে পারছি না ।

মুক্তি । তবে এস তোমার হাত ধ'রে নিয়ে যাই ।

রঞ্জন । ওগো ! আমার কি হ'লো গো ! কে কোথায় আছ দেখনা—আমি যে স্ফুড় স্ফুড় ক'রে চ'লতে আরম্ভ ক'বলুম ।

মুক্তি । সংসার ত্যাগ ক'রে হিমালয়ে যোগ শিখতে এসেছ না ?

রঞ্জন । এসেছিলুম ত—কিন্তু এ যে ভগ্নাংশ, লব্ধকরণ, চক্রবৃদ্ধি পর্য্যন্ত হয়ে গেল । ওগো ! কে কোথায় আছ, আমার ধ'রে রাখনা গো !—ওগো, আমার মতন যে অনেক জানোয়ার আছে, তবে আমার বেছে বেছে ধ'রলে কেন ?

(মুক্তির গীত)

আমার মনটী করিয়া চুরি, আমার প্রাণটী করিয়া চুরি,

এই আসি ব'লে, গিয়েছিলে চ'লে

এতদিনে এলে ফিরি গো—এতদিনে এলে ফিরি ।

কত নিশি গেছে কত দিন, কত সকাল সন্ধ্যা বেলি,

কত বার মাস কত যুগযুগান্তর অতীতে পড়েছে চলি :

কত মরু গেছে কত সাগরে, কত সাগরে শুকাল বারি,

কত নদী গেছে পথ ভুলি গো, গ'লে গেছে কত গিরি ।

সারা জীবনের মাঝে রচেছি ডোর,

কোথা যাবে মোর সঁকল-চোর ?

ধরেছি যখন, বেঁধেছি তখন

আর কি ছাড়িতে পারি গো—আর কি ছাড়িতে পারি ।

(উভয়ের প্রস্থান)

পঞ্চম দৃশ্য

বনপথ ।

(তৃণভার লইয়া চঞ্চল ও চঞ্চলার প্রবেশ)

ও পথপাশ্বে ভার রক্ষা ।)

চঞ্চল । কিরে পাগলি ! তোর নাগর কতদূর এলো ?

চঞ্চলা । সে খবরে তোর দরকার কি ?

চঞ্চল । এখন ত বল—সঙ্গ-নিই । •

চঞ্চলা । তুই বা ক'র'ছিস, তাই কর । নিজের চরকার তেল দে ।

• চঞ্চল । আমি চরকা গোমুখার জলে ফেলে দিয়েছি ।

চঞ্চলা । ব'লিস্ কি ?

• চঞ্চল । চরকা ফেলে লাঠি ধ'রেছি—

চঞ্চলা । ব'লিস্ কি ?

চঞ্চল । (মুখ বিকৃত করিয়া) ব'লিস্ কি ? তাই ত ব'লছি—
আবার কতবার ব'ল'ব ? দেখ'গে যা, সে এখন মুক্তির পাছ পাছ
যুবছে । এখন লাঠি নিয়ে তাড়া দিলেও নড়ে না ।

চঞ্চলা । ব'লিস্ কি ? •

চঞ্চল । না, পাগলী ক্ষেপে গেছে । এখন তোর কত দূর ?

চঞ্চলা । (হাস্য)

চঞ্চল । আরে বল—

চঞ্চলা । (হাস্য) .

চঞ্চল । যা—যা—এয়ে কাহিল ক'রলে—

চঞ্চলা । আমার তিনি—(হাস্য) স্বর্ষীকেশ ! বলে স্বর্ষীকেশ !

বলে জনয়ের স্বীকেশ! তোমার হকুমে আমি চলা কেরা করছি।

চঞ্চল। ব'লিস্ কি, আমার স্বীকেশ যে হেঁকচ-পেঁকচ ক'রে উঠছে।

চঞ্চলা। আর আমার স্বীকেশ কেবল আমাকে হাসিয়ে তুলছে! (হাস্য) আরে গেল, কম আশ্পদ্বার কথা নয়! বলে স্বীকেশ, নিজের দোষে কর্মস্থত্রের পাকে পাকে ছটফট ক'রছে, যেতেও পারছেন—দাঁড়াতেও পারছেন। অথচ কথায় কথায় বলা হ'চ্ছে স্বীকেশ!

চঞ্চল। সত্যি, সত্যি, ব্যাপার থানা কি বল্ দেখি। তাকে আনতে পারলিনি?

চঞ্চলা। এই যে ব'লুম। যতই তাকে টান মারি, ততই বলে—ভয়া স্বীকেশ, ভয়া স্বীকেশ! আমার হাসি পায়। হাসতে হাসতে ভাই দড়ীটে আলগা হয়ে যায়। আর সেও অমনি মার টেনে ছুট। রঞ্জনকে ধ'রে বড়াই ক'রছিস। তাকে ধরা ত তুড়ীর কাজ। পড়তিস্ এই পাগলাটার পালায়, তাহ'লে টের পেতিস্।

চঞ্চল। চূপ, চূপ—স্বীকেশের দল আসছে।

চঞ্চলা। আবার স্বীকেশ কে রে?

চঞ্চল। দেখতে পাচ্ছিস্ না। ওই যে সব পুণ্যাত্মারা। ওঁরা সব কেন্দ্ররেখের তীর্থ ক'রে আসছেন। একটু আড়ালে যাই চল্না। মা, ওঁদের পুণ্যির জোর কেমন ক'রে মাপে দেখ্না।

(জয়ন্তীর প্রবেশ)

জয়ন্তী। ঘাসের বোঝা কোথায় রাখলি?

চঞ্চল । ঐ—

জয়ন্তী । তবে যা, তোরা চ'লে যা ।

(চঞ্চল ও চঞ্চলার প্রস্থান)

(পথিকৃষয়ের প্রবেশ)

১ম প । কি ভ্রম, কি ভ্রম !—মানুষের কি ভ্রম ! মন পবিত্র হ'লনা, সেই একমেবাদ্বিতীয় নিরাকার প্রেমময়ের চরণে মতি হ'লনা, চিত্তের স্বাধীনতা নাই, সাম্য মৈত্রী ভাব নাই—শুধু পার্থিব তীর্থদর্শনে আত্মার উদ্ধার হবে ? কি ভ্রম, কি ভ্রম !

২য় প । এ আমাদের পোড়া দেশের লোক বুঝলে না !

১ম প । এই যে সুন্দর হিমালয় সুন্দর তরুলতা মাথায় লয়ে করুণাময় পরমেশ্বরের অনন্ত প্রেমের সাক্ষ্য দিচ্ছে, দয়াময়ের অপার মহিমায় ঐ যে পর্বতশৃঙ্গ চিরতুষারাক্রম রয়েছে, এই সব দেখ, ভগবৎপ্রেমে প্রাণ পূরে যাবে ।

২য় প । এ আমাদের পোড়া দেশের লোক বুঝলে না !

১ম প । ঐ সকল বৃক্ষ থেকে ফল পেড়ে খাও, প্রাণে ভক্তি আসবে । ঐ সব ফুল নিয়ে নাকে ধর, ভাবের লহর উঠবে । লগুড়াঘাতে ঐ তুষার ভঙ্গ ক'রে গ্রীষ্ম-প্রধান দেশে নিয়ে গিয়ে একটু গালে, একটু মাথায় দাও, হৃদয়ে প্রেমের জমাট বেঁধে যাবে ।

২য় প । এ আমাদের পোড়া দেশের লোক বুঝলে না !

১ম প । প্রেমমন্ডকে, স্মরণ করতে হ'লে আগে তাঁর করুণা বোকা চাই, পুষ্টিকর আহারে ক্ষুধার দমন চাই, স্মৃতিষ্ট পানীয়ে তৃষ্ণার দূরীকরণ চাই, মনের মত বিহার চাই । এই সকল

কাজ ভক্তি সহকারে ক'রতে পারলেই ঈশ্বর-জ্ঞান আপনি আসে, নতুবা ঈশ্বর-জ্ঞানের কি আর হাত পা আছে ?

২য় প। এ আমাদের পোড়া দেশের লোক বুঝলে না !

১ম প। আর ভাই ভগ্নী সকলে মিলে রসালাপে, উত্তপ্ত বক্তৃতায়, সুশীতল গানে আত্মার ধৌতি চাই ; তা না ক'রে তীর্থ নামে পাপের আগার গুলোতে, একটা মসীম প্রস্তর খণ্ডে সেই অনন্ত অসীম প্রেমময় নির্ণয় ক'রে অর্থের অপব্যয়ে কি উদ্ধার আছে বুঝেছ ?

২য় প। এ আমাদের পোড়া দেশের লোক বুঝলে না !

১ম প। একটা ক্ষুধার্ত দরিদ্রকে একমুষ্টি অন্ন দেবার যা ফল, একটা পতিত দুর্বলকে হাত ধ'রে তুলে দেবার যা ফল, একটা ভার-প্রসিদ্ধিভের ভার ধারণে যে ফল, ভারতের সমস্ত তীর্থের সমস্ত মাটি গুলোর গায় শতবৎসর ধ'রে অর্থ ঢাললেও তার শতাংশের একাংশও ফল পাওয়া যায় না। শান্তি চাও, মানুষ হও,—সর্বভূতে দয়া কর, চিত্ত শুদ্ধ কর, অভিমান গর্ব ত্যাগ কর—ঈশ্বরের আদেশ অক্ষরে অক্ষরে পালন কর।

২য় প। এ আমাদের পোড়া দেশের লোক বুঝলে না ! আপনি মহাপুরুষ !

১ম প। হাঃ হাঃ—আমি দীন, অতি দীন, অতি দীনের অত্যন্ত দীন। এঁয়ে একটা দীনা হীনা গলিতবসনা, পলিত-কেশা, গলিতবেশা বৃদ্ধকে দেখছ, আমি ও হ'তেও দীন। ওর ভৃত্য থাকলে তা হ'তেও দীন—ওর, ভৃত্যের ভৃত্যের ভৃত্যের দীন—বর্গ দীন, ঘন দীন।

কবচী। দে রামা, একটা মানুষ দে।

২য় প। ওগো বাছা, মানুষ চাচ্চিস্ ?

জয়ন্তী। হাঁ বাছা !—

২য় প। মানুষ চা'স ত এঁকে নে। এমন মানুষ আর পাবিনা।

১ম প। চলছে তাই, বেলা গেল, ব্রহ্মোপাসনার সময় হ'ল।

২য় প। বুড়ী কি বলে একবার শুনুন মা।

১ম প। ও আর কি মাথামুণ্ড ব'লবে, ভিক্ষে চায়।

ভিক্ষা আমি দিতে পারিনা। ভিক্ষা, ভিক্ষা, ভিক্ষা—আমাদের
ইতভাগ্য ভারত যে অবধি ভিক্ষা শিখেছে, সেই অবধি দারিদ্র্যের
খরস্রোতে সাঁ সাঁ ক'রে ভেসে যাচ্ছে।* ভিক্ষায় অলসতার বৃদ্ধি,
অলসতায় মহাপাপ—আমি পাপের প্রশ্রয় দিতে পারি না।

• জয়ন্তী। ভিক্ষে নয় বাবা, ঘাস।

১ম প। ঘাস কি ?

• জয়ন্তী। এই বাবা গোব্বুর জন্তে ঘাস কেটে বোঝা বেঁধেছি,—
ঘুড়ো মানুষ, তুলতে পারছিনা।

১ম প। তা আমরা কি ক'রব ?

জয়ন্তী। তুলে আমার বাড়ীতে দিয়ে আসবে।

২য় প। যাই—আমায় আবার রেঁধেবেড়ে খাবার বন্দো-
বস্ত দেখতে হবে। •

জয়ন্তী। না বাবা, আমার একটা উপায় ক'রে যাও।

২য় প। এই বাবুকে ধর, বাবু বড় দয়ালু; আমরা গরীব
মানুষ, নিজের বোঝাই বইতে পারিনা, আবার পরের বোঝা !

১ম প। আচ্ছা একটু অপেক্ষা কর, আমি আমার চাকরকে
পাঠিয়ে দিচ্ছি। •

জয়ন্তী। ও বাবা, দেরি সহাবে না বাবা !

১ম প। তবে কি আমি তুলব ?

জয়ন্তী। দয়া ক'রে বাবা !

১ম প। কি ব'ল্লি, আমি তোর বোঝা বইব ! একথা ব'লতে তোর সাহস হ'ল ?

২য় প। কেন আপনি ত বলেন আমি অতি দীন ।

১ম প। মুখে ব'ল্লুম ব'লে কি স্বার্থই আমি দীন ? ও বেটার মত ছ'দশটা চাকরাণী আমার বাড়ীতে, আমি দীন ! খানসামা, চাকর চাকরাণী, বাপ মা, আমার বাড়ীতে গিসগিস ক'রছে, আমি দীন ! ওর বাপ, না হ'ক ওর ঠাকুরদাদা, নাহ'ক ওর চৌদ্দপুরুষের যে কেউ একজন, আমার বাড়ী হয় চাকরী, না হয় উমেদারী, না হয় ভিক্ষে, কিছু না কিছু একটা ক'রেছেই ক'রেছে, আমি দীন !

জয়ন্তী। পারবে না বাবা ?

১ম প। প্রেমময়কে ভুলতে হয় সেও স্বীকার, তবু তোর কিছু ক'রব না ।

জয়ন্তী। দে রামা, একটা মানুষ দে । (বিকট মুখভঙ্গী)

২য় প। ওরে বাবারে !

১ম প। কি হ'ল কি হ'ল ?

২য় প। এর গালের ভেতরে একটা মানুষ !

১ম প। সেকি ! অসম্ভব—অসম্ভব—কোন কেতাবে ত এ রকমটা লিখছে না ।

২য় প। আর লিখছে না । আমি স্বচক্ষে দেখলেম—এক গাদা চুল শুদ্ধ—এত বড় এত বড় দাঁত শুদ্ধ—এত বড় মাথা !

জয়ন্তী। দে রামা, একটা মানুষ দে ।

২য় প। ওরে বাবারে খেলেরে !—জয় রাম !

(প্রস্থান)

১ম প। দেখ ভদ্রে, আমি তোমায় রহস্য ক'রছিলাম ।

জয়ন্তী। দে রামা, মানুষ দে ।

১ম প। ওরে বাবারে কি ক'রলেমরে—আমার উপর যে
ভারতের অনেক আশা আছেরে !

জয়ন্তী। দে রামা, মানুষ দে ।

১ম প। ও বাবা, আবার ব্রহ্মাও দেখায় যে ! জয় রাম !

(প্রস্থান)

(তৃতীয় ও চতুর্থ পক্ষের প্রবেশ)

৩য় প। শান্ত, দান্ত, মধুর—এই তিন ভাব নিয়ে বৈষ্ণব ।
শ্রীগোরাঙ্গ শ্রীগোরাঙ্গ ! চিনি যদি না গেতে পেলুম, তাহ'লে আর
মজাটা কি ? চিনি হ'য়ে লাভ কি ? মধুর ভাব বার নাই, সে কি
মানুষ ! শ্রীগোরাঙ্গ শ্রীগোরাঙ্গ !

৪র্থ প। আচ্ছা আমার কি ভাব আছে ?

৩য় প। খুব শান্ত ভাবের লক্ষণ আছে । দিন কতক বৈষ্ণব
সেবা ক'রলেই দান্ত ভাব আসবে । আর গোরাঙ্গের রূপা হ'লেই
দান্ত ভাবটা পেকে মধুর ভাবে এসে দাঁড়াবে । শ্রীগোরাঙ্গ
শ্রীগোরাঙ্গ !

৪র্থ প। আচ্ছা, এই শ্রীলোকটির মধুর ভাব আছে ?

৩য় প। না পরীক্ষা ক'রলে ব'লব কি ক'রে ?—এট ঐর
কথা ব'লছ ? এত বুড়ীতে মধুর ভাব থাকবার কথা প্রভু ত
ব'লছেন না ।

জয়ন্তী। দে রামা; মানুষ দে ।

৩য় প। কিগো বাছা, মানুষ খুঁজছিছ ?

জয়ন্তী। হাঁ বাছা ।

৪র্থ প। মানুষে কি হবে ?

জয়ন্তী। মানুষে আমার বিশেষ প্রয়োজন।

৩য় প। মানুষে কার না প্রয়োজন ? কিন্তু বাছা মানুষ
মেলা যে বড়ই দুর্ঘট। শ্রীগোরাঙ্গ !

জয়ন্তী। তাইত দেখছি।

৩য় প। আপনার আছে কে ?

জয়ন্তী। কি বলব ?

৩য় প। বাবাজী ?

জয়ন্তী। নেই।

৩য় প। তিনি দেহ রক্ষা ক'রেছেন ? ক'রেছেন ভালই
ক'রেছেন। যত শীঘ্র গোরের চরণে আশ্রয় নেওয়া যায়, ততই
মঙ্গল। শ্রীগোরাঙ্গ !—মায়ের মেয়েটেয়ে কি আছে ?

জয়ন্তী। একটা মেয়ে আছে।

৩য় প। তা হ'লেত বিলক্ষণই মধুররস আছে ! শ্রীগোরাঙ্গ
শ্রীগোরাঙ্গ !

(গীত)

যে দেশে গিয়াছে গৌর সেই দেশেতে যাবরে

সোণার গৌরাঙ্গ আমার কোথায় গেলে পাবরে ॥

মলেম গৌর অমুরাগে, দংশিল গৌরাঙ্গ-নাগে,

বিষে অঙ্গ জরজর কখন ঢলে পড়িরে ॥

তা হ'লে মাইজীর আখড়াটা কোথায় ?., শ্রীগোরাঙ্গ শ্রীগোরাঙ্গ !

জয়ন্তী। আখড়া আর কোথায় পাব বাবা !

৩য় প। শ্রীগোরাঙ্গ প্রভু মনে ক'রলে একদিনেই হবে !

জয়ন্তী । তা হ'লে আমার ঘাসের বোকাটা ঘাড়ে নাও ।

৩য় প । হাঃ হাঃ শ্রীগোঁরাঙ্গ শ্রীগোঁরাঙ্গ ! ঘাস আর নিতে হবে না মাইজী, তোর এই ছেলের হরিনামের গুণে তোর আথড়া হ'তেই ঘাস আপনা আপনি গজিয়ে উঠবে ।

(গীত)

হরিনামের গুণে গহন বনে শুষ্ক তরু মৃত্তরে,

বল মাধাই মধুর স্বরে ।

হরিনামের তুলা অমূল্য ধন কি আর আছে সংসারে ॥

জয়ন্তী । (বিকট স্বরে) দে রামা, মানুষ দে ।

৩য় ও ৪র্থ প । ওরে বাবারে ! একি !

জয়ন্তী । দে রামা, মানুষ দে ।

৪র্থ প । ওরে বাবারে খেলেরে ।

৩য় প । পুতনে পুতনে ! আমি, রক্ষা কর গৌরচন্দ্র ।

(৩য় ও ৪র্থের পলায়ন ও জয়ন্তীর অনুসরণ)

পঞ্চম পঙ্খিকের সহিত জয়ন্তীর পুনঃপ্রবেশ ।

জয়ন্তী । দে রামা, মানুষ দে ।

৫ম প । দোহাই মা গন্ধেশ্বরী, আমি মানুষ নই—গোঁরা ! পাঁচ ইয়ারে ছিঁড়ে খায় । পৈতৃক-বিষয়রূপ ভাগাড়ে যখন পড়ে থাকি, তখন কত শিয়াল কুকুরে যে আমাকে উচ্ছিষ্ট করে, তার সংখ্যা নেই । এখন আমি সর্বস্ব খুঁইয়ে ম'রে গোভূত হ'য়ে বেড়াচ্ছি । হিঁড়র দেবতা মা, আমার উপর লোভ ক'রোনা ।

জয়ন্তী । দে রামা, মানুষ দে ।

৫ম প । হাঙ্গা, হাঙ্গা ! (পলায়ন ও জয়ন্তীর অনুসরণ)

ষষ্ঠ দৃশ্য ।

কানন-প্রাপ্ত ।

চঞ্চল ও চঞ্চলা ।

চঞ্চল । দেখলি—তুই এতক্ষণ ধ'রে কেবল ভেরাণ্ডা ভাজনি
আমি আমার নাগরকে নাকে দড়ী দিয়ে ঘোরপাক খাইয়ে একটু
পায়চারী ক'রতে এলেম ।

চঞ্চলা । তোর ভা'রি ক্ষমতা !

চঞ্চল । তা ছাই এতক্ষণেও বুঝতে পারিলিনি ?

চঞ্চলা । সে আর বোঝবার দরকার করেনা ।

চঞ্চল । শোন, যখন দেখবি রাজকুমার তোর স্বত্র ছেঁড়ে-
ছেঁড়ে হ'ল—তখন আমার স্মরণ ক'রিস, আমি তাকে বেড়াপাকে
জড়িয়ে ধ'রে নিয়ে আসবো ।

চঞ্চলা । আমার আকর্ষণ মা'য়ার আকর্ষণ । তুই কি বুঝবি
পাগল ! যে আমার সৃজন ক'রেছে, সেও মর্ত্তে এসে আমার ভা'রে
অস্থির হয় ।

চঞ্চল । বলিস কি—আমার যে কাঁপুনি এল ।

চঞ্চলা । আসবে না—তুই ত একটা চোখের পালটের ওয়াস্তা ।

চঞ্চল । খুড়ী, হাসি হাসি—

চঞ্চলা । দেখ্ আমার রাগাসনি, মারা যাবি ।

চঞ্চল । দেখ্ আমার হাসাসনি, পেটে খিল ধ'রবে ।

চঞ্চলা । তুই ক্ষুদ্র প্রাণী, সংসারে তোর কেউ নেই ব'লে
দমা ক'রে তোরে ছায়ায় ছায়ায় রেখেছি ।

চঞ্চল । আর ব্রহ্মাও পেটে পূরে নাকি আমার, মুখোমুখি —
মুখশুদ্ধি করবার জায়গা নেই, তাই শুধু মনটীর উপর তোকে
অতি সম্ভরণে রেখেছি ।—ওই দেখ্ রঞ্জন মুক্তির পেছন পেছন
এখনও ঘুরছে । কিন্তু তোর প্রমোদ কই ?

চঞ্চল । এটবারে আমি তাকে বেঁধে আনবোই আনবো ।

(উভয়ের প্রস্থান)

(মুক্তি ও রঞ্জনের প্রবেশ)

মুক্তি । এই ফল রেখেছি, থাও—আমি ততক্ষণ জল আনি ।
থেয়ে একটু বল ক'রে ব্রহ্মার তার মাথায় কর । তুমি যখন
আমার মাথার মগি হ'লে, তখন তোনাকে দীপ্তিহীন রাখব কেন ?
তোমার অমানুষ ব'লবে এ আমি কেমন ক'রে সহ ক'রব ।—এই
নাও ফল—আমি জল আনি ।

রঞ্জন । বড় পিপাসা, জল আন । ভাল, ও মোট না মাথায়
ক'রলে কি চ'লবেই না ?

মুক্তি । কিছুতেই না । কেমন ক'রে চ'লবে । পরের ভার
মাথায় ক'রতে না শিখলে ত মানুষ কি !

রঞ্জন । দেখ, ও মোট থাক্, তার চেয়ে তুমি আমার কাঁধে
ওঠ ; আমি বুড়ীকে দেখাই যে, আমি পৃথিবীর ভার ধ'রতে পারি ।
তাহ'লেও কি মানুষ হব না ?

মুক্তি । নাও, ব'সো পাগলামী ক'রো না । (প্রস্থানোত্ত)

রঞ্জন । আর দেখ—

মুক্তি । আবার কেন ?

রঞ্জন । এ মানুষ কি না হ'লে চ'লবেই না ?

মুক্তি । না, কিছুতেই না । আমি সখীদের কাছে মুখ দেখাব কি ক'রে ?

রঞ্জন । ভাল ভাল, তবে যাও ।—আচ্ছা দেখ—

মুক্তি । আবার কি দেখব ?

রঞ্জন । তা হ'লে আর খাবার কিছু প্রয়োজন মেই, চল আগেই বোঝাটা মাথায় ক'রে রেখে আসি ।

মুক্তি । না, সেটা কোন মতেই হ'তে পারেনা ।—তুর্কী শরীর । মাথায় ক'রে আবার কেলে দেবে ; আর লজ্জায় আমাকে আবার মাথা হেঁট ক'রতে হবে ।

(মুক্তির প্রস্থান)

রঞ্জন । আহা ! কি সুন্দর ফল ! কি সুন্দর ক্ষিধে ! কি সুন্দর হাত থেকে প্রাপ্তি !—কিন্তু কি সুন্দর আমার পরিণাম ! আমার সখা অনাহারে বনে বনে ঘুরতে লাগল, আর আমি এখানে আহারের সুন্দর ব্যবস্থা ক'রছি । না খেয়ে শুকিয়ে ম'লেও যে কারও কাছে হাত পাতবে না, আমি মুখে তুলে না দিলে যার থাওয়া হ'ত না—আমার এমন সখাকে এ ফল নিবেদন না ক'রে আমি থাকি । তা হ'লে পাত্র শুদ্ধ এই দূর হও । (দূরে কল নিক্ষেপ)

(মুক্তির পুনঃপ্রবেশ)

মুক্তি । কি ক'রলে, ফল খেলে ?

রঞ্জন । গছের খেয়েছে ।

মুক্তি । সে কি ?

রঞ্জন । দেখ, এ কাজটা বড় সুবিধে হ'চ্ছেনা ।

মুক্তি । আবার সুবিধে হ'চ্ছেনা কেন ?

রঞ্জন । না, এ কাজ কিছুতেই সুবিধে হ'চ্ছেনা ।

মুক্তি । আবার মাথা বিগড়াল কেন ?

রঞ্জন । না, এ কাজ কোন মতেই সুবিধে হ'চ্ছেনা ।

মুক্তি । • আরে গেল, হ'ল কি ? আচ্ছা চল, আর বোঝা
ভুলতে হবেনা ।

রঞ্জন । এই যে চলছি । শয়নে পদ্মনাভ, শরনে পদ্মনাভ ! (শয়ন)

মুক্তি । ওকি, শুলে কেন ? ওগো, শুলে কেন ? তোমার
কি অসুখ ক'রছে ?

রঞ্জন । বেজায়—মারাম্বক ।

মুক্তি । সেকি ? কখন হ'ল ?

রঞ্জন । তোমাকে দেখে অবধি । (নিদ্রার অভিনয়)

মুক্তি । ওকি ক'রছ ?

রঞ্জন । থাম থাম—আমি দেহ রক্ষা ক'রছি ।

মুক্তি । ত্র হ'লে আমার সঙ্গে যাচ্ছনা ?

রঞ্জন । কই যাবার গতিক ত দেখছি না ।

মুক্তি । দেখ, যাবে কি না যাবে একেবারে বল ।

রঞ্জন । দেখ চোখ রাঙিওনা, আমি ভেবুতে যাব ।

মুক্তি । বেশ—হুকুম কর, আমি চ'লে যাই ।

রঞ্জন । বল কি, প্রথম দর্শনেই এত বেশ মেনেছ ?

মুক্তি । হাঁ প্রভু ! বুঝতে পারছ না ?

রঞ্জন । না প্রভুনি ! পারলেম না ।

মুক্তি । কি জ্বালা ! তুমি কি রকম মালুম ?

রঞ্জন । মালুম আর রাখলি কই, বানরের অধম ক'রলি ।

সথাকেও খুঁজতে দিলিনি, লোকের একটা উপকারও ক'রতে দিলিনি ।

মুক্তি । চোপ রও, সেকি আমি ?

রঞ্জন । দেখ, তোমার রাগটা বড় মন্দ লাগছেনা ।

মুক্তি । আরে রাম বল, এতো একটা বন্ধ পাগল ।

রঞ্জন । টিটকারীটে একটু একটু মিষ্টি লাগছে ।

মুক্তি । আর এটা ? (কর্ণ ধারণ)

রঞ্জন । আচ্ছা আহা ! মধু, মধু ?

মুক্তি । তোমার মতলবটা কি বল ত ?

রঞ্জন । ভয়ে কব কি নির্ভয়ে কব ?

মুক্তি । নির্ভয়ে কও ।

রঞ্জন । তবে শোন—মন দিয়ে শোন । দেখ, সখার ভাজে আমি পাগলের মত ছুটে বেড়াচ্ছিলাম ।

মুক্তি । তা ত দেখেছি ।

রঞ্জন । সথাকে না দেখে অন্ধকার দেখছিলাম ।

মুক্তি । তাও ত বুঝেছি, আর একটু হ'লেই ভীষণ গহ্বরে পড়েছিলে ।

রঞ্জন । মনের ছুখে ম'রতে যাচ্ছি, এমন সময়ে সেই অন্ধকার ভেদ ক'রে অতুল রূপরশির প্রলোভন নিয়ে কোথা হ'তে এক আনন্দময়ী ফুটে উঠল ।

মুক্তি । তার পর ?

রঞ্জন । তার পর সে আনন্দময়ীর সঙ্গে আমার কতকগুলো রহস্যের প্রেমালাপ হ'ল ।

মুক্তি । তার পর ?

রঞ্জন । তার পর আনন্দময়ী আমাকে একটু মধুর রকমের টান দিলেন ।

মুক্তি । আনন্দময়ীর আর কাজ কি ? পথশ্রান্ত, ক্ষুধার্ত, বিয়োগ-কাতর—এদের সাহসনা দিতেই না তার দেহধারণ ! তার পর তুমি কি ক’রলে ?

রঞ্জন । আমি টানটা সহিলেম ।

মুক্তি । কেন ?

রঞ্জন । জানি আমি, আনন্দময়ীকে একটু বেগ পেতে হবে ।

মুক্তি । কেন ?

রঞ্জন । জানি আমি সখা ভিন্ন এ জগতে আর কারও নই । সুতরাং আনন্দময়ী টান দিয়ে আর আমার কি অনিষ্ট ক’রবে ।

মুক্তি । বেশ ।

রঞ্জন । আর এটাও বেশ জানি সে, আমার মতন জাঁক-জমকবিশিষ্ট পুরুষ দেখলে কত গোমড়া মুখী আনন্দময়ী হয় ।

মুক্তি । শুনে সন্তুষ্ট হ’লুম ।

রঞ্জন । আর ইচ্ছা ক’রলেই অমনধারা ছ’দশটা হাজারটা লাথোটা—আর কত ব’ল্ব—এই এতটা আনন্দময়ীর পাণিগ্রহণ ক’রতে পারি ।

মুক্তি । বহুত আচ্ছা ।

রঞ্জন । তার পর, একটা চক্ষের পলক না পড়তে পড়তে ঐ ঝাঁককে ঝাঁক আনন্দময়ীকে বিরহানলে ঝপাঝপ ফেলে দিতে পারি ।

মুক্তি । তার পর ?

রঞ্জন । এই মনে ক’রে আমি আনন্দময়ীর সঙ্গে সঙ্গে চ’ল্লেম ।

চলতে চলতে দুখি না আনন্দময়ী বিষাদময়ী হ'ল ! বিষাদময়ী হ'লেন কিনা রোদনময়ী ; রোদনময়ী, দেখতে দেখতে জলময়ী ; আর যেমন জলময়ী অমনি তরতর ক'রে সেই জলের স্রোত পাহাড় ভেদ ক'রে ছুটে গেল ।

মুক্তি । আর তুমি কি হ'লে ?

রঞ্জন । আমি হয়ে গেলেম ভেবাচাকা ময় । সখার অদর্শনে প্রাণটা জলছিল ; সেই শীতল জলাধার দেখে বার কতক হেঁকচ পেকচ ক'রে উঠল ; তার পর খ্যাচ ক'রে একটান, আর পড়াঃ ক'রে ছেঁড়া, যেমন ছেঁড়া অমনি পড়া । দেখতে দেখতে প্রাণ যে কোথায় ভেসে গেল, তার ঠিকানা পাচ্ছি না ।

মুক্তি । এখন ?

রঞ্জন । এখন আমার সব যায়—আমার সখা যায়, মনুষ্যত্ব লোপ পায় । আমি নিজের শক্তি বুঝতে পারিনি । আনন্দময়ী ! রহস্য ক'বতে গিয়ে আজ আমি সর্বস্ব তোমায় সমর্পণ ক'রে ব'সেছি ।

মুক্তি । তোমার কেউ যায়নি, কিছু যায়নি,—তুমি ওঠ ।

রঞ্জন । সত্যি ?

মুক্তি । দেবতার সাক্ষাতে কি মিছে কথা কইছি ? হৃদয়েশ্বর ! তোমার সব আছে । তোমার সামগ্রী অটুট অব্যয়,—সে কি নষ্ট হয় ?

রঞ্জন । আর এমন হৃদয়েশ্বরীর পায়ে যথাসর্বস্ব ঢালতে মন কখন নারাজ হয় ? এই নাও আমার যথা—আর এই নাও আমার সর্বস্ব । মুক্তি, মুক্তি ! তোমার চরণে আজ আমি আত্ম-সমর্পণ ক'রলুম । তুমিই আমাকে রক্ষা কর । (মুক্তির চরণে উকীষ ও উপচৌকন দান)

(গিরিবালিকাগণের প্রবেশ)

(গীত)

এস প্রীতির নাগর সুন্দর !

এস রমণীয়, এস কমনীয়,

এস মধুর মধুর নরবর ॥

এস ফুলকুসুম মাজে,

আদর সোহাগ, নব অনুরাগ,

চিত্র-আকিঞ্চন মাঝে ।

এস পিপাসুলোচন প্রিয়ছবি, নব প্রভাতের রাঙা রবি,

এস হৃদযরণী মধু যামিনীর শুধু মধু ভরা শশধর ॥

দ্বিতীয় অঙ্ক

প্রথম দৃশ্য ।

বনপথ ।

বন্যবালকগণ ।

(গীত)

(ভাই) আর কেন মিছে ছল ।

তুমি আপনার কাছে আপনি হেরেছ

কায় পরে কর বল ॥

আপনা হারামে খুঁজে না পাও, যারে দেখে তারে চোক রাঙাও,

বনের রোদন বনেই মিলায়—

সার শুধু অঁখি জল ।

পিছে যদি পড়ে রয়েছে মন আগে গিয়ে কিবা ফল ॥

(প্রস্থান)

(প্রমোদের প্রবেশ)

প্রমোদ। আরে ম'ল এ পথেও মানুষের চলাচল যেরে ! না হ'লনা, এ স্থানও ত্যাগ ক'রতে হ'ল। কিন্তু বালক গুলো গানের ছলে যা ব'লে গেল, তাতো মিছে নয় ! কই মন ত আমার আরন্তে আসছে না। আমি যেতে চাচ্ছি, কিন্তু মন ত আমার সঙ্গে চলছেনা। যাক্, বুড়ীবেটী মানুষ মানুষ ক'রে চ'লে গেছে। চ'লে গেছে না বাঁচা গেছে। “জানামি ধর্ম্যং ন চ মে প্রবৃত্তিঃ, জানাম্যদর্ম্যং ন চ মে নিবৃত্তিঃ।” কি ক'রব, বৃদ্ধার উপকার ক'রতে পারতেম, কিন্তু আমার আমার প্রবৃত্তি নাই। পরোপকারে আর আমার প্রবৃত্তি নাই। আজীবন উপকারে কেবল শত্রুবৃদ্ধি ক'রেছি, পদে পদে নিজের অনিষ্ট ক'রেছি। তবে আর কেন ? উপকারে যদি মানুষের উপকারই না হয়, যদি তার মনুষ্যত্বই লোপ পায়, তবে আর কেন ? যাই কেদারেশ্বরের চরণে মরিয়া-মমতা, পরোপকার-প্রবৃত্তি, হৃদয়ের কোমলতা সনস্ত অঞ্জলি দিয়ে যেখানে ছুঁচোথ যায়, চ'লে যাই। কারও কিছু ক'রবনা, কারও ভাবনা ভাবব না।

(জয়ন্তীর প্রবেশ)

জয়ন্তী। দে রামা, একটা মানুষ দে।

প্রমোদ। আরে ! এখনও রয়েছিস !

জয়ন্তী। মানুষ মেলেনি, তাই আছি।

প্রমোদ। না, এ বেটী পাগলের পাগল। সারাদিন মানুষ মানুষ ক'রে চেষ্টায়ে, না খেয়ে বেটা মলি যে !

জয়ন্তী। সে খবরে তোমার দরকার কি ? দে রামা একটা মানুষ দে।

প্রমোদ । তবে মর চেষ্টিয়ে—সারাদিন কি! সারাবছর—
সারাবছর কি—সারাটা জীবন মানুষ মানুষ ক’রে চেষ্টিয়ে ম’লেও
মানুষ পাবিনা ।—সন্ধ্যা হ’ল, ঘরে যা ।

জয়ন্তী । দে রামা মানুষ দে ।

প্রমোদ । মর বেটী—সৎপরামর্শ দিলুম শুনাগিনি । তবে
মর—চেষ্টিয়ে চেষ্টিয়ে গলাভেঙে মুখে রক্ত উঠে মর । কিন্তু দেখ,
যদি মুখ খুবড়ে পড়, তাহ’লে ভাবছ আমি তোমার সেবা ক’রব,
সেটা মনের কোণেও স্থান দিওনা ।

জয়ন্তী । দে রামা মানুষ দে ।

প্রমোদ । স্বয়া স্বীকেশ ! হৃদিহিতেন যথা নিযুক্তোঽস্মি তপা
করোমি ।” (প্রস্থানোত্তত)

জয়ন্তী । দে রামা মানুষ দে ।

* প্রমোদ । হাঁ হাঁ চুপ ক’রিস কেন ? টাটা টাটা ।

(প্রস্থান)

জয়ন্তী । দে রামা মানুষ দে ।

(প্রমোদের পুনঃপ্রবেশ)

জয়ন্তী । কিগো বাছা আবার ফিরলে যে ?

প্রমোদ । ইচ্ছা হ’ল । ইচ্ছা হ’ল চ’লে গেলুম—ইচ্ছা হ’ল
ফিরলুম । ইচ্ছা হ’চ্ছে আবার চ’লে যাচ্ছি ।

জয়ন্তী । বেশ, শুনে সুখী হ’লুম । দে রামা, একটা মানুষ দে ।

প্রমোদ । আচ্ছা, আমি তোমার ঘাস কাঁধে ক’রে নিয়ে যেতে
পারি, তুই যদি উপকার ব’লে মনে না ক’রিস ।

জয়ন্তী । সেকিগো, আমি কি অকৃতজ্ঞ প্রাণহীনা । উপকার
ক’লে মনে রাখবোনা ।

প্রমোদ । কেন মনে কর না—এ আমার ঘাস—আর আমি
তোমার প্রজা । তোকে খাজনার বদলে এক বোঝা ঘাস দিয়ে
এলুম ।

জয়ন্তী । তার চেয়ে আমি মনে করিনা কেন, গরীব অনাথার
ওপর কারও দয়া হ'লনা দেখে, তোমার প্রাণ কেঁদে উঠল আর
দেই প্রাণ কেঁদে উঠল, অমনি ছুটে এলে, ঘাসের বোঝা ঘাড়ে
ক'রলে । আর আমাকে অমনি জন্মের মতন কিনে রাখলে ।

প্রমোদ । তবে তুই তাই ব'সে ব'সে মনে কর । আর
পেছন দিক থেকে বাঘ এসে ঘপাস্ ক'বে তোকে ঘাড়টা ধ'রে তুলে
নিয়ে যাক্ ! বেটী তুই বড় বড় ।

জয়ন্তী । দে রামা মানুষ দে ।

প্রমোদ । ভাল, যাবার সময় একটা কথা ব'লে যাই । দেখ
বাছা, মানুষ পরিচয় দিয়ে অনেক লোক আসবে, কিন্তু সাবধান,
মুখ দেখে কখন ভুলিসনি । শুধু চোখে দেখলে কত দেবতার
মুখ দেখতে পাবি । কেউ বা চোখে কলসী কলসী জল ভ'রে
রেখেছে, কথার কথায় উথলে দিচ্ছে । কারও বা মুখে হাসি ভরা,
যেখানে সুবিধা পাচ্ছে সেইখানেই ছড়াচ্ছে । জুর্ভেদ্য আবরণের
ছায় অস্তুরের প্রতি অক্ষর সে মানব-চক্ষের অগোচরে রেখেছে ।
দেখতে দেবতা—মুখ দেবতার, কিন্তু একবার ব্যবহারের অণুবীক্ষণ
দিয়ে সেই মুখ দেখলে বুঝতে পারবি কেউ নেই—তার ভেতরে
মানুষ কেউ নেই ! সব চোর—সব শালা চোর ! রূপ, সৌন্দর্য,
“হাসি, চক্ষুজল, মধুরবচন—সব চুরি ! স্বার্থের জন্ত মানুষে দেবতা
সাজে, ঋষি হয়—মানুষ নেই !

জয়ন্তী । দে রামা মানুষ দে ।

প্রমোদ । আবার বেটী, আবার “দে রামা মানুষ দে !” বলি যেটী ! রামা রামা ক’রছিস—রামা সীতা উদ্ধারের সময় কটা মানুষ পেয়েছিল ? পঞ্চবটী বনে সীতাহারা কমললোচন যখন হা জানকী ব’লে সমস্ত বনটা ছুটে বেড়িয়েছিল, মাটিতে গড়াগড়ি খেয়েছিল, পশু পাখী গাছ পালার পায়ে মাথা খুঁড়েছিল, তখন কটা মানুষ এসে তার সাহসনা ক’রেছিল ? কজন এসে তার চোখের জল মুছিয়েছিল ? বেটী, মানুষ এলনা, বানর এল—বনের বানর এসে রামকে কোল দিলে, মানুষ এলনা ।

জয়ন্তী । বোক! ছেলে, কোথানে কি মানুষ ছিল ?

প্রমোদ । তা ত ছিলইনা । এই যে তুই সারাদিনটে চীৎকার ক’রে গলা ভেঙে মলি, একটা মানুষ দেখতে পেলেনি, একবার কিছু দেবার নাম ক’রে মানুষ ব’লে ডাক দেখি—দেখবি পাহাড় কুঁড়ে মানুষ গজিয়ে উঠেছে, দেখবি প্রতি বৃক্ষ থেকে মানুষ বরছে—মানুষের দে দে চীৎকারে দেখবি বন ছেড়ে ভীষণ কষ্ট পায়ন্ত পালিয়ে যাচ্ছে ।

জয়ন্তী । আহা বাবা, আমার কি উপকারই ক’রলি !

প্রমোদ । সে কি ! উপকার ! (চারিদিকে চাহিয়া) উপকার ক’রলুম কি ? কখন ক’রলুম ?

জয়ন্তী । ভারী উপকারই ক’রে কৈলেছিস বাবা !

প্রমোদ । যাঃ মাটি ক’রেছি—সর্বনাশ ক’রেছি । কি ক’রেছি বেটি বল ত ?

জয়ন্তী । তুই আমার মনের অন্ধকার দূর ক’রে দিয়েছিস । আর আমি মানুষও ভাকরনা, খাসও তুলবনা, এই আমি ব’সে রইলেম । আহা ! বাবা তুই দীর্ঘজীবী হয়ে থাক—কি উপকার ক’রলি, মনের মলা ঘুচিয়ে দিলি !

প্রমোদ । ভবেরে পাঞ্জী বেটি ! উপকার ক'রেছি ?

জয়ন্তী । উপকার ব'লে উপকার ! বুড়ো বয়েস পর্য্যন্ত মানুষ খুঁজে খুঁজে কেবল ভূতের বেগার খেটে মরেছি—দুখ কষ্ট কিছু করিনি, আজ আমার কিনা ভ্রম দূর ক'রলি ! আহা কচিছেলে, তার পেটে এত বুদ্ধি ! এত জ্ঞান !

প্রমোদ । এখনও ব'লছি যুথ সামলে কথা কও । ফের বল্পে বিপদ ঘটবে । দেখ মা—কথায় কথায় হয় ত কি ব'লে ফেলেছি ভুলে যা ।

জয়ন্তী । ভুলে যাবি ? যতকাল বাঁচব মনে রাখব ; তার পর, আমার যে কেউ থাকবে সবাইকে ব'লে যাব, তারা যেন পুরুষানুক্রমে এই কথা মনে রাখে ; জগৎসংসার একথা জানতে পারবে ।

প্রমোদ । বয়ে গেল—মনে ক'রলি তাতেও বয়ে গেল, না ক'রলি তাতেও বয়ে গেল । আর উপকার ক'রলুম ত বেশ ক'রেই করি । (বোঝা স্বন্ধে করিয়া) নে ওঠ বেটি ওঠ ।

জয়ন্তী । চল—

প্রমোদ । কিন্তু বেটি তুমি মনে ক'রছ, তোমার কান্দা কাটিতে বোঝা ঘাড়ে ক'রলুম—

জয়ন্তী । তবে আর কার ?

প্রমোদ । চূপ কর বেটি, এ আমার খুসী ।

(উভয়ের প্রস্থান)

দ্বিতীয় দৃশ্য ।

হিমালয়—গোমুখী-জলপ্রপাত ।

চঞ্চলা ও গিরিবালিকাগণ ।

(গীত)

বড়দূর হ'তে এসেছি বঁধু, বারেক ফিরিয়া চাও হে ।
বড় আশা প্রাণে পুরেছি বঁধু আর কেন চলে যাওহে ॥
অনয়ে রেপিছি প্রেম-সরোবর হাসির কমল তায়—
আদর হিলোলৈ ধুয়ে পরিমলে মাথাব শাঁকর গায়,
কতই করিব খেলা ;

প্রাণে দিব আশা, বুকে ভালবাসা,
করিব পিরীতি মেলা ॥

অগাধ সোহাগ রেখেছি বঁধু, একবার নেয়ে লাওহে ॥

[চঞ্চলার ইঙ্গিত—প্রথম বালিকা বাতীত সকলের প্রস্থান ।

প্রমোদ । কি মর্ম্মস্পর্শী সঙ্গীত ! এই বিজন স্থানে এই
প্রকৃতির ভীষণতার আবরণে অন্ধকারে অঙ্গ ঢেকে কাঁরা গায় ?
প্রাণ ঐ গানের সঙ্গে মিশতে চায় । যদি মাথায় ভার না থাকত,
যদি পরের জন্ত স্বতঃপ্রবৃত্ত হয়ে অধীনতায় না আবদ্ধ হ'তাম,
তা হ'লে ঐ সঙ্গীতের অনুসরণ করতাম, সঙ্গীত যেথায় যেতো
সেথায় যেতাম । কিন্তু সংসার-বিরাগীর—সর্বস্ব-ত্যাগীর এ হৃদয়-
কর্ষক সঙ্গীত কেন ? প্রকৃতিসুন্দরি ! অসীম শক্তিময়ি ! কি তোর
মনে আছে জানিনা—আমার অদৃষ্টে কি আছে বলতে পারি না ।
জোর ক'রে আমার হৃদয় কোমল ক'রতে কেন দেবি ! তোর
আকিঞ্চন ?

চঞ্চলা। এত দূর ত এনেছি, কিন্তু সখী আসবার মতন
হয়েছে কিনা, এইবারে তোমায় পরীক্ষা ক'রতে হবে।

১ম বালিকা। বেশ।

চঞ্চলা। তা'হলে আমি চ'লুম।

(চঞ্চলার প্রস্থান)

১ম বা। প্রেমিকবর, এই সুকুমার দেহের এত পীড়ন কেন?
মাথায় এত ভার কেন?

প্রমোদ। কেন—এ কথা বলতে বাধ্য মই। তুমি কে?
এই স্বাপদসঙ্কুল ভীষণ স্থান, এই নিবিড় অন্ধকার,—এমন সময়ে
এমন স্থানে তুমি কে—কেন এসেছ? যদি পথভ্রমে এসে থাক,
তা হ'লে ক্ষণেক অপেক্ষা কর, আমি এই বোকা ফেলে এসে
তোমাকে পথ দেখাব।—আর যদি ভয় পাও, তা হ'লে আমার
সঙ্গে সঙ্গে চল।

১ম বা। আমি তোমার জন্ত এসেছি।

প্রমোদ। আমার জন্ত এসেছ? কেন তোমারও ঘাসের
বোকা আছে নাকি?

১ম বা। প্রেমিকবর, তোমার রূপ গুণে মুগ্ধ আমি আত্ম-
হারা হয়েছি, তোমাকে আমার সর্ব্বস্ব ক'রব।

প্রমোদ। বল কি চিনিনি-মণি? তোমার মিষ্টি কথায় বাস
গুহু যে র'সে উঠল।

১ম বা। আমি তোমাকে আদর দেব, সোহাগ দেব, এ
হিমালয়-শৃঙ্গে মানস-সরোবর-শতদল-সিক্ত চির-আনন্দময় ভূস্বর্গের
রাজা ক'রব। চল সেথায় তোমায় নিয়ে যাই।

প্রমোদ। অপরাধ? আমার ভেতরে এমন কি দেখেছ যে,

দেখেই তোমার প্রেম উথলে উঠল ? ভাই তুমি যেই হও, আমার কথায় রাগ ক'রোনা, এমন সময় তোমার উপযাচক হ'য়ে দয়া প্রকাশে কিছু সন্দেহ হয়েছে । আমি এমন কি ক'রেছি যে তোমার এমন গানভরা প্রাণ আমার পুরস্কার ?

১ম বা । তুমি বিশ্বপ্রেমিক ।

প্রমোদ । মিছে কথা —আমি মানুষের উপর বিরক্ত, তার উপর ঘৃণা ক'রে, তার মুখ দেখতে হবে ব'লে বনে এসেছি ।

১ম বা । তুমি পরোপকারী ।

প্রমোদ । ছিলেম, এখন স্মার নয় । •

১ম বা । তবে যাতে প্রবৃত্তি নাই, সেকাজ কেন ক'রছ ? তুমি ভাৱ ফেলে আমার সঙ্গে এস ।

প্রমোদ । কি—কি বললি রাক্ষসি ? আমি পুরুষ, আমার কঠিন প্রাণ—ইচ্ছায় হ'ক অনিচ্ছায় হ'ক, আমি এক জনের ভার বহন ক'রেছি, তুই নারী হয়ে সে কার্য্য ক'রতে নিষেধ ক'রলি !

১ম বা । অনিচ্ছায় পরকার্য্য ক'রে ফল কি ?

প্রমোদ । আমি ফলপ্রত্যাশী নই ।

১ম বা । সে বৃদ্ধা ডাকিনী—তার কার্য্য ক'রে অনিষ্ট বই ইষ্ট নাই—তুমি আমার সঙ্গে এস ।

প্রমোদ । সেখানে অনিষ্ট মৃত্যু—আর তোর কাছে আমার বা অনিষ্ট তার তুলনা কোথায় রাক্ষসি ! আমার আত্মার ধ্বংস হবে—তোরা মানদ-সরোবরের জল-শীকরে আমার অঙ্গ পুড়ে ক্ষার হবে—তোরা শতদল-সৌরভে আমার হৃদয়ে শেল বিঁধবে ! যা দূর হয়ে যা । কঠিনে ! তুই নারী হয়ে, একটা বৃদ্ধা—অশক্তা বৃদ্ধা,

তার উপকার ক'রতে নিষেধ ক'রলি ; এই কি তোর অগাধ প্রেম ? মায়াবিনি, দূর হ—আমি তোর কথা শুনবো না ।

১ম বা । আমি তোমাকে অনন্ত সুখ দেব—চির-যৌবন দেব—দানী হয়ে আমার এই অগাধ প্রেমের অধিকারী ক'রব—আমি দেব-নন্দিনী ।

প্রমোদ । তুই পিষাচিনী, তোর ভূষ্মর্গ ভূক্শে চূর্ণ ক'ক, তোর অনন্ত যৌবনে আগুন লাগুক, তোর অগাধ প্রেম পুড়ে যাক ;—তুই দূর হ' ।

১ম বা । প্রেমিকবর ! মাথা তোলো—আমার মুখ দেখ—আমার মুখ দেখলে সব ক্রেশ দূর হবে—সংসারের জ্বালা-বহুগাময় পথে আর তোমার চ'লতে প্রবৃত্তি হবেনা । প্রেমিকবর, আমি স্নন্দরীর রাণী ।

প্রমোদ । ওরে বুড়ী ! তোর ঘাস লুটে নিলে ।

জয়ন্তী । (নেপথ্য) কে র্যা ।

১ম বা । ওগো ডেকোনা গো, সে ডাইনি গো ।

প্রমোদ । ডাইনি—ডাইনি—ক্ষীরখণ্ড—ক্ষীরখণ্ড । মাখম, মাখম ।

১ম বা । ওগো তোমার পায়ে পড়ি গো—আমি পালাছি গো ।

[প্রস্থান ।

(জয়ন্তীর প্রবেশ)

জয়ন্তী । কি বাবা ভয় পেয়েছ ?

প্রমোদ । কই বেটী তোর ঘর কই ?

জয়ন্তী । এই যে এসে পড়েছি বাবা, আর একটু চল না !

প্রমোদ । আবার চলনা কিরে বেটী—আর চ'লব কোথা ?

জয়ন্তী । এই যে এই পথে ।

প্রমোদ । এই পথে ! তা হ'লে এবার আমাকে খড়া বেয়ে উঠতে হবে ?

জয়ন্তী । তা না হ'লে উঠতে পারবে কেন বাছা । দেখছ না গড়ানে । নাও চল, দাঁড়িয়ে রইলে কেন ? ওকি, আমার পানে অমন ক'রে কটমট ক'রে চাইলে কেন ?

প্রমোদ । ভবেরে বেটি ! (বোঝা ফেলিবার চেষ্টা) একি এটা পিটে আটা দিয়ে জুড়ে দিয়েছি নাকি ?

জয়ন্তী । নাও আর মিছে সময় নষ্ট করোনা, চল আর দূর নেই ।

প্রমোদ । দূর নেই দূর নেই ক'রে, এই বিষম তার আমার পিঠে চাপিয়ে এই দুর্গম পথের কত দূর নিয়ে এলি, এখনও আমার সঙ্গে চাতুরী খেলছিস । কষ্ট দিতেই যদি তোর আনন্দ তা হ'লে বুড়ী আমাকে মেরে ফেল, তা না হ'লে বল তোর বাড়ী ঘর আছে কিনা ।

জয়ন্তী । বাড়ী নেইত কি পথে পথে বেড়াচ্ছি । ঐ যে আমার বাড়ী । ঐ যে পৰ্ব্বতশৃঙ্গের উপরে ঐ যে গোমুখী । যে গোমুখী দিয়ে সুরধুনীর স্রোত পৰ্ব্বতের গাত্র বেয়ে প্রথম প্রান্তরে পড়েছে, অন্তগামী রবিকিরণ-স্পর্শে মহেশ্বরের স্তবর্ণ জটার ত্রায় ঐ যে গোমুখী-জলপ্রপাত । তার পাশে ঐ যে দেবদারুকুঞ্জ, তার উত্তরে ঐ যে একটা হ্রদ—যে হ্রদের তীরে চামরী গোকর পাল চ'রছে—ঐ দেখনা ।

প্রমোদ । দেখছি তুই ব'লে যা না ।

জয়ন্তী । তার উত্তরে একটা কুসুমের মাঠ, তার উত্তরে দাড়িম্ব-কানন, তার পরেই আঙ্গুর লতার কুঞ্জ—তার পরেই একটা ছোট

তড়াগ, সেই তড়াগের তীরে একটি সুন্দর মালঞ্চ বেড়া আমার বাড়ী।

প্রমোদ। হাঁ হাঁ ক'রলি কি, খামলি কেন,—ব'লে যা ব'লে যা, তার পর ?

জয়ন্তী। আমার বাড়ী, আরার তার পর কি ?

প্রমোদ। এত শীগগির তোর বাড়ী ? তার পরে অনেক জিনিস প'ড়ে রইল যে। উত্তর মহাসাগর প'ড়ে রইল, স্নমেক বাকী রইল, ঘনের বাড়ী প'ড়ে রইল। করিছিস কি, এত কাছে বাড়ী ক'রে ফেলেছিস ?

জয়ন্তী। বড় কি কষ্ট হচ্ছে ?

প্রমোদ। পৃথিবীর উপর এত স্থান থাকতে পাহাড়ের উপর খর বেধে ম'রেছ কেন ?

জয়ন্তী। আমিও ভাবি কি জান বাছা, পৃথিবীতে এত পাহাড় পর্বত, বন, জঙ্গল, গাছ-পালা থাকতে তোমাদের দেশের লোক সহর গাঁয়ে বাস করে কেন ? দিবা গাছে উঠে ফল খাবে, তুড়ুক তুড়ুক ক'রে লাফাবে। যাক সে কথা। এখন কি ক'রবে বল ; এইটুকু যদি তুলে না দাও তা হ'লে এতটা পথ, আনা না আনা দুইই সমান। সোজা রাস্তায় আমি নিশ্চই ব'য়ে আনতে পারি।

প্রমোদ। কতকগুলো ঘাস আমার পিঠ থেকে ফেলে দে, তা না হ'লে আমি উঠতেই পারব না।

জয়ন্তী। সে কিগো ! ওকি কথা বল গো ! আমি মারা দিন না —খেয়ে এই ঘাস জোগাড় ক'রলেম, আর তুমি ফেলে দেবে ?

প্রমোদ। আমি মলে তোমার ঘাস তুলবে কে ?

জয়ন্তী। তাহ'ক গো তাহ'ক —প্রাণ যায় আবার প্রাণ হবে—

তোমার মতন মানুষ যায় মানুষ পাব, কিন্তু এমন কাঁচি কচি ঘাস যে আর পাবনা গো। ভাল কথা মনে পড়েছে—এখানে যে এক আঁট কাঠ রেখে গিয়েছিলেম, কোথা গেল ? যাঃ কোথা গেল ? কেউ চুরি ক’রলে নাকি ? না, এই যে আছে। র’সো বাবা, এগুলো বোঝার উপর শাকের আঁট—নাও চল—মেয়েরা আমার জন্তে হা পিতোস ক’রে ব’সে আছে।

প্রমোদ। তবে তুই বা আর খড়া বেয়ে কষ্ট ক’রে এতটা উঠতে যাবি কেন? তুইও বোঝার উপর শাকের আঁটটে, তার উপর গজগিরিটে হয়ে বসে যা। উঃ! কি বলব, বোঝা নিয়ে নড়তে পারছি না, তা না হ’লে বোঝার সঙ্গে বেঁধে, মাঝখান পর্যন্ত না উঠে, বোঝার সঙ্গে তোরে ছেড়ে দিতেম, গড়াতে গড়াতে তাল পাকিয়ে পাহাড়ের তলায় পড়তিস—তবে আমার রাগ যেত।

জয়ন্তী। বটে! আমাকে মেরে ফেলতে আমাকে শুদ্ধ নিয়ে উঠতে পার, আর আমার উপকার ক’রতে শুধু বোঝাটা নিয়ে উঠতে পারনা। আরে ছিঃ, এমন উপকারী তুমি ? না বাছা, খুলে দিচ্ছি, আর তোমায় আমার উপকার ক’রতে হবেনা, আমার যা অদৃষ্টে আছে তাই হবে—দে রামা একটা মানুষ দে!

প্রমোদ। চটিস কেন বেটী—বোঝা কাউকেও দেবনা, ম’রে ঘাই তবু মরণ ধরণ ধ’রে থাকব। ভগবান এলে তাকেও হাঁকিরে দেব। কিন্তু বেটী তোর কি প্রাণ! সামান্য কতকগুলো পশুর জন্ত তোর আশ্রিত একটা লোককে এত কষ্ট দিলি, এটা মনে ক’রে আমি কি একটু অভিমানও ক’রতে পারব না ? আমার কি সংসারে আশা বলবার কেউ নেই ? বল বেটী তুই কি ? বল তুই কে ?

জয়ন্তী । 'আহা আমি ক'রব—আহা ক'রব কি গো ? হা° হাঃ হাঃ ! আমি কি—আনি কে ? (উচ্ছ্বাস)

প্রমোদ । একি বিকট হাসি—তুই কখন মানুষ ন'স—তবে কে তুই ?

জয়ন্তী । হাঃ হাঃ হাঃ ! এখনও আমার চিনতে পারনি ? আমি ডাকিনী ! আমি রাজকুমারের মাংস কখন খাইনি ব'লে তোমাকে ধ'রে এনেছি । বাজা, আমার কি স্নেহ মমতা আছে ?

প্রমোদ । আরে বেটী তা আগে বলিসনি কেন, তার:জন্ত এত কৌশল কেন ? আনাফে বয়েই ত হ'ত । আমি শুধু আসতেম না, কতকগুলো মশলা সঙ্গে ক'রে আনতেম ।

জয়ন্তী । মশলা ? আমার ঘরে সুন্দর মশলা আছে, তার সৌরভে দিগন্ত আমোদিত । মৃগনাভি আমার গৃহপ্রাঙ্গণের ধুলো, জাফরান জঞ্জাল, কুসুমের গাছ আমার গোরুতে খায়, গুজরাটী এলাচের জালে আমি ভাত রাঁধি, আমার আবার তুই কি মশলা দিবি বাপধন ? নে চল্ ।

প্রমোদ । তা হ্যাঁ ডাইনি মাসী, আমার মাংসের কি কি ক'রে খাবি বল দেখি ?

জয়ন্তী । কত কি ক'রব—বাকী যা থাকবে তাতে কাঁচা তেঁতুল দে পটপটে ক'রে অঞ্চল রেঁধে খাব ।

প্রমোদ । আর বলিসনি বেটী—আর বলিসনি—ওনে ! আমার মুখে জল আসছে । তবে চল্ শীগগির চল্—বল হরি হরিবোল !
- ডাইনী মাসী, রহস্ত করছিনা—আমার অস্তিত্ব লোপ ক'রে দে—
আমার সংসারের বাতাস সইল না—জলে মলেম, জলে মলেম ।
মায়া-মমতাশূন্য হৃদয়ে সংসারে বিচরণ করার চেয়ে মরা ভাল ।

ডাইনী মানী, আমার হাড় থা, মাস থা—খেয়ে এই দগ্ধ প্রাণ গোমু-
খী। জলে মিশিয়ে দে। নে আয়, 'তোরে হাত ধ'রে নিয়ে যাই।
হরিবোল, হরিবোল !

(উভয়ের অস্থান)

তৃতীয় দৃশ্য ।

উদ্যান ।

রঞ্জন ।

রঞ্জন । কোথাকার বরাত কোথায় বাবা । ছিলেম কোন্
দেশে, এলেম কোন্ দেশে । কি ক'রতে এলেম কি হ'ল । কোথায়
গাছের তলায় প'ড়ে না খেয়ে চিঁচি ক'রব, না কোথায় আঙ্গুর পেস্তা
বাদামি বেদনা ক্ষীর মাখনে পেট আই চাই ! কোথায় গুহার ভিতর
মুগ লুকিয়ে চার ধারে ধুতুরাফুল দেখব, না কোথায় টলটলে চাঁদ-
পানা মুখ ! কোথায় সেই অন্ধকারে গুহার ভিতরে কোন ভয়ঙ্কর
নিশাচরের জলন্ত চোখ দেখে পেটের পিলে চমকে যাবে, টলটলে
ফেলফেলে এমন এমন লোচন-কটাক্ষে বুক গুৰ্গুৰ । সখা ফেলে
পালিয়ে গেল, আবার ঘুরে ঘুরে আমারই কাছে উপস্থিত হ'ল ।
আর কি যেমন তেমন আসা ! শান্তি শান্তি ক'রে পাগল, সেই
শান্তি তার কপালে নাচছে । ভুবনমোহিনী মূর্তি ধ'রে শান্তি তারে
ধরণ ক'রবে—আমি হব তার ঘটক, আনার মুক্তি হবে তার ঘটকী ।
উঃ ! মুক্তি আমায় কি ভালবাসে ! ভয়ঙ্কর ভালবাসা—ভয়ঙ্কর
ভালবাসা । যেমন দেখেছে অমনি ভালবেসেছে—পাছে বোঝা
ঘাড়ে ক'রলে আমি শান্তি পাই, এই ভয়ে আমাকে ভুলিয়ে এনেছে ।

মুক্তি যেমন দেখলে, অমনি প্রাণে প্রাণে জড়িয়ে গেল ; জড়িয়ে
মড়িয়ে তাল পাকিয়ে প্রাণটা আমার ভেঁকা চ্যাকা মেরে গেল ।
কি ক'রলেম কিছুই বুঝতে পারলেম না । তা না হ'লে আমি কখন
বোঝা ফেলে আসবার পাত্র ! এই বোঝা কি আমি সখাকে বাড়ে
ক'রতে দিতেন । যা কিছু মনুষ্যদের গলদ, সে শুধু ঐ মুক্তির জন্ত ।
মুক্তি মুক্তি ! ভয়ঙ্কর ভালবাসা—ভয়ঙ্কর ভালবাসা ! যায় যায়
কিরে—চায় থাকে থাকে দেখে যায় । কিন্তু আমি মুক্তিকে জ্বল
ক'রব । সে তরল কটাফে আমার মনুষ্যত্ব ভাসিয়ে দিয়েছে ।
মুক্তিকে ভয় দেখাব, তাঁরে ফেলে'চ'লে যাবার ছলা ক'রব । ঐ
আসছে—আহা মুক্তি আনায় কি ভালবাসে—আয় মুক্তি আয়—
আজ তোকে—

(মুক্তির প্রবেশ)

মুক্তি । কিগো বন্ধু ! দাঁড়িয়ে রয়েছ যে ?

রঞ্জন । এই তোমার জন্ত অপেক্ষা ক'রছি ; দেখ আমি চ'লে
যাব । অনেকক্ষণ এসেছি, আর থাকবনা ।

মুক্তি । তা আমার জন্ত অপেক্ষা ক'রছ কেন, আমি কি পথ
দেখিয়ে দেব ? তা হ'লে এস ।

রঞ্জন । (স্বগত) সর্বনাশ ! বলো কি ? তবে মুক্তি আমার
ভালবাসেনা । একথা শুনে মুক্তির বুকটা ছাঁৎ ক'রে উঠলোনা—
হাসিমুখে দাঁড়িয়ে রইল । আবার আমার পথ দেখায় !

মুক্তি । দাঁড়িয়ে রইলে কেন ? চলনা ।

রঞ্জন । এই যে চলনা । (স্বগত) সর্বনাশ ! একি হ'ল !
তবে কি মুক্তি মায়াবিনী ! মায়ামুগ্ধ ক'রে এতক্ষণ আমার ভুলিয়ে
রেখেছিল । কি হ'ল ! একি হ'ল ! এযে বিনা মেঘে বজ্রাঘাত !

মুক্তি । চলনা ব'লে আবার দাঁড়িয়ে রইলে কেন ?

রঞ্জন । দাঁড়াব কেন, দাঁড়াব কেন । (স্বগত) দর্পহারী
মধুসূদন ! এষে আমি নিজে জন্ম হচ্ছি ; আমি শুণু জন্ম নই, আমি
যে যাই !

মুক্তি । ও কিগো অমন ক'রছ কেন ? কোন্ দিকে যাও—
নাও আমার হাত ধর, আমি তোমায় আশ্রমের বাইরে রেখে
আসছি । হাঁগা তুমি কি রাতকাণা ?

রঞ্জন । য্যাঁ আমি—আমি—(স্বগত) কি ক'রলেন, কেন
যাবার কথা মুখে আনলেন । য্যাঁ কোথায় বাব, মুক্তিকে ছেড়ে
কোথায় যাব !

মুক্তি । বুঝতে পেরেছি (হস্ত ধরিয়া) নাও এস ! আমি
বেশীক্ষণ দেরি ক'রতে পারবনা ; নূতন একজন অতিথি এসেছে,
এখনই গিয়ে আবার তার পরিচর্যা ক'রতে হবে । মার কাছে
শুনলেন, সে আজ তিনদিন নিরাহার । সেই অবস্থাতেই সে ঘাসের
বোকা মাথায় ক'রে এনেছে । নাও শীগ্গির চল, আমি আর এক-
টুও অপেক্ষা ক'রতে পারবনা । ওকি হেলে পড়লে যে ?

রঞ্জন । য্যাঁ—আমি—আমি—

মুক্তি । হাঁ হাঁ তুমি—তুমি—যেতে যেতে থমকে দাঁড়াছ ।

রঞ্জন । আমি—আমি—

মুক্তি । হাঁ হাঁ তুমি—চ'লতে চ'লতে হেলে পড়ছ ।

রঞ্জন । আমি—আমি—

মুক্তি । ওকি আবার ব'সলে কেন ?

রঞ্জন । আমি একা যাব ।

মুক্তি । একা যাবে, চিনতে পারবে ?

রঞ্জন । পারি না পারি তোমার কি ?

মুক্তি । তা হ'লে এই পথ ধরে বরাবর পূর্বমুখে যাও, কিছু দূর গেলেই কুকুমের ক্ষেত দেখতে পাবে, সেই ক্ষেত বায়ে রেখে বরাবর দক্ষিণ মুখে চলে যাবে, বুঝেছ ? তা হ'লে আসি বন্ধু—

রঞ্জন । তাই যাব, বরাবর দক্ষিণ মুখেই যাব, যতক্ষণ না চিত্রগুপ্তের দপ্তরখানায় পড়ি ততক্ষণই যাব । তুমি আমাকে বন্ধু বললে যে ?

মুক্তি । শীগগির শীগগির আমাদের ত্যাগ ক'রবে বলে— বন্ধুত্ব পাতিয়ে ত্যাগ করছি—না তোমাদের ব্যবসা ।

রঞ্জন । আমি ত তোরে ত্যাগ করিনি, সেই বরং আমার ত্যাগ ক'রেছে ।

মুক্তি । কে কারে ত্যাগ ক'রেছে, সে তুমি নিজেই জান ।—
আমি চল্লম ।

রঞ্জন । দেখ, তুমিই আমার ভার বহন ক'রতে, বাধা দিয়েছে ।

মুক্তি । তুমি শুনলে কেন ?

রঞ্জন । তুমি নিষেধ না ক'রলে আমি ঘাসের বোকা মাপাখ ক'রে আনতাম ।

মুক্তি । আনতে, শাস্তি লাভ হ'ত ।' সে ছুঃখ এখন ক'রলে ত আর চলবে না । আমি দাঁড়াতে পারি না বন্ধু—

রঞ্জন । যথার্থই আমি কপট মিত্র—কিন্তু মুক্তি—

মুক্তি । কি বন্ধু ?

রঞ্জন । দেখ মুক্তি !

মুক্তি । কি দেখব বন্ধু ?

রঞ্জন । শোন মুক্তি ।

মুক্তি । কি শুনব বন্ধু ?

রঞ্জন । দেখ আমি শাস্তি চাইনা ।

মুক্তি । বেশ, তবে পথে পথে বেড়াওগে আর হায় হায় করগে ।
আসি তবে, নমস্কার বন্ধু !

রঞ্জন । দেখ আমায় বন্ধু বন্ধু ক'রোনা ।

মুক্তি । তবে কি প্রাণেশ্বর প্রাণেশ্বর ক'রব ?

রঞ্জন । কেন আমি কি তোর প্রাণেশ্বর নই ?

মুক্তি । হাঃ হাঃ হাঃ—এ পাগল নাকি ? এ তামাসার কথা কারে বলিগা । এখানে যে কেউ নেই । হা হা হা ! ও প্রিয়জুলতা ! ও ভাই শোন, এ পাগল বলে কি শোন, এ আমার প্রাণেশ্বর ! সহকার-সোহাগিনী মাধবি ! শোন ভাই শোন, একটা পাগল আমার প্রাণেশ্বর ! মালতি মালতি ! আপনার মনে সমীরণ সঙ্গে কি বলাবলি ক'রছিস ? একটা মজার কথা বলি শোন, একটা পাগল আমার প্রাণেশ্বর ! দূর হ'ক ছাই আর যে কেউ নাই আর কারে একথা বলি ; যাই চ'লে যাই, যারে পাই তারেই এই কথা বলিগে—

রঞ্জন । যাবি কোথায়, তিন লতাকে সঙ্গী ক'রে ত্রিসত্য ক'রে বলি, এই মিত্রদ্রোহী বিশ্বাসঘাতক তোর প্রাণেশ্বর, এখন আমার ছকুম না নিয়ে যাবি কোথা ? মুক্তি, চরণে ধরি আনায় ক্ষমা কর—
আমি আর যাবার কথা মুখে আনব না ।

(জরন্তর প্রবেশ)

জরন্তরী । বলি ও মুক্তি ! তোকে ব'ল্লেম কি—বল্লেম ন রঞ্জনকে সঙ্গে ক'রে যত শীগ'গির পারিস চ'লে আয় ।—দেখ বাছা, তোমার সখাকে তোমার খাতিরে এখানে আনলেম, কিন্তু তার

বিষম আবদার—সে কিছুতেই মানুষের মুখ দেখবে না। আমারি আশ্রমে মানুষের মধ্যে তুমি। একে অতিথি, তায় ক্ষুধার্ত। ছাড়ি কেমন ক’রে? কাজেই তোমাকে ভূত হয়ে তোমার সখার অভ্যর্থনা ক’রতে হবে। আর বিলম্ব ক’রোনা শীগ্গির যাও—আমি চলেম। তোমার সখা পাগলের পাগল—তিনদিন অনাহারে বনে ক্রম গুরেছে, সেই অবস্থায় আমার বোঝা ঘাড়ে ক’রে এনেছে, আনাকে কিছু বুঝতে দেয়নি। তার মতলব ভাল নয়, আর একটু হ’লেই আনাকে এই বৃদ্ধ বয়সে নরহত্যার পাপভাগিনী ক’রত। যাও, তারে উপ-যুক্ত শাস্তি দাও। সে আর মানুষের উপর ঘৃণা না করে, এমন উপায় কর। এ আশ্রমের যে যেখানে আছে, সবাইকে ছদ্মবেশে থাকতে আদেশ দাও। তুমি হও ভূতের রাজা, আর এই বেটী হ’ক পেদ্রীর রানী। যাও বিলম্ব ক’রোনা, শীগ্গির যাও। এই নাও, এই পেদ্রী নাও। এই পেদ্রী নিয়ে তোমার ছুষ্ঠ সখাকে উচিত নত শিল্প দাও।

[প্রস্থান ।

রঞ্জন। অতঃপর ?

মুক্তি। অতঃপর আবার কি ?

রঞ্জন। এইবার—

মুক্তি। কি ? এইবার কি ?

রঞ্জন। এইবার কি হয় ?

মুক্তি। কি হবে ?

রঞ্জন। এই দেখনা।

(গীত)

- রঞ্জন ।— আমি এই চললুম,
 মুক্তি ।— আমি এই ধরলুম,
 রঞ্জন ।— ছি ছি ছি করলি কিলো সৰ্ব্বনাশী ।
 মুক্তি ।— যেতে হয় যাওনা চলে আমিত তই ঙ্গলবাসি ॥
 রঞ্জন ।— তাহ'লে বামন বলে এই বাড়ালুম পা,
 মুক্তি ।— আমারও শয়নকালে পদ্মনাভ মাটি মাটি গা ।
 রঞ্জন ।— জ্বাহাহা পড়ে ষাষে,
 মুক্তি ।— ছুটনা হৌছুট পাবে,
 আলায় কে মরবে জ্বলে বল দেখি তা ?
 রঞ্জন ।— তাইতেত পা চলেনা, মন সরেনা, বল না হয় ফিরে আসি ।
 মুক্তি ।— কি বলব বুঝতে নারি, কাজ কি অপিজলে ভাসি ॥

[উভয়ের প্রস্থান ।

চতুর্থ দৃশ্য ।

অধিত্যকা ।

(চঞ্চলা ও শান্তি । দূরে অধিত্যকা শিখরে প্রমোদ আসীন ।)

চঞ্চলা । আমি উঠতে বসে উঠবি, বসতে বসে বসবি ।

শান্তি । আচ্ছা ।

চঞ্চলা । আর কারও কথা শুনবিনি ।

শান্তি । না ।

চঞ্চলা । আমি যে কথা বলতে বলব, সেই কথা বলবি ।

শান্তি । আচ্ছা ।

চঞ্চলা । যে গান গাইতে বলব, সেই গান গাইবি ।

শান্তি । আচ্ছা ।

চঞ্চলা । তা হ'লে এই শিলার উপরে ব'স । (শান্তির উপ-
বেশন) চারিদিকে চেয়ে দেখ, কি দেখতে পাচ্ছিস ?

শান্তি । কিছু না ।

চঞ্চলা । উপরে ?

শান্তি । চাঁদ ।

চঞ্চলা ! তার পাশে ?

শান্তি । চিত্রা । ~

চঞ্চলা । তার পাশে ?

শান্তি । মেঘ ।

চঞ্চলা । তার পাপে ?

শান্তি । আবার মেঘ ।

চঞ্চলা । দেখতে কেমন ?

শান্তি । যেন পদ্মফুল !

। তার উপর—

শান্তি । ঠিক যেন আমি ।

চঞ্চলা । তার পাশে—

শান্তি । কই ! আহা ওকি—কি সুন্দর ! ও কোন দেবতার
মূর্তি ।

চঞ্চলা । ওটা মর্ত্তস্থ কোন আনন্দময় পুরুষের ছবি । শুনেছি
তার নাম প্রমোদ কুমার । মেঘের গায় তার প্রতিবিম্ব পড়েছে ।

শান্তি । আহা সে আমন্দময় পুরুষ কোথায় চঞ্চলা ?

চঞ্চলা । চূপ কর, গোল করিস্নি । অপেক্ষা কর, তাকে

দেখতে পাবি । নে পায়ের উপর পা দে, পদ্মফুল নে, ঘোরা, নাকে
ধর, ঐ ছবির পানে চেয়ে থাক্ । আমি যাব আর আসব—সাবধান,
আর কারও কথা শুনিসনি ! (প্রস্থান)

শান্তি । আহা ! কোন্ মনোমোহন পুরুষের এ সুন্দর ছবি !
ও ছবির পু'শে ঠিক যেন আমি । ওখানে যদি আমি, তবে এখানে
আমি নই কেন ?

(চঞ্চলের প্রবেশ)

চঞ্চল । সর্বনাশী চঞ্চলা রূপ দিয়ে মানুষ ভোলাতে এসেছ ?
জগন্মোহিনী মূর্তিতে শান্তিকে সাজিয়েছ ? রূপে ভোলে না কে ?
স্বয়ং যোগিরাজ মহেশ্বর মোহিনী মূর্তি দেখে উন্মাদের মত তার
পাছু পছু ত্রিভুবন ছুটে বেড়িয়েছিলেন । ভয়ঙ্করী অসিতবরণা
খড়্গধরা নৃসিংমালিনী মূর্তি দেখিয়ে যদি তারে ভোলাতে পারিস,
তবে'না তার পরীক্ষা (শান্তির নিকটে গিয়া) এই ওঠ ।

শান্তি । যাঁা উঠব কেন ?

চঞ্চল । আমি জবাব দিতে আসিনি ।

শান্তি । চঞ্চলা আমায় যে উঠতে বারণ ক'রে গেছে ।

চঞ্চল । চোপ্ (হাত ধরিয়া) উঠে পড় উঠে পড়, নে ফুল
ফেলে দে । খাঁড়া ধর ; বেশ, জিব বার কর ।

শান্তি । কেন ?

চঞ্চল । দেখ, কথা কাটাচ্ছিস, জিব টেনে বার ক'রব ।
(শান্তি তথাকরণ) ওকি জিব ? ওষে নোলা ! যাক্ ঐ যথেষ্ট ।
থাক্চিস থাক্চিস আকাশে পানে চাক্চিস কি ? ওত ছায়া, দেখতে
দেখতে গ'লে যাবে—নীচে দেখ্ ।—দেখ্ দেখি কে ব'সে
আছে !

শান্তি । ঝ্যা ! ও কি দেখলুম ! চঞ্চল—চঞ্চল আমার ধর—
আমার গা কাঁপছে ।

চঞ্চল । আর ধ'রতে হবে না—পালা ।

[শান্তির প্রস্থান]

ও নীচের-চাঁদের-পানে-চাওয়া বঁধু, হৃদের দিকে আর দেখছ কি ?
ওদিকে আর কিছু নেই, একবার এদিক পানে চেয়ে দেখ (সুখ
বিকৃত করণ ও প্রমোদের অন্তর্ধান) যা বাবা ! বঁধু ভাগলো ।

(প্রস্থান)

(চঞ্চলার প্রবেশ)

চঞ্চলা । আজ তারই একদিন কি আমারই একদিন ! তার
দুঃখপাত ক'রব, তবে ছাড়ব ।——তবেরে হতভাগা, আমার এত
চেষ্টা পণ্ড ক'রে দিলি !

চঞ্চল । ঝ্যা—কেও চঞ্চলা ?

চঞ্চলা । তোমার যম ।

চঞ্চল । চঞ্চলা—বড় কষ্ট !

চঞ্চলা । আবার কষ্ট কি ?

চঞ্চল । চঞ্চলে—চঞ্চলে ! আমি মরি ।

চঞ্চলা । সে কি ! ওকি কথা ! ওকি চঞ্চল ! কি হ'ল চঞ্চল !

চঞ্চল । এই দেখ আমার কি দুর্দশা হয়েছে । এই দেখ
মাথায় হাত দিয়ে ।

চঞ্চলা । উঃ—আগুন !

চঞ্চল । এই দেখ পেটে হাত দিয়ে ।

চঞ্চলা । উঃ—ঠাণ্ডা—

চঞ্চল । এই দেখ গালে হাত দিয়ে ।

চঞ্চলা । উঃ—কিছু ঠাওর ক'রতে পারছি না !

চঞ্চল । তবে এই দেখ গালের ভেতর ।

চঞ্চলা । উঃ—জল জল ! (চঞ্চল কৰ্ভুক অঙ্গুলি দংশন) উহ
উহ !—আমার অঙ্গুল কেটে নিলি !

চঞ্চল । এই দেখ, তোকে একদণ্ড মা দেখে আমার ঘাড়
লটকে প'ড়ছে ।

চঞ্চলা । তবেই পোড়ারমুখো, আমাকে তামাসা !

চঞ্চল । তবেই পোড়ারমুখী, আমার ঠাণ্ডা মাথা তোমার
হাতে আগুন ঠেকল !

চঞ্চলা । বল্ কি ক'রলি ।

চঞ্চলা । তোর একার কাজ নয়—আমায় সঙ্গে নে ।

চঞ্চল । তুই আমার কাজ পণ্ড করলি কেন ?

চঞ্চলা । রূপে ভুলে প্রমোদকুমার কেন, জন্তুকুমার আসে ।
আর কোনও রকমে পারিস্ ত আন্ । নইলে এনে কাজ নেই ।

[প্রস্থান]

পঞ্চম দৃশ্য ।

উদ্যান ।

চঞ্চলা ও শান্তি ।

শান্তি । ও বাবা এত বড় নাক—না ভাই, আমি কিছুতেই
মুখস পরতে পারব ন্যু ।

চঞ্চলা । আরে পাগল ! পেঙ্গী না সাজলে ভূত বশ হবে
কি ক'রে ।

শান্তি । সে আপন মনে স্বাধীন ভাবে বেড়িয়ে বেড়াচ্ছে, তারে বশ করবার প্রয়োজন কি ।

চঞ্চলা । সহজেই যে জন্তুটা পোষ মানে, আর পোষ মান-লেই যদি গেরস্তর উপকার হয়, তবে তারে বুনো রাখবারই বা দরকার কি ? নে আয়, অমন একটা জন্তু বশ ক'রতে পারলে অনেক কাজ দেখবে ।

শান্তি । আমি যাবনা, যা' ।

চঞ্চলা । তবে যা' করে ব'সে থাকুগে । দেখিস্ যেন সে ভূতের নজরে পড়িসনি—তা হ'লে একেবারে, হাড়গোড় চিবিয়ে থাকবে ।

শান্তি । না বেরুব না—আমি যাই—

(প্রস্থান ।)

(রঞ্জনের প্রবেশ)

চঞ্চলা । কিগো—কি হ'ল ? কি ক'রছে দেখলে ?

রঞ্জন । তড়াগ দেখে তার শোভার নেশায় সখা বৌদ হয়ে ব'সে আছে—একবারে বাহুজ্ঞান-শূন্য । তার স্মৃথ দে পাঁচ-বার যাতায়াত ক'রলেম, দেখতে পেলেনা । মাথায় এককাঁড়ি ফুল ফেলে দিলেম, সাড় হ'ল না । তারে উঠিয়ে আনবার কি হবে ?

চঞ্চলা । তোমায় যখন সে দেখতেই পারে না ভাই, তখন তুমি গেলে হবে কি—এই দেখ আমি তারে তুলে আনি ।

রঞ্জন । তাই আন—আর বিলম্ব ক'রোনা—আমিও সেজে গুজে ঠিক হয়ে থাকিগে ।

[প্রস্থান]

শান্তি । বটে, তোমরা তাকে কষ্ট দেবার ব্যবস্থা করছ !
তবে রস, তাকে আগে থাকতে সাবধান ক'রে তোমাদের সব কাজ
পাও ক'রে দিই ।

(গীত)

ভাল যদি বাস হে সখা !
দূরে থাক সরে সরে দিওনা দেখা ॥
দূরে হ'তে সে বড় ভাল,
অধরে বৈধেছে হাসি ভুবন আলো ,
চকল নয়নে তার অমিয়ু সখা ॥
গওহে রওহে দূরে, এ ভাল দেখিয়ে তারে,
কাছে পেলে টান অধা নয়—
প্রেম কি প্রমোদ সখা সকল সময় ।
মিকটে তরঙ্গ, দূরে রজত রেখা ॥

(স্মৃতির প্রবেশ)

স্মৃতি । ও বাঁদর মেয়ে ক'রলি কি ? পালা পালা, ঐ দেখ্
এই দিকেই ছুটে আসছে ।

শান্তি । বাঁ্যা কই—কই সখি !

স্মৃতি । ঐ যে সখি, প্রাণ ভরে দেখছ, তবু দেখছ, কি না
দেখছ বুঝতে পারছনা ?

শান্তি । সখি তোমার হাতে ধরি, আর কষ্ট দিওনা ।

স্মৃতি । কাকে ? তোমাকে, না ছরগু পথিককে ? আরে
দূর, কথা কইতে কইতে এসে পড়ল যে । পালা পালা ।

[উভয়ের প্রস্থান ।

(প্রমোদের প্রবেশ)

প্রমোদ । আহা কি শুনলেন ! কে গাইলো ? এই যে শুন-

লেম, কই গান—কোথা গান ? আহা কি সুন্দর ! চ'লে যায়,
ও কি সুন্দর ! আহা ! একি ? না না—তাইকি ? (চক্ষু মুছিয়া)
না—না ; ওকি ?—ওকি মূর্তি ! ও বাবা, ওকি ভয়ানক মূর্তি !
এ যে 'আহা' নয়গো, এবে 'বাবাগো মাগো !' ওরে বাবারে এই
দেখতে ছুটে এলেম—এর চেয়ে যে মৃত্যু সুন্দর ! এই দিকেই
আসে যে—এল যে—কোথায় যাই । ও বাবা কোথায় লুকোবো !
(অন্তরালে গমন)

(প্রতিনি মূর্তি ধরিয়া গিরিবালিকাগণের প্রবেশ)

গীত ।

হিলি হিলি হিলি হিলি কিলি কিলি কিলি কিলি হাঁই হাঁই হাঁই ।

ক্ষিদেয় যাই ক্ষিদেয় যাই ॥

ওয়াক হেউ ওয়াক হেউ, মানুষ ধরে আনিলা কেউ,
পেট করে চোঁ চোঁ কাণ করে ভোঁ ভোঁ প্রাণ করে আইচাই ॥

হাঁউ মাউ খাঁউ মানুষের গন্ধ পাউ,

চুড়্, বুড়্, চাঁই চুড়্, বুড়্, চাঁই, চারে এসে মারবে যাই,

আয় আয় আয় আয় ধরে খাই ॥

(প্রস্থান)

প্রমোদ । ওরে বাবা ! একি ভয়ঙ্কর ব্যাপার ! সর্বনাশ !
এ কোথায় এলেম ? মানুষের উপর রাগ ক'রে ভূতের দেশে এসে
পড়লেম ! এখন যাই কোথা—করি কি ? এমন ক'রে ঠকঠক
ক'রে কাঁপব ? কাঁপলে ত সুবিধে হবেনা—কাঁপলে ত প্রাণ
বাঁচাতে পারবনা । আসবে, আর অমনি পুঁটীমাছটির মতন
ঝরে নিয়ে যাবে—শালার ভূতকে একটা কামড়ও মারতে পারব

না ! তা হবেনা—তা হচ্ছেনা, শালার ভূতের সঙ্গে লড়াই দিতে হবে ! কেঁপে কি ক'রব।—ভূতের দেশ ! ভূতের দেশ এত সুন্দর ! কি চমৎকার ! কি সুন্দর !—গোলাপের পাশে বেলা, বেলায় ঘাড়ে অতসী, আর সবাইকে জড়িয়ে অপরাজিতা ! কি সাজানই সাজিয়েছে ! বাবা ও আবার কিরে ! ও যে পদ্মকুলের ঝাড়রে ! বলি হাঁ কমলিনি ! পুকুরে যখন থাক, তখন তোমার নেকামি দেখে হাড় জরজর হয়ে যায় ! চাঁদের যদি একটু হাওয়া লাগিল ত অমনি সান্নিপাতিক ধ'রল, কাছে গিয়ে যদি একটু গাভাসান দিই ত কেঁপে অস্থির, আর ঝাঁপাই বুড়ি ত অমনি অভিমানে আছড়া-পিছড়ি । আর এই ভূতের দেশে, এই ডাইনীবেটার বাড়ী পাথর ফুঁড়ে বেরিয়েছ—কাঁড়ি কাঁড়ি হিম থাচ্ছ, চাঁদের কিরণে মাথা-মাখি হ'চ্ছ, আর আমাকে দেখে ছলছ আর হাসছ । আরে ছি কমলিনি ! আরে ভাই নলিনি, এ আবার কি—ভ্রমরকে না দেখে যে দীর্ঘনিশ্বাস ঝাড়ছ । গিরিশিখর-শোভিনি ফুলরাগি, কাঁদ কেন ভাই—কান্না দেখলে যে আমার মন কেমন করে ভাই !—ওরে বাবারে ! একিরে ! এবে পদ্মগোখরোর ঝাড়রে । ও বাবা কি কুলোপানা চক্র ! থেরেছিল আর কি ?—আরে ছি কমলিনি, দূর থেকে ধপ্ ধপ্ আর কাছে গেলেই দাঁস । তোর কোমল প্রাণের কাঁথায় আগুন ।

(অগ্রসর)

(জয়ন্তীর প্রবেশ)

জয়ন্তী । হাঁ হাঁ করছ কি, সাপের মুখে বাচ্ছ কেন ? এখনি যে খেয়ে ফেলেছিল ।

প্রমোদ । হাঁ হাঁ ক'রলে কি, ক'রলে কি ? শুভকর্মে বাচ্ছিলেম, পিছু ডাকলে কেন ?

জয়ন্তী । সাপের কাছে শুভকর্ষ কি—তুমি পাগল নাকি ?

প্রমোদ । কাজেই—যে কাজটা লোককে বোঝাতে বড় সুবিধে হয়না, সেটা ক’রলেই লোকে পাগল বলে । বলি যার হ’ক একজনের পেটে ত যেতে হবে । তবে তোমার পেটে গেলে বৃন্দাবন ঘাওয়ার ফল, ওদের পেটে ব্যাসকাশী, তফাতের মধ্যে এই । তোমার পেটে ঢুকলে চতুর্ভুজ আর ওদের বেলায় চতুষ্পদ, এক জায়গায় পাঞ্চজন্ম শাঁক পৌঁ পৌঁ, আর এক জায়গায় গাধার ডাক গাঁ গাঁ । তা হাঁ ভাইনো মাসী, এমন ক’রে হেসে খেলে বেড়াব কত ক্ষণ ? যাহ’ক একটা গতি করনা ।

জয়ন্তী । অত তাড়াতাড়ি ক’রলে চ’লবে কেন বাছা ! সকল কাজের সময় অসময় ত আছে ।

প্রমোদ । খেতে যদি চাস ত এমন সময় আর পাবিনা । রক্ত ত দেখতে দেখতে জল হ’ল ব’লে । দেহের মাংস থাকে না থাকে হয়েছে । শেষে যে কোগলা দাঁতে ছ’ একখানা হাড় চিবিয়ে ভাইনী-জীবন ধ্বংস করবি, তাও হ’চ্ছেনা । সহচরের কথা ছেড়ে দে, তোর সহচরীকে আর একবার দেখা দিলেই—সে হজমি-গুলি রূপের ঝাঁঝে আমি কায়মনোবাক্যে উপে যাব । শেষে তুইও হায় হায় ক’রে মরবি, আমিও লজ্জায় ম’রে যাব ।—ভাল কথা ভাইনীমাসী, তোর মেয়েটাকে একবার দেখতে পেলেম না ?

জয়ন্তী । তাহ’লে একটু ব’সো, দাঁড়িয়ে দাঁড়িয়েই রইলে যে ।

প্রমোদ । যে কচি কচি ঘাস এনে দিয়েছি, তাই খুব খাচ্ছে আর জাবর কাটছে, না ? একবার যে এসে আমার সঙ্গে দেখা করবে, তার সাবকাশ পাচ্ছেনা ।

জয়ন্তী । আর দেখবে কি বাছা, সে বড় কুৎসিত । তুমি এমন সুন্দর, তোমার কাছে লজ্জায় আসতে পারছেন না ।

প্রমোদ । ডাইনীরা মেয়ের লজ্জা আছে ?

জয়ন্তী । সে বড় লজ্জাশীলা ।

প্রমোদ । আ সৰ্ব্বনাশ ! কবিরাজ দেখা, কবিরাজ দেখা—
ডাইনীরা লজ্জা ভয়ানক রোগ—বাঁচিয়ে রাখা ভার হবে । শীগ্গির
একটা পাচক ওষুধ খাইয়ে দিগে যা, যাতে লজ্জাটা হজম হয়ে যায় ।

জয়ন্তী । তুমি একটু অপেক্ষা কর, আমি তারে ধরে নিয়ে
আসছি । কিন্তু পাছে বাছা তুমি তারে দেখে ঘেঁষা কর—আমি
মা, আমার যে প্রাণে ব্যথা লাগবে ।

প্রমোদ । তবে কাজ নেই মাসি !—কি জানি আলাগা প্রাণ,
তোরা মেয়ের মুখ দেখে যদি খুলে যায়, তাহলে অনর্গল কতকগুলো
কি ব'লে ফেলব—কি হয়ত প্রাণটা বেরিয়ে যাবে—না কাজ
নেই, দিন কতক থাক থাক—আমার চুলকটা পাকা, আর দাঁত-
কটা পড়া পর্য্যন্ত অপেক্ষা কর, ততদিনে আমি চিত্তসংযমটা শিক্ষা
ক'রে নিই !

জয়ন্তী । তবে আমি তাকে আসতে বারণ ক'রে আসি ।

প্রমোদ । আচ্ছা, আনি আন, একবার চোক কাণ বুজে
দেখে নিই । তার লজ্জা আছে, ঠিক জানিস্ ত ?

জয়ন্তী । মিছে কথা কয়ে লাভ কি বাছা !

প্রমোদ । তবে আনি । কি রকম লজ্জা বল দেখি, আমার
মাথাটা খেতে একটু ইতস্ততঃ ক'রবে কি ব'লতে পারিস ?

জয়ন্তী । ভাল, আমি আগে আনি, তার পর নিজেই দেখো !

(জয়ন্তীর প্রস্থান)

প্রমোদ । লজ্জাশীলা ! ডাইনীর মেয়ে লজ্জাশীলা ! না বাবা এ আমাকে না দেখিয়ে ছাড়লে না । লজ্জাটা এমনি জিনিষ—ডাইনী, তারেই যেন বোধ হচ্ছে একটা কি সুন্দর আবরণে ঘেঁরে রেখেছে । নারী যদি লজ্জাহীনা হ'ল তা সে অপ্সরা হ'ক না কেন, সে রাক্ষ-সীর আবুই-মা, পুরুষের বাবা,—তার মাথায় মার ঝাড়ু ! তার চেয়ে লজ্জাশীলা কুৎসিতা কদাকারা ডাকিনী শতগুণে ভাল । তবে আয় ডাইনীর মেয়ে, তোরে আমি প্রাণ খুলে দেখব, বুক ধড়ধড় ক'রে যদি মরেও যাই, তবু তোরে দেখতে ছাড়ব না । ঐ আসছে নাকি ? ও বাবা—ঐ নাকি ! না—না—ওটা ভূতের মূর্তি না ! আরে কেও সখা যে ? রঞ্জন—রঞ্জন !

রঞ্জন । এখনও বুঝতে পারলেনা, আমি রঞ্জন নই—রঞ্জনের ভূত ।

প্রমোদ । রঞ্জনের ভূত ! তবে কি রঞ্জন নেই ?

রঞ্জন । নেই,—সে তার নিষ্ঠুর সখার শোকে আত্মহারা হ'য়ে চারিদিকে ঘুরছিল, পথে তারে ডাইনীতে খেয়েছে ।

প্রমোদ । কি সর্বনাশ, সখা আমার নেই ! না ভাই মিথ্যা কথা, ছলনা, আমার সখা আত্মহারা হবে ! মিথ্যা কথা,—তুই সখা ; সখা—সখা !

রঞ্জন । সখা নই—সখার ভূত ।

প্রমোদ । তাহ'ক আয় তোরে আলিঙ্গন করি । সখার ভূত, আর ত কার ভূত ন'স, শীগ্গির আয়—ওকি যা'স যে ?

মুক্তি । হি হি আদর আর ধরেনা । উনি সখাকে পরিত্যাগ ক'রে তার ভূতকে আলিঙ্গন করবেন, আদর আর ধরেনা ।

প্রমোদ । ও বাবা এ আবার কেরে ! ওরে যাসুনি যাসুনি,

শোন, ও সখা সখা ! ওরে সখার ভূত ! ভাই তুই চ'লে গেলে আমার উপায় কি হবে ?

রঞ্জন । আমারও যা উপায়, তোমারও তাই । আমাকে একটা পেত্নী গছিয়ে দিয়েছে, তোমাকেও খাবে, আর একটা পেত্নী গছিয়ে দেবে ।

প্রমোদ । চলি, একান্তই চলি ? তবে দূর হয়ে যা । বলি আর একটা কথা শুন্বি ?

মুক্তি । না শুন্বেনা, ও তোমার কথা শুন্বে কেন ?
আবার ওকে মানুষ করতে চাও নাকি ?

প্রমোদ । ওরে বাবারে, তুই কেরে ?—দূর হ' দূর হ' ।
ওরে, বাবা কি কদাকার মূর্তিরে !—যা সখার ভূত তুইও দূর হয়ে যা । যে আত্মহারা হয়ে নিজের জীবন নষ্ট করে, সে আমার সখা নয়, পরম শত্রু—যা আর আমি তোরে মনে আনব না । নরাধম ! সামান্য অপদার্থ আমার জন্ত আত্মহত্যা করি, সুন্দর জীবনটাকে ভূতের মুখে সঁপে দিলি ! যা আর তোর নামও মুখে আনব না ।—তা বাহ'ক এখন করি কি ? সখার ভূত ব'লে অমনি অমনি ছেড়ে দিলে, কিছু ব'লে না । তার পর—এইবারে যখন আত্মগের বেটা ভূত আসবে—সে যে ধরবে আর লপ্ ক'রে গালে দেবে । শুধু কি তাই—খাবে, আর একটা পেত্নী গছিয়ে দেবে ।—ও বাবা ভাবতে গেলেই যে গন্ধ ছাড়েগো ।

নেপথ্যে । ও ভূত কমনে গেলি ?—ও ভূত !

প্রমোদ । না বাবা এইবারেই মাটি ক'রেছে ! একে শূন্য রশ, দশে শূন্য শ, শটকে সাঙ্গ হ' ।

(ছদ্মবেশে গিরিবালিকাগণের প্রবেশ)

১ম, বা । ও ভূত কমনে গেলি ?

প্রমোদ । ও বাবা এষে আবার বিষম বেয়াড়া রে !

২য়, বা । কইগো, ভূত কইগো—আমরা যে তাঁর বিরহে মরিগো ! (অগ্রসর)

প্রমোদ । এই—এই—আবার এগোয় !

২য়, বা । ওগো তুমি কেগো !

প্রমোদ । আমি তোমার বাবার বাবা তন্তু বাবা বাবার চতুর্কর্গ গো !

৩য়, বা । তবে কাছে যাব নাকিগো ! (অগ্রসর)

প্রমোদ । দেখ্ বেটী পেত্নী, তামাসা করছিনা—স্ত্রীলোক ব'লে মানব না—কাছে এলেই এক ঘুষো !

৪র্থ, বা । ঘুষো ? সেটা কিগো ।

প্রমোদ । সেটা চিরেতার সন্দেশ গো !

সকলে । ওগো তবে আমরা খাবগো !

প্রমোদ । এই—এই—ছুঁসনি, ছুঁসনি ।

সকলে । ওগো আমরা তোমাকে ধরব গো !

প্রমোদ । আয় তবে দেখি—তোদেরই একদিন কি আমারই একদিন । “অস্তি গোদাবরী তীরে জম্বলা নাম রাঙ্গসী ।

তস্তাঃ স্মরণমাত্রেণ বিশল্যা গর্ভিনী ভবেৎ ॥”

জম্বলা, জম্বলা, জম্বলা !

সকলে । ধর্ ধর্ ধর্ ।

[গ্রহণ ।

(বেশ পরিবর্তন)

(গীত)

ভালবাসার নিদানে ।

পালিয়ে যাওয়া বিধান বঁধু লেখা কোন খানে ॥

মুখ চেয়ে সে বসে বসে বছর করে পার,

একটীবার দেখতে প্রিয়ার চাঁদমুখের বাহার,

মাথায় তার ঝড় বয়ে যায় (তবু) চেউ খেলে প্রাণে প্রাণে ॥

হ'কগেনা সে চেরণদাঁড়ী, হ'কগেনা সৈ থাদা,

হ'কগেনা তার গলগণ্ড, হ'কগেনা পেটনাদা,

তবু প্রাণ হেঁকচ পেকচ তার টানে ।

বধু শুধু বসতে শিপেছে, দাঁড়িয়ে ওঠা এক পা হাঁটা ভুলে পিয়েছে,

মরণ সে তুচ্ছ করে ভয় কি আছে তার মনে ॥

তৃতীয় অঙ্ক

প্রথম দৃশ্য ।

উপত্যকা ।

প্রমোদকুমার ।

প্রমোদ । বলি হাঁ উপত্যকা ! এত সুন্দরী তুমি, তোমার
প্রাণ এমন কেন ? তোমার স্নুপ্তে কুলকুল, কাণে সোণার
ছল, মাথায় রূপোর চুল—তুমি পাথর কেন ? তোমার মাথার
উপর সোণার ফুল তোলা নীল চন্দ্রাতপ, তার বুকে ঐ সোণার
ছ

চাঁদ, তার আশে পাশে সমীরমাগরে ভেসে ভেসে উধাও
 যাওয়া তুলার রাশ,—স্বরধুনী রজত-তরঙ্গে নেচে নেচে সোণার
 কিরণে মাখামাখি—শৈলপাদমুলের প্রকৃতিসুন্দরী নীলাম্বরী—
 উপত্যকা ! তুই এত সুন্দর, তোর প্রাণে কোমলতা নাই কেন, বৃকে
 আঁধার কেন ? অতুল সৌন্দর্য্যমরি ! তোর কোলে আর্ন্তের
 আশ্রয় কই ? তোর বৃকে বাঘ, ঘাড়ে ভূত, তোর বিশাল কোলে
 নিশ্চিন্ত হয়ে মরি, এমন স্থান কই ?

(নেপথ্যে গীত)

বসেছিল বঁধু তটিনীকূলে ।

উদাস পরাণে সুনীল গগনে রেখেছিল ছুটি নয়ন তুলে ॥

প্রমোদ । আহা করে ! এ চাঁদের কিরণে আবার গান
 শ্রবণ করে ! আহা কি সুদাম্বর বর্ষণ ! ঐ সুধা-তরঙ্গিনীর কূলে
 বাই, আর ভয় পাই কেন ?

(নেপথ্যে পুনঃ সঙ্গীত)

আরে পেছী ! এমন গাইতে শিখলি কেন—গাইতেই শিখলি
 যদি ত পেছী হ'লি কেন ?—আর যে থাকতে পারিনা গা । এষে
 আমাকে হড়হড় ক'রে টানতে লাগল । -

(প্রস্থান ও পুনঃ প্রবেশ)

প্রমোদ । আরে মর ! বাতাসে গাইছে নাকিরে ! ছুটো-
 ছুটো ক'রে গানের পিছন পিছন এলেম, কিন্তু কই কে কোথায় ?
 আর দেখবই বা কারে ? কাণের কাছে বোঁ বোঁ ক'রছে, আর
 ঘেঁই ছাই চোখ মেলে দেখতে যাব, অমনি পেটের পীলে চমকে
 ঝবে । না—না—এবার তা বুঝি হবেনা । বলি ওগো ! তোমরা

কেগো ! একবার ফেরনা—বলি, একবার মুখখানা কি দেখতে পাইনা। যে মুখে এমন মিষ্টি গান, সে মুখ না জানি কেমন ? বলি ভাই, একবার চাঁদমুখখানা দেখাও, আমার চোখ রাহ নয়রে ভাই, দেখলে ক্ষয়ে যাবেনা। (নেপথ্যে হাস্য) ও বাবা ও বাবা ! নাগো ফিরে কাজ নেই। হয়েছে হয়েছে। (নেপথ্যে পুনঃ হাস্য) ওরে বাবা ! বুকের একখানা পাঁজরা খসে গেল যে, আরে ম'ল ঘুরে ঘুরে এ কোথায় এলেন ! ঐ না সেই ডাইনী বেটার বাড়ী ! আরে গেল, তাই ত—ঐযে সেই তড়াগ—ঐযে সেই আঙ্গুর লতার কুণ্ড, ঐযে কুঙ্কুমের মাঠ ! না বাবা ! মানুষের উপর রাগ ক'রে অনন্ত হৃদশা। মানুষ বিধাতার চমৎকার সৃষ্টি, তার উপর রাগ করা নয় ত বিধাতার অপমান করা। বিধতা ঠাকুর, এই বারটায় মাপ কর বাবা—মানে মানে আমায় দেশে পাঠিয়ে দাও। অন্ততঃ তোমার খাতিরে না হয় এবার থেকে মানুষকে ভালবাসব। ও বাবা ! একখানা মুখ যে—ফের যে—আবার ফের যে ! আরে বাপ—এষে থান থান মুখ বেরুতে সুরু ক'রলে ! দেখ্ শালীরা—এবারে এমন দৌড় মেরে পালাব যে, দৌড় দেখে হেসে হেসে ম'রে যাবি। না হ'ল না—এরা বড়ই বাড়াবাড়ি ক'রলে। তবে রোস শালীরা, তোদের বুজঝুঁকি ভাঙছি। (চক্ষুবন্ধন) নাও বাপ সকল ! এবারে কত বিধুবদন দেখাবে দেখাও দেখি !

(শান্তি, মুক্তি ও সখীগণের প্রবেশ)

• • • (গীত)

বসেছিল বঁধু তটিনীকূলে ।

উদাস পরাণে সুনীল গগনে রেখেছিল দুটী নয়ন তুলে ॥

শাথে শাথে পাখী ধরেছে গান,
 প্রাণের বঁধুয়া করেছে মান,
 সমীর লতায় বলে বলে যায়
 সর সর বঁধু পড়িবে ঢলে ॥

না বাবা এইবারেই মাটি ক'রেছে, ভূতে বা ক'রতে পারলে
 না, কটা পেত্নীতে প'ড়ে তাই ক'রলে। আমায় না চলিয়ে
 আর ছাড়লেনা! গানের ধাক্কায় মাথাটা যে বনবন ক'রে
 দূরতে লাগল। হ'লনা—দাঁড়িয়ে দাঁড়িয়ে আছাড় খাওয়াটার
 বড় স্মবিধে হবেনা। পেত্নী যখন চারে এসে ঘাই মারছেন,
 তখন ভূত নিশ্চয় অগম জলে আছেন। আছাড়টা যেমনি খাব,
 অমনি বেটারা খপ ক'রে এসে ঘাড়টা ধ'রবে। উঁ হুঁ হ'লনা,
 বসি। (উপবেশন)

সখীগণ। কিগো নাগর! চোথ খোলনা!

প্রমোদ। মাপ কর বাপধন, চোথ খুলতে হবে না।
 কাপড় ছিঁড়ে চোখের পরদা কেটে তারা ফুঁড়ে তোমাদের রূপের
 গিটকিরি ব্রহ্মরন্ধ্রে ঢুকছে, আমি বেশ দেখতে পাচ্ছি।

মুক্তি। দেখতে পাচ্ছ? আচ্ছা আমায় দেখতে কেমন বল
 দেখি।

প্রমোদ। আহা চমৎকার চমৎকার!

মায়া করি মহামায়া হইলেন বুড়ী।

ডানি কক্ষে ভাঙা নড়ি বাম কক্ষে ঝুড়ি ॥

ঝাকড় মাকড় চুল নাহি আদি সাদি।

হাত দিলে ধুলো উড়ে যেন কেয়া কাঁদি ॥

মুক্তি। কি ব'লে?

প্রমোদ । এই যে ব'ল্লভ, তোমরা মহামায়ার জাত, তোমাদের রূপ, ও বড় দেখে ঠাণ্ড হয়না । এই কি রকম জানলে—এই মনে করনা কেন—এই গণেশ ঠাকুরটী ।

“গণেশং স্বৰ্ণং স্থলতমং গজেন্দ্রবদনং লম্বোদরং”

কিন্তু বাবা! এত কাণ্ডকারখানার পর হ'ল কিনা “সুন্দরং”;—ও দেখে শুনে কোন শালা কখন বুঝতে পারেনি । যাও বাপদম সকল যাও, তোমরা সবাই সুন্দরী—বুড়ী, ছুঁড়ী, খেঁদী, কাণী, ঘোঁড়ামুখী সবাই সুন্দরী—যাও, হয়েছে ত, আমায় ভয় দেখান কাজ সারা হ'ল, ঘরে যাও, আমি ছদও ঝাঁপ*ছেড়ে বাঁচি ।

মুক্তি । হাঁগা ! তুমি কি আমাদের সত্যি সত্যি দেখতে পাচ্ছ ?

প্রমোদ । আরে ভাই চোখের মাথাই না হয় খেয়েছি—মনটা ত আছে, তোমাদের রূপ মনে একেবারে শেকড় গেড়ে ঘ'সেছে, এত চেষ্টা ক'রছি কিছুতেই তুমতে পাচ্ছিনা ভাই ।

শান্তি । হাঁগা ! তাহ'লে আমায় দেখতে কেমন বল দেখি ?

প্রমোদ । অহা একি ! কাণের ভেতর দিয়ে যে মিছরির চোটা ডেলে দিলে! না বাবা ! এইবারে শেষ, এতক্ষণ কোন রকমে প্রাণটা ধ'রে ধ'রে রাখছিলাম, এইবারেই দেখছি গুড়ের মাছি করলে ।

শান্তি । কি স্তাই চূপ ক'রে রইলে কে, বলেনা ?

প্রমোদ । কি বলে ?

শান্তি । আমি কেমন দেখতে ভাই ?

প্রমোদ । বা বা তুমি যে আরও বেশ গো ! তোমার পটোল-চেরা চোখ, পাণপানা মুখ, রাঙা রাঙা ঠোঁট, গালভরা হাসি, গলাভরা কাশি—অতি সুন্দর ।

মুক্তি । দেখ ভাই তুমি ঠিক ব'লেছ, এ অতি সুন্দর, এমন সুন্দর ভুবনে আর নাই । তুমি ওকে বে ক'রবে ?

প্রমোদ । ওয়াক—

মুক্তি । ওকি গো ! উকি তোলা কেন ?

প্রমোদ । ও কিছু নয়, বালক কাল থেকে হঠাৎগেটা অভ্যাস ক'রেছি জানলে ? তাইতে পেটের নাড়ী উগরে সময়ে সময়ে ধৌত ক্রিয়া ক'রতে হয়, উকি তোলা তার একটা প্রক্রিয়া । দেখ ভাই আগে-কথা-কওয়া সুন্দরি, তুমি রাগ ক'রো না ।

শান্তি । রাগ কার'উপর ক'রব ভাই, আর ক'রেই বা কি লাভ ভাই ।

প্রমোদ । দেখ ভাই পেত্নী, তামাসা ক'রছি না, তোরা কথাগুলি বড় মিষ্টি ।

মুক্তি । বল কি, আমার চেয়ে ?

প্রমোদ । আরে ভাই তোমার ও ত সাধা গলা । তবে কি জান ভাই, তোমার ও গলার মন্ব কালোয়াত না হ'লে ভাল বুঝতে পারবে না । আমার হয়েছে কি জান, সঙ্গীত শাস্ত্রটা ভাল জানা নেই, তাই তোমার ঐ বাজখাই শুনলে পাঁচজনের দেখাদেখি বাঁহবা দিতে হয় ।

মুক্তি । দেখ সাবধান হয়ে কথা ব'লো । জান তুমি কোথায় আছ ?

প্রমোদ । হাঁগা পেত্নী ঠান্দি, আমি তাহ'লে এখনও আছি ? কইগো, তুমি কোথা গেলে ? আমি যে তোমার একটা আধটা কথা শুনব ব'লে এখনও আছি ।

১ম বা । কার কথা বলছ গো ?

প্রমোদ । এই যে একটু আগে কইলে ।

২য় বা । কিগা, আমার কথা ব'লছ ?

প্রমোদ । তোমার কথা ত আগে বলা উচিত, কিন্তু কি ক'রব ভাই, এখন ত কোনমতেই পারলেম না ।

৩য় বা । তবে কি আমার কথা ?

প্রমোদ । কি ভাগ্য ক'রে এসেছি যে তোমার কথা আগে কইব ।

৪র্থ বা । তা হ'লে নিশ্চয় আমার কথা ।

৫ম বা । কখন নয়, আমার । . .

৬ষ্ঠ বা । হাঁ ওর বইকি, আমার—কেমন নয়গা ?

প্রমোদ । আরে ম'ল, এত ভারী জ্বালাতন ক'রলে—কইগো তুমি কোথা ? তোমার জন্তে যে পাঁচজনে পাঁচ কথা শুনিয়ে দিলে ।

শান্তি । কি ভাই, আমার কথা ব'লছ ?

প্রমোদ । হাঁ ভাই !—আহা ভাই তুই কি গলাই পেয়েছিস ?

কিন্তু হ'লে কি হবে ভাই—

মুক্তি । কেন ভাই, তোমার কি মন কেমন ক'রছে ।

প্রমোদ । তুই থাম্ আর জ্যাটাম করিসনি ; হাঁ ভাই মিষ্টি-কথা, তুই কত বয়সে ন'রেছিলি ?

মুক্তি । এই যেটের কোলে নিরেনকইএ পা না দিতে দিতে পোড়া যমের বুক অমনি চড়চড়িয়ে উঠল, একশ পৌছুতে দিলেনা ।

প্রমোদ । আহাছা বলে কি ! দাঁত কটা উঠতে সময় দিলেনা, একেবারে নাবালক অবস্থাতেই মেরে ফেলে ? পেছী ঠান্দি, তুমি কোন্ রাগ ক'রে যমের মাথাটা চিবিয়ে খেয়েছিলে, তোমার সে সময় ত বড় বড় দাঁত ছিল ।

মুক্তি । কি ! আমাকে এমন কথা, এতবড় আশ্পর্ক !

প্রমোদ । আশ্পর্ক যে তোমরাই বাড়িয়ে দিলে ধনমণি ! পেটে পুরলে এতক্ষণ আমি কোন্‌কালে কোন্‌ রাজার ঘরে জন্মাতেম, কত সমারোহ হ'ত, কত গরীব দুঃখী অন্ন পেত । তা ত আর ক'রতে দিলেনা । কেবল কাণার উপর চোখ রাঙিয়ে তোমরাও চোখের মাথা খেলে, আমাকেও ষাঁড়ের গোবর ক'রে রেখে দিলে । কি বলগো মিষ্টকথা, চুপ ক'রলে কেন ?

শান্তি । আমি আর কি বলব ভাই !

প্রমোদ । না হয় 'বারকতক 'কি বলব', 'কি বলব'ই বলনা ভাই ! এ প্রেমের চোল-কপাটী খেলায় আপ দাও কেন ?

মুক্তি । দেখ ভাই তুমি নিজ মুখেই স্বীকার কল্লে, এ আমা-
দের প্রেমের খেলা । আমরাও একথা স্বীকার ক'রে নিলেম ।
এখন তোমাকে আমাদের সঙ্গে যেতে হবে ।

প্রমোদ । সেধো ভাত খাবি, না হাত পোষ কোথা । বুঝেছ ঠান্দি, আমার প্রাণটা অনেকক্ষণ থেকেই যাব যাব ক'রছে, তবে নাকি এটা টিকটিকির প্রাণ, তাই যেতে যেতে যাচ্ছেনা, লাজে খেলছে ।

মুক্তি । নাও চল, আমি আর তোমার জন্ত সময় নষ্ট করতে পারিনা । (সাঁড়াশী দিয়া হস্তধারণ)

প্রমোদ । ও বাবা, সহসা আমার হাতে এটা কিসের আবির্ভাব হ'ল !

মুক্তি । এটা আমার হাতেরে গিনসে ! .

প্রমোদ ! বা—বা কি নরম কি নরম ! তা এমন তুলতুলে হাতটী কোথায় পেলে ঠান্দি !

মুক্তি । বিধাতা দিয়েছে, হাত আবার কে দেয় !

প্রমোদ । বিধাতা যখন এই হাতখানা গড়েছিল, তখন যদি ভাই তার গালে একটা ঠোনা মারতিস, তাহ'লে সে বেটা এমন সুন্দরী সৃষ্টির বেয়াদবি ক'রত না । উঃ ! ছেড়েদে ছেড়েদে, বড় স্ফুটুড়ি লাগছে ।

শাস্তি । হাঁ ভাই, আমাদের সঙ্গে চলনা ।

প্রমোদ । যাব ভাই, তবে এখনও আমার কাঁচা বয়েস, আর সংসারের কোন কাজ ক'রতে পারিনি ।

মুক্তি । বটে, কেবল তামাসা ! নয়ও'ওঠ ।

প্রমোদ । হাঁ হাঁ করিস কি করিস কি, ছাড়, ওরে চোখ বাঁধা, হোঁচট খেয়ে ঘাড়ে প'ড়ব । আরে, আরে, তোর এ কোমল হাতে বাখা লাগবে, বলি ও লোহার চাঁদ ! ছাড় ও ইম্পাতের চাঁদ !

(সকলের প্রস্থান)

দ্বিতীয় দৃশ্য ।

উপবন ।

রঞ্জন ও জয়ন্তীর প্রবেশ ।

জয়ন্তী । কিগো বাবা ! দাঁড়িয়ে দাঁড়িয়ে ক'চ্ছ কি ?

রঞ্জন । হাঁ মা, সখাকে আমার আর কষ্ট দিচ্ছ কেন ?

জয়ন্তী । দেখ বাপ রঞ্জন, পরোপকারার্থে প্রতিজ্ঞা ভঙ্গ

ক'রেছি, আর পরের ভার বহন ক'রতে ব'লে মনে ক'রেছিলেম তোমার সখা মানুষ। বড় ভুল বুঝেছি বাপ, বড় ভুল বুঝেছি ; দেখলেম তোমার সখার মনুষ্যত্ব নাই। রঞ্জন, বাপধন ! কেবল পণ্ডশ্রম হ'ল, আর বৃদ্ধি শাস্তিকে পাত্রস্থা ক'রতে পারলেম না।

রঞ্জন। সে কি মা ! আমার সখা যে দেবতা। পৃথিক মরু-ভূমে সখার রূপায় জল পায়, পথভ্রাস্ত গভীর নিশীথে স্থল পায়। দুর্ভিক্ষে সখা অন্ন, অনাবৃষ্টিতে জল, অতিবৃষ্টিতে স্থল ; সখা পুত্র-শোকাতুরের পুত্র, পিতৃহারার পিতা, অনাথের নাথ, নিরাশ্রয়ের আশ্রয়। পরের গুণ প্রাকৃত্য ঐশ্বর্য্য মান সমস্ত বিসর্জন দিয়ে সখা বনে এল, এমন সখা মনুষ্যত্বহীন ! বল কি মা ?

জয়ন্তী। তোমার সখা জীবকে ঘৃণা করে। জীবের উপর, বিশেষতঃ মানুষের উপর ঘাট ঘৃণা, সে কি মানুষ ?

রঞ্জন। মানুষে অনিষ্ট ক'রে তার উপকারের পুরস্কার দিয়েছে।

জয়ন্তী। ঘৃণাই যদি ক'রবে তবে তাকে মানুষের উপকার কে ক'রতে ব'লেছিল। এ সংসারে সকলেই কি পরের সাহায্য পায়। কতলোক যে তোমার আমার অসাক্ষাতে নিত্য কত মহা মহাবিপদে প'ড়ছে, তুমি আমি তাদের কি ক'রছি ? শেষে ঘৃণা ক'রব ব'লেই কি খুঁজে খুঁজে লোকের উপকার ক'রে আসব।

রঞ্জন। এটা দোষ বটে। তুমি দেবী, তুমি সখাকে যে চক্ষে ইচ্ছা দেখতে পার। আমি মানুষ, আমি কেন মা তাঁদের কোথা একটু কলঙ্ক আছে দেখতে সারা রাত জেগে চাঁদ দেখার স্বপ্ন নষ্ট ক'রব !

জয়ন্তী। তোমার সখার শতক দোষ, একটা কি ; তোমার সখা পরোপকার-প্রত্যাশী, বোর স্বার্থপর। মানুষে তাকে

ভক্তি করবে, শ্রদ্ধা করবে, মুক্তকণ্ঠে দশজনের কাছে স্থখ্যাতি ক'রবে, অসময়ে উঠে তাকে সাহায্য ক'রবে—এই সব ভেবে না তোমার সখা লোকের উপকার ক'রেছে !

রঞ্জন । না মা ! তুমি যত ভাবছ, সখা তত স্বার্থপর নয় ।

জয়ন্তী । তবে সে বনে এল কেন ? বলি তোমার সখা যেদিন হ'তে লোকালয় ত্যাগ ক'রেছে, সেদিন হ'তে কি দেশ থেকে দারিদ্র্য রোগ শোক বিপদ, সব উঠে গেছে ? আর কি ছেলের মা বাপ মরেনা, আর কি কুলবধু অভিভাবকহীনা হয়ে উদরামের জন্ত পথের ভিখারিণী হয়না ? সকল পথিক কি বিদেশে গেলেই স্থান পায় ? সকল রোগীই কি ঔষধ পায় ? আর কি কারও অভাব নেই ? দেশে রোগ, শোক, দুর্ভিক্ষ সকলই ত আছে, কিন্তু তোমার সখা কই ?

রঞ্জন । এখন যে সখার আর কিছু নেই, কি দিয়ে লোকের উপকার ক'রবে ?

জয়ন্তী । অর্থ নেই, তোমার সখার দেহ আছে । কেন, যা আছে তাতে কি মানুষের কাজ হয়না ? দেহে কি একটা জল-নগ্নেরও প্রাণরক্ষা হয়না, একটা ভূপতিত বালকও ওঠেনা ? নেই কি, তোমার সখার সব আছে, কেবল ইচ্ছা নেই—উপকারের শক্তি আছে, প্রাণ নেই ।

(প্রমোদকে লইয়া মুক্তির প্রবেশ)

আর একটা মহৎদোষ, তোমার সখা উপকার ক'রে, না ব'লে শ্রাকতে পারেনা ।

মুক্তি । চলতে চলতে আবার থমকে দাঁড়ালে কেন ?

প্রমোদ । চূপ করনা—চেষ্টাও কেন ?

মুক্তি। আমি কি তোমার জন্ত—

প্রমোদ। আবার ?

মুক্তি। তুমি কি আমাকে চাকরানী—

প্রমোদ। আবার—চেষ্টাও কেন ? কথা কইবে, মনে মনে কওনা।

জয়ন্তী। পথে আস্তে আস্তে “বেটী তোর এত ক’রলেম, বেটী তোর এত ক’রলেম” ব’লে সমস্ত পথটা ধমকেছে। কি বলব বাবা, তোমার সখা, আর তুমি নাকি বড় ভাল ছেলে, তাই তারে কিছু বল্লেম না, নইলে এই পুকুরের পাঁকে তারে পুঁতে রেখে দিতেম।

প্রমোদ। নে পত্নী, আমায় ফিরিয়ে নিয়ে চল্।

জয়ন্তী। কিগো বাছা ! আসছ ?

প্রমোদ। আর বাছাবাছি কাজ কি—এই না আমাকে পাঁকে পুঁতে রাখছিলি ? দে বেটী চোখ খুলে দে, আমি চ’লে যাই। ওরে সখার ভূত ! আমার সঙ্গে যা’স যদি আয়। আমি তোকে একটা ঝাঁকড়া বেলগাছ দেব ; তোর পেত্নী থাকে ত সঙ্গে নে, আমি তাকে ভাল দেখে একটা পাঁদাড়ি দেব।

মুক্তি। ওগো সে কোথায় গো !

প্রমোদ। তুই সখার পেত্নী ?

মুক্তি। তোমার সখার ভূত আমাকে ঐ কথাই ত বলে।

গীত।

রূপের গরবে গরবিণী।

(ছিন্ধু) নিজ মান লয়ে মানিনী ॥

আখির পালট উলটিয়া দেছে,

দেখেছে আনারে প্রেতিনী ॥

আছিহু মত্ত আপন গানে,
 কিংব দেখিনাই কারো পানে,
 পর আঁখি পরে রূপনিরন্তর কে জানে ;
 আমার ভেঙ্গেছে দন্ত টুটেছে মান,
 তার গেছে ছিঁড়ে নারব গান,
 দুঃপায় যেজন রেখেছে পায়, আমি তার চির অধীনী ॥

প্রমোদ । বটে ? তাইত ভাবছি, তোকে গালাগালি দিতে
 আমার এত আমোদ হচ্ছিল কেন । তুই আমার সখার পেত্নী ? তবে
 চল্ আমার সঙ্গে চল্, চল্ এ ডাইনী বেটীর নাড়ী থাকিসনি ।

জয়ন্তী । কেন বাঁছা, হঠাৎ এমন রাগ হ'ল কেন ?

প্রমোদ । রাগ হবে না ! সখার ভূতের কাছে আমার নিন্দে
 করছিস, রাগ হবেনা । বেটী তোর এত করলেম তা আবার
 বলছিস কি ? উপকার করিনি ? উপকার ত করেইছি—একটা
 হাতীর বোঝা ঘাড়ে করেছি । সমস্তদিন পথের ব'সে মানুষ
 মানুষ ক'রে চৌচিয়ে মলি, কই কোন বেটা এল ? বেটীর মেয়ের
 ফাঁড় বোজাতে এককাঁড়ি ঘাস আনলেম, এখন নিন্দে করা হ'চ্ছে !

রঞ্জন । বলি হাঁ সখা, তুমি যে লোকের উপকার কর, সেটা
 তোমার মনে থাকে ?

প্রমোদ । বিলক্ষণ মনে থাকে । থাকে ব'লে থাকে ! পেত্নী
 সখি, তোরে আর কি ব'লব, সেগুলো আবার লোকের আচরণে
 বুকে উঠে কামড়ায় ।

রঞ্জন । হাঁ রঞ্জনের সখা, তুমি সেগুলো ভুলতে পারনা ?

প্রমোদ । তুমি যে সখার ভূত, এতদিন পরে তা বিশ্বাস হ'ল ।

রঞ্জন । কেন, ভুলতে চেষ্টা ক'রলে কি ভোলা যায়না ?

প্রমোদ । আরে পাগলা ভূত, আমি নিজেই যদি ভুলতে পারব, তাহ'লে চোরের উপর রাগ ক'রে ভুঁয়ে ভাত খাব কেন ? তাহ'লে দেশের মানুষ দেশে থাকতেন ; মানুষের জন্ত যে দেহ ধারণ, সে দেহ মানুষের কাজেই লাগিয়ে রাখতেন ; দস্যু চোর নরঘাতক সবার দাসত্ব করতেন । আমার কি করলে না করলে দেখতেন ? কি বলিস ডাইনি মাসি ! মনে মনে উপকার জ্ঞান যদি নাই হবে, তাহ'লে তোর ঘরে এসে আমার এত লাঞ্ছনা ! বোঝা ঘাড়ে করিয়ে এনে কি পুরস্কার দিলি ? নির্ভরতায় মানুষকে হারালি, পাহাড়ে তুলি, এত বড়—এত বড় হাঁ দেখালি, এমন এমন দাঁত দেখালি, এই উটের কুঁজের মতন নাক, এই ভাঁটার মতন চোখ, এই জ্বালার মতন পেট, বাকী রাখলি কি ? যেমন আসা অমনি মুহূর্তের জন্ত না দাড়িয়ে যদি এ স্থান ত্যাগ ক'রে চ'লে যেতেন, তাহ'লে এ অতিথি-সংকার কেমন ক'রে করতিস রান্ধসি ! কিরে বেটা, বাকরোধ হয়ে গেল নাকি ।

জয়ন্তী । সমস্তার কথা বটে ।

প্রমোদ । কেন, সমস্তা কেন ? তুই বেটা অঘটন ঘটতে পারিস, ভূত নাচাতে পারিস, আর আমাকে ভুলিয়ে দিতে পারিসনা । দেনা বেটা আমাকে ভুলিয়ে । আমি মানুষের উপকার করি, আমার মনে হয় কেন ? আমি তার দাস—ঋণী, এ জ্ঞান আমার হয়না কেন ? ডাইনী মাসি ভুলিয়ে দে, খাবার সময় মানুষের সঙ্গে তার স্মৃতি তোর উদরসাগরে ডুবিয়ে দে । ইচ্ছা ক'রে পুত্রশোক কোন্ বেটা মনে রাখতে চায় বেটা ? আমার কি সাধ, আমি পথে পথে বেড়াই । আমার সকল ছিল, —চারিধারে সোণার রাজত্ব ছিল, আশে পাশে আত্মীয় ছিল,

যুঁকে সঁখা ছিল, সে সব ফেলে কেন আমি পথে পথে, বনে বনে,
প্রান্তরে প্রান্তরে, তোর এই ডাইনীর ঘরে চোখ-বাঁধা বলদের
মত নিষ্ফল পরিশ্রমে ঘুরে বেড়াই। দে বেটী দে ; আবার
উপকারের কথা স্মরণ করিয়ে বলি, দে বেটী দে ; তোর ঘাসের
বোঝা ঝুয়ে এনেছি, হাত ধ'রে তোরে পাহাড়ে তুলেছি, আবার
বোঝা বইব, তোর দাসত্ব ক'রব ; দে বেটী দে আমায় ভুলিয়ে দে ।
জয়ন্তী । ভাল, নিয়ে আয় দেখি বাছাকে, দেখি ভুলুতে পারি
কি না ।

প্রমোদ । রহস্য করছি না, আমি তো'র পাগলা ছেলে,
আমার একটা গতি কর । আমার একটা উপায় না হ'লে এট
যেমন আছে তেমনি রইলেম, আর চোখ খুলে চারিদিকে দ্রাশ্য
বিভীষিকা দেখব না ।

জয়ন্তী । তবে এস, আমার সঙ্গে ।

[সকলের প্রস্থান ।

তৃতীয় দৃশ্য ।

ভাগীরথী-তীরস্থ প্রমোদ-কানন ।

শান্তি ও সখীগণ ।

গীত ।

ফুটেছে পাকুল চাঁপা চামেলি জাতি ।

ফুটেছে গোলাপ বেলা যুঁথি মালতি ॥

আজিকে ফুলের সনে পাতিয়ে নই ফিরি বনে,

ফুলের সনে আপন মনে যাপিব রাত্তি ॥

সে ত সই চায়না কারো প্রাণ,
 সবাই হেসে প্রাণ ঢালে সে চায়না প্রতিদান,
 তারে না ক'রে সখী, সে ফুলে মালা গাঁধি,
 ছি ছি গো আমোদে মাতি ;—
 য'দিন রয় রাখতে স্থখে, রাখব ফুল লতার বৃকে,
 নয়নে নয়নে করি প্রেমের আরতি ॥

(জনৈক সখীর প্রবেশ)

সখী । ও ভাই, এখানে তোরা কোন্ ঠাকুরের আরতি
 করছিস ?

শান্তি । ঠাকুর আবার কোন্ কি, ঠাকুর ত এক ।

সখী । তা ত বুঝছি ; কিন্তু ঠাকুর পালায় যে—ঠাকুর
 বলে আমি পেছী পুরুতনীর পূজা খাবনা ।

শান্তি । (সহাস্তে) হাঁ ভাই সত্যি !—আমার পূজা খাবেনা,
 পালাবে ! হাঁ ভাই, সৰ্ব্বব্যাপী ঠাকুর, চৌদ্দভুবনে যার বিরাত
 অঙ্গ কুলিয়ে ওঠেনা, সে কোথায় পালিয়ে যাবে বলতে পারিস ।
 পৃথিবীর নদী সাগরে যায়, সাগর কোথায় যায় ? আমার ঠাকুরের
 কি পালাবার যো আছে, সে আপনার জ্বালে আপনি বাঁধা ।

সখী । তামাসা করছি না, সত্যি কথা । ঠাকুরটী মানুষের
 যা করেছে, ভুলতে মার কাছে ওষুধ চেয়েছিল । মা যা ওষুধ
 ব্যবস্থা করেছিল, বুঝতেই ত পেরেছ । ঠাকুরটী ওষুধের কথা শুনেই
 নাকে কাপড় দিয়ে বল্লেন, থাক আর কাজ নেই, যেমন আছি
 তেমনি ভাল ও ওষুধ আমার পেটে তলাবে না । এই কথা ব'লেই
 চোখ-বাঁধা অবস্থাতেই ছুট ।

শান্তি । সৰ্ব্বনাশ ! পড়ে গেলেন না ত ?

সখী । চতুর্দশভুবনব্যাপী ঠাকুর আবার পড়ে যাবে কোথায়
ভাই ?

শান্তি । সত্যি, তারপর কি হ'ল বল ভাই ।

সখী । সেই অবস্থাতেই ছুট—

শান্তি । তা ত শুনলেম, তারপর কি ?

সখী । তারপর আবার ছুট—কেবল ছুট—উদ্ধ্বাসে ছুট—
উঠতে পড়তে ছুট—

শান্তি । তোর পায়ে পড়ি:বল ভাই, তারপর কি হ'ল !

সখী । তার পর, কি হ'ল আমিও ষড়' বৃত্তে পারলেম না ।
রঞ্জন কঁাদতে লাগল, মুক্তি আঁচল দিয়ে তার চোক মুড়িয়ে
দিতে লাগল, মা আর একটা মানুষ খুঁজতে চ'লে গেলেন ।
কি সখি, তুমিও যে চলে, মানুষ খুঁজতে নাকি ?

শান্তি । মানুষ কি পৃথিবীতে আছে ? যমকে খুঁজতে ।

সখী । তবে দাঁড়াও ভাই, আমিও যাব ; আমারও সংসারের
ব্যাপার দেখে ঘেলা ধ'রে গেছে !

[সকলের প্রস্থান ।

(প্রমোদকুমারকে লইয়া মুক্তির প্রবেশ)

প্রমোদ । বেটীর কাছে ভুলতে চাইলুম । বেটা কিনা
পেয়ী গছিয়ে দিয়ে আমায় ভোলাতে এলো ! এত বড় আশ্পদা,
বলে মেয়ে বে কর !

মুক্তি । তাইত, মার ঐটে বড় অত্যায । দেখ ভাই আমরা
মাকে কত বুঝিয়েছি, যে মেয়ে ভূতে বে করতে চায়না, সে মেয়ে
কি মানুষ বে করে ? মা কিছুতেই শুনবে না, কেবল মানুষ
মানুষ ক'রে হেদিয়ে মরবে । তুমি বেশ করেছ, তুমি যে আর

বেটীর সঙ্গে কথা না কয়ে মুখ ফিরিয়ে চ'লে এসেছ, তাতে বেটী জন্ম হয়েছে । এখন কতক কতক বুঝেছে যে, সে মেয়ে কেউ নেবেনা । দেখলে না, আর একটা কথা কহিতে পারলে না ।

প্রমোদ । কথা কহিতে পারলে না, তার মানে আছে । প্রাণে বিষম আঘাত লাগল কি না । মা কি আর সন্তানকে কুৎসিত দেখে ? আচ্ছা সখি, মেয়েটা কি বড় কুৎসিত ?

মুক্তি । এমন কুৎসিত কেউ কখন দেখেনি । আমরা পেত্নী, আমাদের উপর সে আবার পাল্লা-মারা পেত্নী ।

প্রমোদ । বোঝা দেখি ভাই, তারে আমি কেমন ক'রে বে করি ; আমার চেহারাখানা দেখাছস ত ।

মুক্তি । দেখছিলা ? খুব দেখছি, দেখে দেখে সাধ নেটেনা, দেখছিলা ?

প্রমোদ । বোঝা দেখি ভাই ।

মুক্তি । বেশ করেছ, আমরা খুব খুসি হয়েছি ! দেখ ভাই সত্যি কথা বলতে কি, আমরা কেউ সে মেয়েটাকে ছ'চক্ষে দেখতে পারিনা । তুমি যেদিন থেকে এসেছ, সেইদিন থেকে অহঙ্কারে মাটিতে তার পা পড়ছিল না । আমি তার চেয়ে কিছু কম নয়, আমার সঙ্গেও নাক তুলে কথা । " বেশ করেছ ভাই, তার যে তেজ ভেঙেছ, আমাদের ভারী আনন্দ হয়েছে । মা যখন তোমাকে মেয়ে দেবার প্রস্তাব করলেন, তখন সে আড়ালে দাঁড়িয়ে দেখছিল ।

প্রমোদ । দেখছিল ? বলিস কি, পেত্নী সেখানে ছিল ?

মুক্তি । হাঁ ক'রে দেখছিল—নড়ন চড়ন ছিলনা । এমনি গুনলে যে তুমি তারে নেবে না, অমনি দাঁড়িয়ে দাঁড়িয়ে ব'সে পড়ল ।

প্রমোদ । ব'সে পড়ল !

মুক্তি । অভিমানে আঘাত লাগল কি না, ব'সে পড়ল ।
চোখ দেখতে দেখতে জলে ভরে গেল । অধোবদনে ব'সে নখ দিয়ে
মাটি তুলতে তুলতে অভিমানিনী কাঁদতে লাগল,—নীরব নিষ্পন্দ,
গলগল করে চক্ষের জল তার বুক ভাসিয়ে দিলে !

প্রমোদ । পেছীর চক্ষে জল আছে ?

মুক্তি । সে কি সখা, তুমি জ্ঞানী হয়ে এমন কথা কইলে ?
পেছী হাসতে জানে, কথা কয়, সুখ দুঃখের মর্ম্ম বোঝে, আর
কাঁদতে জানেনা ? জল—জল—সরোবরে কত জল, মদীতে
কত জল ? পেছী চক্ষে সাগর বেঁধে আজীবন সংসারচক্রে ঘুরছে ।
পেছী কাঁদে, সে ক্রন্দনে সহস্র সহস্র তীব্রগতি স্রোতঃস্বর্নীর
সৃষ্টি হয় ।

প্রমোদ । না, মানুষের উপর রাগ ক'রে কি কাল হিমালয়েই
পদার্পণ করেছিলেন—ডাইনী বেটা আমার সর্ব্বনাশ করলে ।

মুক্তি । কি ভাই, মাথা গোঁজ ক'রে দাঁড়িয়ে রইলে কেন ?
আর একটু চলনা, তোমায় গাণ্ডী পার ক'রে আসি ।

প্রমোদ । সর্ব্বনাশই বা কেন ? ডাইনী যদি উন্মত্তা হয়,
আমিও কি তাদের সঙ্গে উন্মত্ত হব ! চাতক মেঘ দেখে কাঁদে,
বালক চাঁদ ধরতে পারেনা ব'লে কাঁদে, আমিও কি তাদের দেখা-
দেখি কাঁদব ! না না, সে কাজ আমি করবনা ।

মুক্তি । বলি কিগো এমনি ক'রে দাঁড়িয়ে থাকবে ?

প্রমোদ । পেছী বে করব ? যা কেউ কখন করেনি তাই
করব ?

মুক্তি । বলি, যাবে কি না যাবে বল ।

প্রমোদ । ঝরঝর ক'রে জল ঝরছে—পা ছড়িয়ে আকাশ পান্নে চেয়ে আছে, সখীরা চারিধারে নীরব,—কারও মুখে কথা নাই, সাস্থনা দেবার শক্তি নাই ! আরে পেঙ্গী, তুই কাঁদলি ? শোক-তরঙ্গ-তাড়িত সংসার ত্যাগ ক'রে হতভাগিনী মরণের পরও বিধাদিনী ? শোক বুকে ধরলি, কাঁদলি ? যার হস্তে নিস্তার পাবার জন্ম লোকে মরণ কামনা করে, মরণের পরও ছাই তাই—সেই অশান্তি, সেই তীব্র জীবনযজ্ঞনা ?

মুক্তি । না বাপু এমন মজার লোক ত কখন দেখিনি । বালি লাঠী ধরবে ত ধর—আমি কি এমনি ক'রে দাঁড়িয়ে থাকব ?

প্রমোদ । যা দূর হ—তোর সঙ্গে আমি যাবনা—

মুক্তি । তাই বল, তবে মিছিমিছি দাঁড় করিয়ে রাখছিলে কেন ?

প্রমোদ । হাঁ ভাই, তুই দয়া ক'রে আমার মাথায় সজোরে একটা লাঠী মারতে পারিস ?

মুক্তি । না তাই তা পারব না, আমি বড় নিষ্ঠুর, আমি দয়া করতে পারবনা ।

প্রমোদ । সে কাঁদছিল, তুই ঠিক দেখেছিস ?

মুক্তি । দেখেছি, কিন্তু তোনার তাতে কি ?

প্রমোদ । আমার কি ? সর্বনাশ ! দেখ ভাই আমার মাথায় লাঠী মার, আমি অপঘাতে মরি, ভূত হই, জীবন্তে পাল্লেম না, প্রাণ থাক্তে পারবনা—আপাততঃ আমায় একটু জল দিতে পারিস, বড় পিপাসা—

মুক্তি । স্নমুখেই মা সুরধুনী, তার জল খাবে ?

প্রমোদ । সুরধুনী ? কই সুরধুনী ?

মুক্তি । চোখ খুলে দেব ?

প্রমোদ । না—আর নয়, আর আমি দেখবনা—আমার দর্শনের সাধ মিটেছে, স্মরধুনীর কাছে আমায় নিয়ে চল ।

মুক্তি । এস । (অগ্রসর)

প্রমোদ । তুই লাঠী মারতে পারবিনি ?

মুক্তি । না পারব না—নাও লাঠী ছাড়, আজলা পূরে জল খাও । বাটহাজার সগর-সন্তানের শোকে অধীরা, বিফুপাদ-মূলস্থা একটা পেত্নীর নয়নজলে এই সর্বনাশী জন্মেছিল, এই জল খাও, এ জলে সকল জ্বালা নিবারণ হবে ।

প্রমোদ । দেখ পেত্নী, আমায় তোরা ক্ষমা কর, আমি পাল্লেম না, আমি জীবন্তে তাই করতে পাল্লেম না, তাই আমার এ যন্ত্রণা, এই হৃদয়ভেদী তৃষ্ণা, মৃত্যু-পিপাসা । মা জাহ্নবি ! আমার এ তৃষ্ণা নিবারণ কর । আমি হতভাগা, মন বুঝতে পারলেম না । বিফুপাদোদ্ধবে পতিতপাবনি ! আমি মুক্তি চাইনা । ভক্ত-বৎসলে ! তোর এই পবিত্র সলিল স্পর্শের ফল একদণ্ডের জন্ত লুকিয়ে রাখ, আমি মুক্তির ভিখারী নই ।

মুক্তি । ওগো ওকি বলছ ? ও সখা—সখা—

প্রমোদ । আমায় আত্মহত্যার ফল দে ; প্রেত কর, জীবন্তে পেত্নী বিবাহ করতে পারলেম না—আমায় প্রেত কর—

মুক্তি । ও সখা—সখা—ওকি বলছ, না ভাই তুমি ফিরে এস, এস তোমায় শান্তি দিই ।

প্রমোদ । শান্তি, শান্তি, কই শান্তি, কোথা শান্তি ! গঙ্গে গঙ্গে ! আত্মহত্যায় যদি শান্তি থাকে, তাই দে, মুক্তি চাইনা, শান্তি দে, জাহ্নবি, জাহ্নবি ! (নদীতে পতন)

(রঞ্জনের প্রবেশ)

রঞ্জন । কি হ'ল, কি হ'ল, সখা আমার চোঁচিয়ে উঠল,
তারপর কি হ'ল ?

মুক্তি । ঝুপ ক'রে একটা শব্দ হ'ল ।

রঞ্জন । শব্দ হ'ল কি !

মুক্তি । পড়ে গেল, তোমার সখা নদীগর্ভে পড়ে গেল, তাই
শব্দ হ'ল । পেত্নীর সঙ্গে তার মিল হবে, তাড়কা রাক্ষসীর মুখ
দেখে মজাবে, ভুবনমোহিনী সুন্দরী দেখা সহিবে কেন ? দেখবার
সময় হয়েছে, আর পড়েছে।

রঞ্জন । তারপর ?

মুক্তি । তারপর ? পড়েছে, ডুবে গেছে । শেষে সাগরে
গিয়ে উঠবে, সেখানে তরঙ্গে তরঙ্গে নাচবে, প্রেম করার মজাটা
টের পাবে । নাও চল, লীলা সাঙ্গ হ'ল, আর কেন, ঘরে চল ।

রঞ্জন । কি বলি ?

মুক্তি । এই যে বল্লম, পরের কথা ভেবে আর কি হবে,
কোন উপকার ত হবেনা । চল আমরা ঘরে যাই ।

রঞ্জন । সর্বনাশি, নরহত্যা করবার জন্তই কি তোরা প্রেম
করিস ?

মুক্তি । তবে আর কিসের জন্ত করে ? মানুষের মনুষ্যত্ব
লোপ করতেই ত প্রেমের সৃষ্টি । শুধু সখাটা আর তুমি থাকতে
তাহ'লে সে পড়ে গেল দেখে, তুমি মজা ক'রে আমাকে তিরস্কার
করতে পারতে, অমনি না সখার সঙ্গে ঝাপ খেতে ? আমি প্রেম
করেছি বলে ত পারলে না । রাধাকৃষ্ণের প্রেমকথা নিয়ে
মানুষের হৃদয়ে প্রেম ধরেনা, কিন্তু গরীব আয়ানের জন্ত কখন

কি কাহাকেও এক ফোঁটা চক্ষের জল ফেলতে দেখেছ ? মানুষ যেদিন প্রেম চিনেছে, সেইদিনেই তার মনুষ্যত্ব ঘুচেছে ।

রঞ্জন। তুমি কি মনে কর, আমি সখার জন্ত প্রাণবিসর্জনে দিতে কুণ্ঠিত ?

মুক্তি। প্রেম বিসর্জনের তুলনায় প্রাণবিসর্জনে অতি তুচ্ছ । সখার জন্ত প্রাণ দিতে কাতর নও, কিন্তু তার জন্ত অমাকে ত্যাগ করতে পারলে না । তা যদি পারতে, তাহ'লে তোমার বীরত্ব মনুষ্যত্ব সব বোকা যেত । প্রাণ দিলে যদি প্রজারঞ্জন হ'ত, তাহ'লে কি রঘুরাজ পতিপ্রাণা গর্ভবতী 'রঘুকুললক্ষ্মীকে জন্মের মতন বনে দেন ? প্রাণ দেওয়া যায়—প্রেম দেওয়া যায়না । শুধু ভগবান রাজীবলোচন দিয়েছিলেন, মানুষকে কি পারে ?

(জরন্তীর প্রবেশ)

জরন্তী। কিগো তোরা দাঁড়িয়ে দাঁড়িয়ে করছিস কি ? চল না—বাছা যে জল থেকে উঠে শীতে হিহি করছে ।

(সকলের প্রস্থান)

চতুর্থ দৃশ্য

উদ্যান ।

প্রমোদ ।

প্রমোদ । সুরধুনি, তুই শাঁকচুনী—পেঙ্গীর অধম । প্রেত করতে পারবিনা ব'লে, আমাকে তরঙ্গ-করে কোল থেকে ঠেলে দিলি ! মুক্তি ভিন্ন যখন অস্ত কিছু দেবার তোরা শক্তি নাই,

তখন তোর মুখে ছাই। আর তোরে কি বলব হিমাচল,
অগ্নিগর্ভ তুষাড়াড়—তুই কপটের শিরোমণি! প্রাণসমা-নন্দিনী
প্রকৃতিরানীকে অগ্নানবদনে ভূতেশ্বর ভাঙড়ের হাতে সঁপে দিলি;
আমি ত পর, আমাকে পেঙ্গী লেলিয়ে দিবি, বিচিত্র কি!—
তোর এই বন্ধুর বক্ষে দৃষ্টিহীন হয়ে ছুটে বেড়াচ্ছি, আমার
পতন নাই, মৃত্যু নাই? মরণ যখন হ'লনা, তখন একটু বসি।

(শাস্তির প্রবেশ ও গদে পুষ্পাঞ্জলি প্রদান)

প্রমোদ। একি ক্লাবা! পায়ে আবার ফুল ঢাললে কে!—
চাটুপটু পর্কতীয়া প্রকৃতি, তুই পাগলিনী—এ ফুল তুই কারে
দিলি? এই অচল শিলাস্তূপেরও প্রাণ আছে—আমি প্রাণহীন!
পাখাণেরও প্রাণ আছে; সেই প্রাণ-ধারা-সেচনে ধরণী ফুলফল-
শোভিনী—আমাতে কিছু নাই।—আমার নয়নানলে সাগর
শুকায়—শস্ত্রশ্রামলা ধরণী মরুভূমি হয়! (পুনঃ পুষ্পাঞ্জলি)
আবার—আবার—দূর হ'ক তবে তোরও মুখ দেখবনা। আবার
ফুল! দূর হ'ক এখানে বসবও না। (উঠিয়া) পেঙ্গী বে
করব—কে কবে করেছে? এমন স্বার্থত্যাগ কে কবে দেখিয়েছে?
তাহ'লে পেঙ্গি, এ জন্মে তোর বে হ'লনা, আমি চল্লম। ডাকিনী-
নন্দিনি, আমায় ক্ষমা কর।

(মুক্তির প্রবেশ)

মুক্তি। কি হ'ল সখি!

শাস্তি। সখি, পারিস যদি আমায় পেঙ্গী কর। আমি
ঐ হৃদয়ের বিন্দুমাত্র স্থান ভিখারিণী, কিন্তু পেঙ্গী তার সমস্ত
হৃদয়টা জুড়ে ব'সেছে, পেঙ্গী আমার সতিনী হয়ে সব কেড়ে

নিয়েছে। ভাই, আমি কি আর স্থান পাব! আমার রূপের অঙ্কার গুঁড়িয়ে গেছে, আমার পেঙ্গী কম।

মুক্তি। ষতক্ষণ অঙ্কার ততক্ষণ পেঙ্গীর অধিকার, যেই হৃদয়ে আলো খেলবে, অমনি পেঙ্গী দেশ ছেড়ে চ'লে যাবে; ভুবনমোহিনী ছ্যো রাণী, তখন সেই হৃদয়ে তোমারই যে একাদি-পত্য। ঐ দেখ্ আবার ফিরল। আমি চল্লম—দেখিস্ ভাই আগে হ'তে যেন কোনমতে আত্মপ্রকাশ করিসনি।

[প্রস্থান।

• (প্রমোদের পুনঃ প্রবেশ)

প্রমোদ। কিন্তু হতভাগিনী রূপহীনা ব'লে কি তার বে হবেনা, তার মুখপানে কেউ চাইবেনা! তার প্রাণের উদারতা, হৃদয়ের কোমলতা, দয়া, দাক্ষিণ্য, ভালবাসা, ভক্তি, সকল থাকতে রূপ নাই ব'লে কি আদর পাবেনা। আমাকে দেখে মেয়েটার প্রাণে কত আশাই না জেগেছিল, সেই আশা তার ভঙ্গ হ'ল। হয় ত মনে মনে আমাকে স্বামিত্বে বরণ ক'রে, আমার অনাদরে ভগ্নমনে তুবানলের বেড়ায় আপনাকে ঘেরেছে। মানুষী নয়—মৃত্যু নাই, অনন্তকাল পুড়বে তবু মরবে না। দূর হ'ক, এ চোখের বাঁধন খুল্লোনা, দ্বিগুণ জড়িয়ে গেল। কাঁদছে—অভিमानে, লজ্জায়, ঘৃণায়, অভাগিনী চক্ষুজলে সহস্র নদীর সৃষ্টি করেছে। পেঙ্গী পেঙ্গী! উপায় নাই! স্তন্যের সঙ্গে প্রেম, ভগবন্ এ লীলা তোমায় কে দেখাতে বলেছিল? রাসেশ্বরী তোমার সর্বাস্তস্বন্দরী! একটা রূপহীনা প্রাণহীনা ডাইনীমাসীর মেয়ের মত পেঙ্গীর সঙ্গে প্রেম করতে পারতে,

তবে তোমার বিদ্যে বোঝা যেত। তুমি যখন পারলে না, তুমি যখন ‘নবজলধর বিজরীরেখা হরিণীহীন হিমধামা’ বৃন্দাবন-বিলাসিনীকে দেখে মজলে, তখন আমি কেন একটা পেঙ্গীর পিরীতের পাকে জীবনটাকে নাটাপাটা খাওয়াব? কখন করবনা, আমি কখন পেঙ্গী বে ক’রতে পারবনা। সেই দূরে ঝিলাতলে কলনাদিনী সুরধুনী-তীরে, অনন্ত শূণ্ণে প্রাণ ছড়িয়ে ব’সে আছে ও করে! মধুরতাময়ি, অনন্ত প্রাণময়ি, মদিরকটাক্ষে আমার পাগল করতে একবার উঠে এস। উঠে এলি, আমার কামনা-কৰ্ষণে কাছে এলি?—একি পায়ে ফুল দিলি, দেখ্ দেখ্ প্রেমসুধায় আমার প্রাণ পূরে গেল। পেঙ্গী পেঙ্গী—হৃদয়মন্দির শোভাকরী, তুই কি যথার্থই সুন্দরী? আয়, বুকের ধন বুকে আয়—না কই, শাস্তি কই? এয়ে তুষার-কণাবাহী সমীরণ!

শাস্তি। হাঁ ভাই! বেই না হয় নাই করলে, ডাইনীর মেয়ের মুখও না হয় নাই দেখলে, আসবার সময় তার সঙ্গে একটা কথা কয়ে আসতেও কি দোষ ছিল?

প্রমোদ। য্যা য্যা তুমি, মিষ্টিকথা? তুমি এখানে কেন ভাই?

শাস্তি। এই তোমাকে শেষ দেখতে ভাই!

প্রমোদ। কেন, আমি কি মরতে যাচ্ছি ভাই!।

শাস্তি। বালাই, তোমার মরণ শত্রুও যে কামনা করেনা ভাই। আমাদের উপকার ক’রেছ, আমরা কি—

প্রমোদ। উপকারের কথা তুলোনা, তুই ডাইনী মাসীর কে?

শাস্তি। আমি ডাইনী মাসীর মেয়ে।

প্রমোদ । কি সর্বনাশ, তুই-ই ডাইনী মাসীর মেয়ে ! তা
একথা আমায় আগে বলিসনি কেন ?

শাস্তি । তাহ'লে কি হ'ত ?

প্রমোদ । তাহ'লে নিশ্চয় গলায় দড়ী দিয়ে মরতেম । তোর
নাম কি, ভাই ?

শাস্তি । গুয়ী ভাই ।

প্রমোদ । (নাকে কাপড় দিয়া) তাহ'লে একটু দূরে দূরে সরে
থাক ভাই, স্নান ক'রে উঠেছি, এখন যেন আর হাওয়াটা গায়ে না
লাগে ।

শাস্তি । আর দূরে সরে কেন, আমি চ'লে যাই । আসি ভাই,
নমস্কার ।

প্রমোদ । এস ভাই, নমস্কার নমস্কার ।

শাস্তি । নারী জ্ঞানহীনা, বিশেষতঃ আমার মা ভালমন্দ
কিছুই বোঝেনা ; ক্ষমাবান্ ! তুমি মায়ের উপর অভিমান ত্যাগ
কর, মাকে ক্ষমা কর ।

প্রমোদ । আরে এ কোথাকার পাগল ! তোর মা কি
করেছে, এই জনহীন দেশে আমাকে আশ্রয় দিয়েছে । আমি
তারে কি ক্ষমা ক'রব, তোরা আমায় ক্ষমা কর । তবে কি জানিস,
আমার পেটে এক কথা মুখে এক কথা নেই, আমি তোদের ঘৃণা
করি । ঘৃণায় যদি প্রেমের প্রতিষ্ঠা হয়, তাহ'লে না হয় বল হুগা
ব'লে ঝুলে পড়ি ।

শাস্তি । ঘৃণা কর ! ছি ছি তাহ'লে এতক্ষণ তোমায় কষ্ট
দিলেম, ভাই চলেম ।

প্রমোদ । ছি ছি, দিন দিন আমি হলেম কি, একটা সরলা

বালিকাকে কটু কথা কয়ে দূর ক'রে দিলেম ! বেই না হয় নাট
ক'রলেম, মিষ্টকথা কহিতে কি দোষ ছিল । ওগো গেলে নাকি,
বলি রাগ ক'রে গেলে নাকি ? বলি ও গুয়ী !

শান্তি । আবার পেছু ডাক কেন ?

প্রমোদ । বাধা পড়েছে, শোন ।

শান্তি । যাও কি বলবে বল ।

প্রমোদ । তুই কি বড়ই কুৎসিত ?

শান্তি । বড় কুৎসিত ! এখন ত আমি মরেছি, যখন জীবন্ত
ছিলেম তখনও লোকে আমায় পেত্নী বলত । আমি
উলুনমুখী, চেরণদাঁতী, কটাচোখী, খেবড়ানাকী, নাদাপেটী—

প্রমোদ । থাম্ থাম্, আমার গা বিড়িয়ে আসছে ।

শান্তি । আমার চোকে পিঁচুটী, নাকে শিকনি, কাণে পুঁজ—

প্রমোদ । হয়েছে, বুকতে পেরেছি ।

শান্তি । পায়ে গোদ, তাতে বড় বড় গঁজ, তা থেকে ঝর ঝর
ক'রে রস ।

প্রমোদ । (বমনোদ্যোগ) ওরে বাবা, যাইযে—

শান্তি । আরও বলব ?

প্রমোদ । আমার ঘাট হয়েছে, বুকতে না পেরে ভাই ভিমরু-
লের চাকে কাটা দিয়েছি । তুই কত বয়সে মরেছিলি ?

শান্তি । আইবুড় বয়সে ।

প্রমোদ । একেবারে খাঁটী আইবুড়, একটা আধটা সম্বন্ধও
জোটেনি ?

শান্তি । জুটবে কোথা থেকে ভাই, আমার নাম শুনে বটক
দেশ ছেড়ে পালাত ।

প্রমোদ । স্বপ্নেও কি কখন সম্বন্ধ হয়নি ?

শান্তি । সে হুঃখের কথা আর কেন জিজ্ঞাসা কর ভাই, শেষে কি পেছী হয়েও পাগল হব । স্বপ্নে আমার একজনের সঙ্গে সম্বন্ধ হয়েছিল । সে বড় সুন্দর—তার নাম সুন্দর, কথা সুন্দর, রূপ সুন্দর, গুণ সুন্দর । সে মহাপ্রাণ, সে পরের হুঃখে গলে যায়, পরের হয়ে দাসত্ব করে, পরকে যথাসর্ব্বস্ব দান ক'রে ভিখারী । পর তার প্রাণ, পরের জন্তই তার জীবন ধারণ ।

প্রমোদ । সে খুব বড়লোক, তারপর কি বল ।

শান্তি । তার গুণ শুনে বড় আশা হ'ল ! ভাবলেম একবার বাই, একবার গিয়ে পায়ে ধ'রে প্রেমভিক্ষা চাই ।

প্রমোদ । গেলি ?—ওকি থামলি যে ?

শান্তি । এই যে ভাই, গলায় আমার একটু সর্দি জমেছে । যে লজ্জা বিসর্জন দিয়ে আজ তোমার সঙ্গে কথা কইছি—

প্রমোদ । আরে আমি ত ঘরের লোক, আমাকে বলতে লজ্জা কি, ব'লে যান ।

শান্তি । মার কাছে শুনেছিলাম, যে বিশ্বপ্রেমিক তার চক্ষে সকলি সুন্দর । মাতৃবাক্যে সাহসিনী আমি নির্লজ্জা অভিসারিকার বেশে স্বপ্নে তার কাছে গেলেম ।

প্রমোদ । তারপর ?

শান্তি । গিয়ে দেখলেম সেই সুন্দর, আমার কল্পনার নায়ক স্বপ্নরাজ্যেশ্বর একটা উন্মুক্ত প্রান্তরে শিলাতলে আকাশ পানে চেয়ে ব'সে আছে । ভয়ে ভয়ে কাছে গেলেম, গিয়ে বল্লেম, ওগো প্রেমিক ঠাকুর আমার বে করবে ? প্রেমিক ঠাকুর আমাকে না দেখেই বলেন, অমিয়ভাবিণি তুমি কে ?—সকলে আমার করুণা ব'লত ।

প্রমোদ । বারা ব'লত তারা বিশ্বনিদ্রুক, তুই যথার্থ অগ্নি-
ভাষিণী । তারপর ব'লে যা ।

শান্তি । আমার বরের সেই কথা শুনে প্রাণে একটা বড়
সাহস হ'ল, সেই সাহসে বল্লম, 'একবার ফিরে দেখনা' ।

প্রমোদ । ফিরে দেখলে ?

শান্তি । বলছি শোননা ।

প্রমোদ । শীগ্গির শীগ্গির বলনা ।

শান্তি । বল্লম, ওগো দয়া ক'রে আমায় একবার ফিরে দেখনা ।

প্রমোদ । ফিরে দেখলে ?

শান্তি । সেই বলাই আমার কাল হ'ল ।

প্রমোদ । ফিরে দেখলেনা ?

শান্তি । দেখলে, পদ্মপলাশলোচন দিয়ে একবার আমার
পানে চাইলে । দেখে যে মুখ ফেরালে, সে মুখ আর ফিরলনা ।
ধু আমার উধাও হ'য়ে চ'লে গেল । অত্রে কটু কথা কয়ে দূর
দূর করত, তা আমার সহিত, কিন্তু তার মুখ ফেরান সহিল
না । আমি স্বপ্নেই পাগল হলেম, সে মত্ততা আর সারল না,
স্বপ্নেই অকুল সমুদ্রে কাঁপ খেলেম, ম'রে পেত্নী হ'লেম ।

প্রমোদ । ফিরল না ? সে বিশ্বপ্রেমিক ? সে তও, চোর,
পাষাণ, পিশাচ, সে শালার ঘরের শালা ! ফিরল না, আর
একটা কথাও কইলে না ! সে শালার নাম কি ? আচ্ছা তারে
এখন দেখলে চিনতে পারিস ?

শান্তি । আহা তার সেই চক্ষু, সে পদ্মপলাশলোচন ! তার মুখ
আমি দেখতে পাচ্ছি, কিন্তু তার আঁখি, সেই খঞ্জনগঞ্জন আঁখি !

প্রমোদ । ওকি, কাঁদিস কেন ? বালিকে বালিকে !

শান্তি। সে যে একবার আমার পানে চেয়েছিল, আমার কুরুপা দেখে ফিরিয়ে নিলে। আঁখি! ইচ্ছা করে আর একবার দেখি, না একবার কেন, বার বার দেখি, শতবার দেখি, জীবনে দেখি, মরণে দেখি সেই আঁখি—

প্রমোদ। কি কল্লি পেত্নী, আবার কি তুই পাগলিনী? এমন নিষ্ঠুর? সে শালা এমন নিষ্ঠুর? আর ফিরল না! আরে পাগলী, এমন নিষ্ঠুর শালাকে স্বপ্নে দেখতে গেলি কেন? ভাল বল সে শালার নাম কি, বল সে শালার বাড়ী কোথায়? দেখ্ উন্মাদিনি! এই আমার বাহুযুগল, এই বাহুবলে মত্ত-মাতঙ্গ বিধ্বস্ত হয়। এই বাহু এতকাল আমি মানুষের সাহায্যে রেখেছিলাম, তোর জন্ত মানুষের বিরুদ্ধে সেই বাহু আবার তুলে। সে শালার নাম আমাকে বল, বল সে কোথায় থাকে, আমি তারে ধরে এনে তোর দাস করি।

শান্তি। ভাই আমি চলেম।

প্রমোদ। না না পেত্নী বাসনি, আমি তোরে অভয় দিলেম, আমাকে সকল কথা খুলে বল।

শান্তি। তার বাড়ী অবন্তীপুর।

প্রমোদ। অবন্তীপুর? নাম কি?

শান্তি। প্রমোদকুমার।

প্রমোদ। প্রমোদকুমার? দেখতে কেমন?

শান্তি। তা ভাই আমি বলব না।

প্রমোদ। আরে মর বলনা, এই যে তোরে অভয় দিলেম, নিঃশঙ্কচিত্তে বলনা।

শান্তি। ঠিক তোমার মতন।

প্রমোদ । আমি শালা নইত ?

শান্তি । তা কেমন ক'রে বলব, সে বহুদিনের কথা ।

প্রমোদ । তুই কি বড় কুৎসিত ?

শান্তি । বড় কুৎসিত, আর্শিতে নিজের মুখ দেখতেই আমার ঘৃণা করে ।

প্রমোদ । আরে পেত্নী ! তুই কুৎসিত হলি কেন ? তোর গলা এত মিষ্টি, তুই কুৎসিত হলি কেন ?

শান্তি । নরবর ! তুমি সুন্দর হ'লে কেন ? তুমি নিজে কুৎসিত হ'লে তো আমাকে ঘৃণা ক'রতে না ।

প্রমোদ । হয়েছে হয়েছে, আচ্ছা তুই আমার চোখ খুলে দে, আমি তোকে একবার দেখি ।

শান্তি । না ভাই তোমার পায়ে পড়ি ভাই ।

প্রমোদ । দেখ আমার যদি দেখে থাকিস তো বল, বলবার এমন সময় আর পাবিনি ।

শান্তি । মূর্খ-চূড়ামণি ! মাহুঘের উপর রাগে বুদ্ধি শুদ্ধি সব জলাঞ্জলি দিয়েছ ? পেত্নী ব'লে কি আমার ধর্মজ্ঞান নাই, আমি কি সতী নই, আমি কি পর পুরুষের কাছে উপযাচিকা ? আমি তোমাকেই স্বপ্নে আশ্রয়দান ক'রেছিলাম, তুমিই আমার স্বামী ! এখন তুমি যথেষ্ট গমন ক'রতে পার, আমি চলেম ।

প্রমোদ । বাবি কোথায় ? স্বামীর অনুমতি না নিয়ে বাবি কোথায় ? কুৎসিতে ! তুইও আমার স্ত্রী, তুইও আমার হৃদয়েশ্বরী ! না শঙ্করি ! চোখ দাও, আমি আমার ধর্মপত্নীকে স্বর্গচক্ষে দেখি । দে পেত্নী তোর হাত দে, (হস্ত ধারণ) কুসুম-কোমল কর বার, এমন সুমিষ্ট স্বর বার, সে কি পেত্নী ?

শান্তি । আর আমার পেত্নী বলে কে ? আমি এখন নরের
গৃহিণী নারী, সুন্দরের মনোমোহিনী সুন্দরী !

প্রমোদ । আজ আমি শান্তি পেলেম, আজীবন যে ভার
হৃদয়ে বহন ক'রে আসছি, যে আলাপ জলে মরছি, পেত্নী, তোরে
পেয়ে আমার সে সকল যন্ত্রণা দূর হ'ল । পেত্নী, তুই আমার
শান্তিদায়িনী । দে আমার চোখ খুলে দে ।

শান্তি । না না তা ক'রোনা । দেখলে যদি কষ্ট পাও ।

প্রমোদ । আর তা ক'রো না । যা থাকে অদৃষ্টে, আমি
একবার তোকে দেখব । বাঁধা-চোখে আমি তোরে সুরধুনীতীরে
দেখেছি, সে তুই বড় সুন্দর । একবার খোলা-চোখে তোরে দেখব ।

শান্তি । কর কি, কর কি, তাহ'লে আমি পালাব ।

প্রমোদ । সে তুই যা খুসী তাই কর, জয় দুর্গে । (চক্ষুর
বন্ধন উন্মোচন)

শান্তি । তবে আমি চলেম । (অন্তরালে পলায়ন)

প্রমোদ । আহা কি সুন্দর ! চ'লে যায় ও কি সুন্দর ! এই
আমার পেত্নীর রূপ ! যায় যে, গেল যে, উধাও হয়ে চ'লে গেল
যে ! রাফসি, স্বামিঘাতিনি, মনোমোহিনি, নিষ্ঠুরে—

শান্তি । (গীত)

আজু রঞ্জন হাম ভাগ্যো পোহায়মু,
পেখমু পিয়ামুগ-চন্দা ।

জীবন সৌবন সফল করি মানমু,
দশদিশ ভেল নিরদন্দা ॥

আজু যমু গেহ গেহ করি মানমু,
আজু যমু দেহ ভেল দেহা ।

আজু বিহি মোয়ে অশুকুল হোয়ল
টুটল সবহ সন্দেহা ॥

সোই কোকিল অব লাথ ডাকউ
 লাথ উদয়া করু চন্দা ।
 পাঁচ বাণ অব লাথ লাথ হউ
 মলয় পবন বহুমন্ডা ॥

পাট পরিবর্তন ।

হিমালয় শৃঙ্গ ।

চঞ্চল, চঞ্চলা, ভয়ন্তী, মুক্তি, রঞ্জন ও সখীগণ ।

(গাঁত)

আহা কি মধুর নিশি, দশদিশি হাসি হাসি,
 এসেছে তোমারে বঁধু দিতে উপহার ।
 গগন পাঠারে দেছে তারার কিরণ মালা,
 শশী দেছে ঢেলে সুধাধার ॥

শিখরিণী দেছে তার শীকর-তরঙ্গ,

অনিল দিয়াছে মধু-সঙ্গ,

জলদ দিয়াছে ফল মধুমাখা আঁখি জল,

চপলা দিয়াছে লীলা-হার ॥

ধরহে ধরহে প্রিয়হে বঁধুহে, সকল হিয়ার বিধু-সার ;

তুমি সকলের বঁধু, তুমি সকলের মধু,

তুমি সকলের শুধু, সকলি তোমার ॥

বাবনিকা

